









OPERE VARIE
D I
GIACOPO STELLINI
C. R. S.
VOLUME IV.

CONTENENTE LEZIONI DI FILOSOFIA
MORALE.

Τέχνη δ' ἀμφοτέρων ἔστι τῶν σοφῶν.
Callim.



IN PADOVA. MDCCLXXXIII.



NELLA STAMPERIA PENADA.

Con Lic. de' Sup.



(III)

ANTONII EVANGELII

E CONGR. SOMASCH.

PRAEFATIO.



Vm Stellinianam Ethicem innumera pene in membra discerptam sparsamque superioribus annis colligeremus, in unum quasi corpus suis absolutum numeris redacturi, contigit ut in quasdam aliquando lucubrationes incidere-
mus, quæ quoniam ad institutum nostrum minime pertinebant, rejectæ a nobis ac sepositæ sunt. Ac nonnullas quidem iccirco repudiavimus, quod cum auctor vel au-
di-

ditorum fatietati ac fastidio occurrens , vel loci consuetudini serviens nova interdum aliqua postulanti , vel satis denique sibi facturus , qui insidentis sibi in mente speciei cujusdam undique perfectæ excellentiam numquam se plane affecutum putabat ; iterum , tertio , ac sæpius iisdem de rebus differuisset ; licebat quidem nobis unam aliquam e multis lucubrationem seligere , quam in Ethicæ libros inferremus , omnes autem inferre non licebat. Erant vero alia , quas in uno eodemque opere consistere argumenti dissimilitudo non vetabat ; at vetuit ordinis ratio , cujus ad leges cum auctor sapientissimus editos ab se libros quam accuratissime exegerit , nobis item nihilo minore cura ii fuerunt exigendi , qui parente orbatu suo nostram quodammodo in fidem ac tutelam concesserant. Quare si quas ille acroases aut nullo , aut laxiore cum ceteris quasi vinculo conjunctas reliquisset , nos satius eas duximus prætermittere , quam invitas in aliarum
so-

focietatem conjiciendo , operis pulchritudini officere , quam tum demum rebus cumulatam omnibus fore putavimus , cum partium , ex quibus opus ipsum constaret , ea esset (*a*) series & continuatio , ut alia ex alia nexa , & omnes inter se aptæ colligatæque viderentur .

Quæ tunc temporis prætermiſſa a nobis sunt , ea , licet nulla fere se mutuo societate contingant , in unum tamen coacta librum , qua in re veteres multi tum Latini scriptores tum Græci suo nobis exemplo præivere , nunc edimus in lucem . Consilium autem hoc nostrum ab intelligentibus existimatoribus magnopere probatum iri confidimus . Quibus enim virtutibus ea de moribus scripta commendantur , quæ hætenus prodierunt , earum in his nullam desiderabunt . Idem in utriusque multiplicis exquisitæque doctrinæ apparatus , idem orationis nitor , eadem gravitas , subtilitas ,

copia. Illud tamen in mentem venit subvereri, ne id mihi aliqui dent vitio, quod ea in medium afferam, de quibus in Ethicæ quoque libris disputatur, rati videlicet, quæ nunc profero, non admodum ab olim editis discrepare. Verum ab his, si qui erunt, peto, ne prima se fronte decipi sinant, sed lucubrationes ipsas perlegant: id enim si fecerint, de iis usurpari merito posse intelligent Terentianum illud:

*Non ita dissimili sunt argumento, sed
tamen*

Dissimili oratione sunt factæ ac stilo (b).

Quæ mihi res ad illas e tenebris evocandas stimulos addidit acriores, quippe cum iis in lucem prolatis viderem novum quoddam laudis genus Stellino accessurum. Magnum profecto quiddam est de rebus iisdem non iisdem verbis ac sententiis agere; idque ipsum non semel, sed sæpius; non multo, sed nullo labore efficere. Ca-
ve

(b) In Prolog. Andriæ.

(VII)

ve enim putes , si quando scribere quidpiam Stellinus pararet , opus ei fuisse magnam librorum vim pervolutare , acrive ac diuturna mentis contentione niti . Nihil omnino intererat , utrum paratus mandare aliquid litteris aggredieretur , an imparatus . Cum enim hærescent illi in memoria quæcumque legerat (ita autem multa legerat , ut nemo plura) , habebat semper in promptu magnam atque incredibilem quamdam rerum copiam , quæ numquam uberem de re quavis differendi materiem deesse homini pateretur . Quibus undique collectis opibus etiamsi caruisset , habebat tamen intus in se ipso , unde inexhaustas , quotiescumque opus esset , divitias promeret , excellens videlicet ingenium ac pene divinum . Quemadmodum enim terra , minutissimo in gremium excepto semine , involutas ac delitescentes in hoc particulas ita fovendo evolvit explicatque , ut herbescentem ex eo primum viriditatem , deinde flores , tum fructus eliciat ; sic Stellino , qui hoc ha-

(VIII)

bebat , ut res quaslibet , quæ singulæ non uniufmodi sunt , fed multiplices , atque aliam aliamque ex variis quasi locis spectatæ sui speciem exhibent , lustrare undique posset , penitusque totas perspicere , modo rem illi aliquam objecisses , quantumvis jejuna exilisque videretur , infinita propemodum rerum vis ac varietas ea de re scripturo suppetebat . Quæ de Stellino dum dicimus , haud sane veremur , ne iis similia videamur effurire , quæ ipsum de se jactare solitum accepimus Leontinum Gorgiam (c) , qui paratum se ad omnia profitebatur , de quibus quisque audire vellet . Hujus enim si dicta res refellit , nostra numquam non comprobavit . Nam quod nos de scribente Stellino tradimus , id de loquente ii omnes sunt experti , quibus fuit cum homine colloquendi copia : quorum cum plerique superstites adhuc sint , omnem a nobis possunt vanitatis suspicionem

(c) Cic. l. 1. de Oratore .

nem amovere. Quocirca parum oppido Stellinus abfuisse censendus est ab Archiæ laude, qui, teste Tullio (*d*), cum interdum magnum numerum optimorum veruum de iis rebus, quæ tum agerentur, dixisset ex tempore, revocatus solebat eandem rem dicere commutatis verbis atque sententiis. Hoc tamen in hisce lucubrationibus Stellinum fecisse cum dico, id nolim sic accipi, ut nihil prorsus, quod in earum aliqua insit, in alia reperiri debere existimetur. Ecquis enim id ab eo jure postulet, quod fieri vix potest? Non enim oratoriæ modo artis, sed rerum pene omnium ignarus ille sit, qui, cum id a Tullio videat de Archia prædicari, nihil eum putet veritatis fines transgressum, cum præsertim ejusmodi res agatur, de qua, neque si maxime cupias, quidquam possis certo affirmare. Neminem igitur futurum arbitror, qui tam levi de causa hujuscemodi

(*d*) In Orat. pro Archia poeta.

di scripta non satis fuisse digna existimer, de quibus in vulgus emittendis cogitarem. Quod tamen si quis fecerit, haud equidem magnopere laborabo. Nam qui me culpaverit, idem veteres illos culpaverit, qui duos Ciceronis de Inventione libros, tres de Oratore, Oratorem, Brutum, Oratorias Partitiones, ac Topica ad nos usque transmissere. Quibus quidem in libris, cum illud fere unum universi spectent, ut ad eloquentiæ laudem contententes recte instituantur, tamen si plura legentibus occurrant inter se similia; tantum tamen abest, ut eos hanc ob rem eruditi viri fastidiant contemnantque, ut etiam magni æstiment, in deliciis habeant, sibi que vehementer gaudeant, quod omnes ex præteritorum sæculorum jactationibus ac procellis incolumes ad nos enaverint.

Quia vero quæ de Morali, sic enim appellant, sensu disputatio est, non ita ab ea discrepat, quæ idem pertractans argumentum in libro inest Ethicæ Stellinianæ quinto

to (e), ut videri in eam possint apte cadere quæ sunt hætenus a me dicta ; ideoque mirabitur fortasse quispiam cur illam edendam censuerim ; iccirco monitos lectores volo, id propterea fecisse me, quod in hac lucubratione sensus hujusce non modo, quod in *Ethica* factum est, descriptio exhibetur, inanitasque retegitur, sed historia insuper quasi quædam contexitur. Neque enim unius tantum hominis inventum sensus moralis est, sed multi ad id constandum commentum suam veluti symbolam contulere. Stellinus itaque rem a capite arcessens quis illius prima jecerit fundamenta, quis hisce ædificium quasi superstruxerit, quis extructum amplificarit, expoliverit, ornaverit, docet, sua cuique adjudicans. Quod cum plerique philosophicarum rerum scriptores, Itali præsertim, ignorarent ; si quando de moralis sensus auctoribus fuit illis dicendum, mirum est

(e) Cap. 2.

est (f) quam varias in sententias abierint. Operæ igitur pretium me facturum putavi, si hoc edito commentario quamdam veluti facem accenderem, quæ harumce rerum studiosis præluceret, labique illos in posterum non pateretur. Atque hætenus de primo disputationum genere, quod eas complectitur lucubrationes, quæ de malorum & bonorum opinionibus, de intelligentia, de recta adolescentium disciplina, de vulgari amicitia perfectæ anteferenda differunt, ac bina demum secundi Ethices libri proœmia.

Quod vero ad alterum spectat lucubrationum genus, hæ, quemadmodum initio dixi, olim editas aut nulla aut parva admodum cognatione attingunt. Ac septimo qui-

(f) Hujusce rei locuples testis est vir egregius Andreas Draghettus, qui in adnotationibus ad suum *Psychologie Specimen* Mediolani editum an. 1771. hæc habet: *Non satis convenit inter moralis sensus patronos, quinam præcipuus eiusdem auctor habendus sit: alius enim primas tribuit Lord Shaftesbury, alius Hutchesonius, alius Humio &c. Illud videtur certum e Scotia aut Anglia opinionem huiusmodi fuisse profectam.*

(XIII)

quidem loco posita disputatio in eo versatur, ut doceat, nimis eloquentiæ Aristidem Quintilianum tribuisse, qui cupiditatum in officio continendarum vim illi ac potestatem inesse censuerit. Quam Græci hominis sententiam, alterius Græci item hominis, & quidem sapientissimi Thucydidis auctoritate præsertim objecta Stellinus oppugnat, ac tamquam clavo clavum extrudit.

Quæ huic continens est disputatio ostendit beatum esse neminem posse, qui bonis quidem ceteris abundet omnibus, at amicis careat. Is etiam ab Aristotele (g) tractatus locus est: verum si quis Stellanianam lucubrationem cum Aristotelea conferat, illam plurimum huic præstare non diffitebitur. Non enim hæc modo Stellinus perfecit, ut quæ sicce pro suo more tenuiterque Aristoteles scripsisset, ipse læta quadam ubertate atque amplitudine tractaret;

quæ

(g) L. 9. Ethicor. c. 11.

(XIV)

quæ nonnullis infuscata tenebris reliquisset, luce perfunderet; quæ non satis luculenter digessisset, pulchriorem in ordinem adduceret; sed tam multa præterea addidit, tamque præclara, nihil ut reliqui fecisse videatur, quod ad absolutam propositæ quæstionis tractationem pertineret.

Decima vero acroasis in eo vertitur ut palam faciat quid propositum Plato habuerit in eo Dialogo, cui Lyfidi nomen est. Nam Platonis libri duo in genera (b) tribuuntur, quorum unum id attributum habet muneris, ut instituat; alterum, ut verum peruestiget. Iam eorum, qui institutionem spectant, alii in contemplatione versantur, & naturales vel logici sunt, alii actionem respiciunt, & morales sunt aut civiles. Qui vero disquisitioni dant operam, hi etiam multas habent subjectas species, quas nihil est cur omnes singillatim recenseam. Illud satis fuerit, si dixerò, quos-

(b) Laert. l. 3. segm. 49.

quosdam ex iis *μαιδευτικὸς* fuisse a veteribus appellatos, quod in iis Socrates obstetricis quodammodo munere fungens (i), quæ excogitare ipsi per se adolescentes possunt ac veluti progignere, ea, injectis dubitationum initiis, tamquam doloribus quibusdam partum præcurrentibus, paullatim eliciat; quosdam autem *πειραστικὸς*, sive ex iis, quæ respondentur ab eo, qui quidpiam affirmat, ei contraria, quod affirmat, eruentes. Quod igitur ad Lysidem attinet, si quis de hoc dialogo ferre iudicium velit ex iis, quæ de eo docti quidam viri conscribere, is in contraria distractus, quam sibi in sententiam sit eundum, prorsus ignoret. Illum enim e recentioribus Serranus ethicis, Claudius vero Florus (k) logicis dialogis annumeravit. Contra antiqui scriptores Thrasylaus (l), Laertiusque Dio-

ge-

(i) Σωκράτης ἐνδίδως ἀρχὰς ἀποβαλὼν, ὥσπερ οἰστὺν, τοῖς νέοις ἐπὶ γυναικὶ καὶ ἀνδρὶ τὰς ἐμψύχους ψυχὰς. καὶ τὸ τοῦ μαιδευτικῆς τέχνης ἀνέμαλτον. Plutarch. in Quæst. Platon. sub init.

(k) Dissertat. in Platonem. (l) Apud Laert. l. 3. f. 56

(XVI)

genes (*m*) hunc uterque librum ad secundum pertinere genus arbitrati sunt , quippe quem *μαυλοπικόν* uterque esse autumarint. At Stellinianam lucubrationem qui legat ; is haud diu pendebit animi. Stellinus enim totam dialogi feriem paucis complexus , nihil in eo quidquam a philosopho decerni , ita perspicue declarat , ut quæ verba de Platone dixisse Socratem ferunt , cum ipsum hunc librum recitari audisset (*n*), *Ἡράκλεις , ὡς πολλά μὲν κατεψεύδεθ' ὁ νεανίσκος* . *Di immortales , quam multa mentitur de me adolescens !* eadem Plato , si reviviscat , de Serrano , qui decreta ex eo dialogo multa exsculpsit , dicturus videatur. Quod vero Serranus ea Platoni affinxit , quæ nusquam sunt , id licet ineptum plane sit , ferendum tamen quodammodo est , si cum iis conferatur , quibus suas in Lysidem adnotationes concludit : ait enim Socratem *πειραστικῶς* disputasse. Sane quis ferat , hominem in Plato-

to-

(*m*) L. 3. seg. 51. (*n*) Laert. l. 3. segm. 35.

tone tamdiu volutatum vim ac notionem ignorasse vocabuli περιχρῆστικῶς, quam nos paullo ante ex Aristotele (ο) attulimus; tum vero nescisse in iis, quæ in utramque partem disputantur, rem nullam aperte judicari? Multum profecto a Serrani levitate abest Florus. Nam etsi perperam fecisse videatur, qui logicum esse Lysidem dixerit; tamen, si hominis verba rite perpendantur, & ex sermonis contextu æstimentur, liquido constabit, eum non in ea fuisse sententia, ut putaret logicum aliquod decretum in Lyside statui, sed dialogi tantummodo summam respexisse, quæ potissimum in eo continetur, ut, si minus præceptis, certe exemplis doceat, diu multumque explorandas res ei esse, qui vera secernere a falsis velit.

In ea, quæ hanc excipit, lucubratione

* *

mul-

(ο) Περιχρῆστικὸν δὲ (λέγει) οἱ συλλογιστικὸν ἀντιτάσσουσιν ἐκ τῶν δοκούντων τῷ ἀποκρινομένῳ. Aristot. lib. 1. de Reprehens. sophistar. c. 2.

multas Stellinus videndas exhibet vitiorum ac virtutum formas ex voluptatis aut exstimationis studio, opibusque harum vel alterutri vel utrique addictis efflorescentes. Has autem formas, ne, si Theophrasti (p) ritu finxisset, in unum ea colligens, quæ vulgo usuvenire mortalibus solent honorem aut voluptatem misere deperuntibus; nemine proposito, qui earum rerum veritatem factis suis comprobaret; eæ vel ex scriptoris magis ingenio, quam ex veritate expressæ viderentur, vel levius animos afficerent, quam ut insidere in iis penitus possent, ex historia deprompsit. Exempla scilicet in medium affert illustrium virorum ita ad rem apposita, nihil ut fieri aptius possit. Atque in hoc quidem prudentiæ & eruditionis, in eo autem ingenii luculentum edit specimen, quod, re subinde ab exemplis ad differendi subtilitatem traducta, eorum, quæ narravit, fol-

(p) In Characteribus Ethicis.

(XIX)

follerter cauffas ex humani animi penetralibus expiscatur evolvitque : ut quisquis ex rerum five abstrufarum cognitione oblectamentum quærit , five ad vitam agendam conducibilem præceptione utilitatem , habeat unde expleatur .

In duodecima difputatione docet Stellinus iccirco veterum fe philofophorum fententias de vita & moribus ex principiis apta cujusque propriis in feptimo Ethices libro expofuiffe , ut pateat primo , sæpe philofophos , cum verbis inter fe congruant , re tamen valde diffidere ; deinde exhaustas effe a veteribus eas compofitiones omnes , quas principia morum feu vera feu falſa rationis humanæ viribus inveſtiganda aut fingenda ſuppeditare poſſunt . Atque ad primum quod attinet , id unico tantum exemplo confirmat , & res quidem ipſa pluribus non eget . Quod vero ad alterum ſpectat , majus hominem quiddam animo concepiffe crediderim , quam quod reapſe præſtitit . Quoniam enim ea omnia

summatim capita attigit , ex quibus veteres philosophi suam de moribus doctrinam nexuere ; quod de uno fecit , idem videtur de reliquis omnibus singillatim capitibus facere voluisse , ut scilicet in medium afferret recentiorum hominum sententias , quarum cum veteribus facta contentione , eas ex antiquitate depromptas ostenderet. Equidem homini pene subirascor , quod cum esset unus omnium ad hanc rem maxime idoneus , quippe cui veterum juxta ac novorum philosophorum scripta explorata erant omnia , in ipso incepti sui limine substiterit. Iuvaret enim plurimum multos cernere graculos , qui sese pavonum pennis ornassent , eoque ornatu induti fucum imperitis fecissent , tandem furtivis nudatos coloribus suam prodere inopiam , ac spectantium risui sibilisque objici. Debetur hæc profecto istiusmodi nebulonibus pœna : siquidem ut honestum est ingenuique pudoris plenum fateri , si cui aliquid debeas ; ita nihil turpius liberoque homine

in-

indignius , quam si quis in partem sibi ab industrio quopiam viro suis laboribus suoque ingenio laudem invadat , fucorumque more , qui , ut est apud Virgilium (*g*) , immunes sedent aliena ad pabula , impendio suo nullo alienis fruatur bonis . Quamquam non est quidem cur de Stellino tantopere queramur , quod inchoatum opus non perfecerit . Quam enim hic provinciam vix dum susceptam consilii quasi pœnitens deposuit , eam in Ethicæ libris toties cepit , quoties capiundæ occasionem nactus est .

Lucubrationculam hanc proxime sequitur epitome ejus Platonis libri , qui Philebus inscribitur . Erunt fortasse , qui genus hoc scripturæ leve quiddam , nec ita magna laude dignum iccirco existiment , quod ejusmodi qui labores suscipiunt , iis nihil sit de suo afferendum , sed dumtaxat fuscæ ab aliis dicta breviter strictimque dicenda . Sed

* * 3

hi

(*g*) *Georgic.* l. 4.

hi velim cogitent , Philebi auctorem Platonem esse , eum videlicet philosophum , cujus scriptis tum acute inventa , tum dicta subtiliter , tum vero Socratica in contrarias partes differendi ratio , tam cæcam sæpe noctem offundit , ut ægre admodum non pluribus modo in locis germana hominis sensa pervideri , sed de ipsa quandoque rei summa judicari recte possit , dispicique quorsum tandem ille spectaverit . Quod cum ex eo dialogo scire licet , de quo nuper verba fecimus , tum etiam ex aliis nonnullis , de quibus sua in *Ethica* Stellinus differens (*r*) , non Serrani modo , sed Ficini etiam , Scaligeri , Clerici , Dacerii , aliorumque præstantium virorum somnia reteggit , qui omnes nubem interdum pro Iunone amplexari , quam longissime aberrarunt a philosophi mentè , & Græcarum litterarum , Platonicæque sapientiæ expertibus sua ipsi commenta , tamquam puros pu-

(*r*) Vide Præfat. ad lib. *Ethicæ* 3.

(XXIII)

putosque Platonis sensus venditarunt. Quæ cum ita sint , gratiæ profecto ingentes habendæ Stellino sunt , quod id sibi sumpsit negotii , ut Philebum paucis complecteretur. Cum enim ingenio polleret acerrimo , omnique doctrina apprime erudito , & , quod caput est , Platone jam inde ab adolescentia mirifice delectatus plurimum in ejus versandis libris operæ studiique collocasset ; metuendum profecto non est , ne philosophi sensa non rite affecutus sua nobis pro alienis obtrudat. Neque vero iis se finibus Stellini industria continuit , ut satis habuerit Platoniam hanc disputationem in pauca conferre. Nam & obscuris sæpe locis adhibuit lucem vel suo ipse Marte , vel antiquorum interpretum , ipsiusque adeo Platonis , qui eadem pluribus sæpe in libris tractat , subsidio advocato ; & si quid aliquando animadversione dignum offendit , lectorem suum tantisper morari , cum eoque id communicare non prætermisit. Hujusce generis ea sunt , quæ adnotavit , ubi quam

quam boni naturam Socrates statuerit , indicat. Nam cum nescius non esset , disputari a multis , omnia ne illa , de quibus differit , in medio reliquerit Plato , an aliqua habuerit decreta , magnum eorum sententiæ momentum addit , qui postremum hoc contendunt. Quæ vero de Philobi epitoma a me dicuntur , ea & de Lyfide dicta volo : eundem enim morem utrobique Stellinus servavit , nihilque quidquam præterit , quod aut ad Platonem declarandum conducere , aut nostra scire interesset.

Vltimo loco causam quærit Stellinus , cur Aristoteles , cum de voluptate libro Ethicorum septimo multis disputaverit , de eadem in decimo rursus differat. Res profecto ipsa per sese (dicam enim quod sentio) tanti non erat , ut ejus investigandæ labor susciperetur . Sed cum illud magnis viris tribui soleat , ut nihil temere fecisse putentur , sed omnia ratione & consilio ; eapropter quicumque Aristotelis libros de
mo-

moribus explanandos suscepissent , facien-
dum sibi esse existimarunt , ut in philoso-
phi mentem inquirerent . Ne itaque aut indu-
ctæ jampridem consuetudini repugnare Stelli-
nus velle videretur , philosophi & ipse inter-
pres & explanator , aut nihil afferre novi
posse ; suam ne in tantula quidem re dili-
gentiam industriamque passus desiderari ,
postquam illustrium quorundam virorum
sententias attulit , his excogitatam ab se
sapienter , ut solet omnia , rei expediun-
dæ rationem subjicit .

Hæc mihi , quæ erant Stellini reliqua
de moribus scripta edituro , præfari visum
est . Atque ex his , opinor , id facile ap-
parebit , me , cui propositum illud est , ut
populari meo optime , dum viveret , de
me merito gratiam referre studeam pro
immortalibus ejus in me beneficiis , quan-
do aliter non licet , famam ipsius glo-
riamque amplificando , ipsum mihi con-
stare . Etsi enim qui in manibus sunt mo-
rales hominis libri tantum illi videantur

ce-


(XXVI)

celebritatis allaturi , ut vix majus aliquid
expectari possit ; tamen ex iis etiam , quæ
nunc evulgamus , non parum ei profecto
laudis accedet.

*Quid sit pulchrum , quid turpe , quid utile , quid non ,
Plenius & melius Chrysippo & Crantore dicit .*

Horat. Epist. 2. l. 1.

IACOBI STELLINI
LVCVBATIONVM
ETHICARVM
LIBER SINGVLARIS.



LVCVBRATIONVM

ETHICARVM

LIBER SINGVLARIS.

CAPVT I.

*Quo pacto opiniones bonorum & malorum , semel
in animum illatæ , in eo penitus insideant
, ac dominantur .*

I.



Piniones illæ rerum expeten-
darum aut fugiendarum , quas
a sensibus inchoatas , atque
imaginatione perfectas & ab-
solutas , intus asseruamus , si
qua forte mentis agitatione depromptæ , siue pulsu
exteriori commotæ prodeant , excitari debet in ani-
mo sensus , & motus in corpore quidam extraordina-
rius , qui diversus est pro varia cuiusque affectione ,
varia rerum indole , varioque respectu , quem ad
quemque res habent , quarum aut extrinsecus obla-

A 2

ta

ta species, aut animi voluntate & nutu revocata & educta sit. Nam quidquid ita comparatum est, ut antecepta quadam opinione conciliatus ei quis, aut alienatus ab eo sit, illud ab animo recognosci porro non potest & retractari, quin animum aliqua sive hilaritate quasi diffundat, sive tristitia quodammodo contrahat; neque lætari animus aut angī potest, quin corporis habitus immutetur, aliusque succedat, qui cum animi statu novo congruat, eique subserviat. Siquidem ea præcipue conditione corporis animique fœdus institutum a natura fuit, ut numquam pars altera deferat alteram, aut ab ea deferatur; sed vicem reddat utraque reposcenti, magnæque conspiratione atque consensu uno non opportunam magis operam, quam fidelem, ad utilitatem communem conferat. Ea vero motuum conjunctione viriumque concordia confirmari debet ac prorogari status is animi, quicumque sit: & cum nihil in eo statu sive læto sive molesto discrepans ac repugnans animadvertatur, is unice convenire videtur; animumque sibi quadam illecebra conciliat, ac jucunde detinet. Quare cum animus ex ipsa molestia ea, qua demittitur aut asperè tangitur, obversante mali cuiuspiam opinati specie, sua-

suauitatem quamdam exprimat , ac dolorem eum esse iustum ac debitum ipse sibi persuadeat , aliisque persuasum esse debere censeat ; ea de causa , nisi qua nova cogitatione motu corporis apto corroborata sese in animum ingerente depellatur , de statu illo neque dimouet ipse se , neque facile dimoveri ab alio patitur : immo vero , si forte quis accedat id experturus , palam eum auersatur ac respuit , quippe quem iniuste facere , vimque sibi præter æquum inferre putet.

II. Quoniam autem ad sensum hunc voluptatis aut ægritudinis symbolam una suam corpus animusque conferunt , ideo quo tum illa boni seu mali opinio , quam affert animus , altius insidet , ac boni malive gravioris speciem inductam habet ; tum corpus est aptius ad permotiones eas , quibuscum voluptas aut ægritudo conjunctæ sunt ; eo vehementius utraque intenditur , ac diutius inhærescit , perinde tamen ut indoles ac natura dissimilis affectionis utriusque finit. Nam fere penitus in animo diutiusque tristitia permanet ; latius autem effunditur , ociosiusque lætitia deservescit. Cum enim partium corporis intimarum vires exultans hæc redundansque latius dispergat , effusiusque prodigat ; illa contra reuo-

cans ipsa se recedensque sparsas in angustum colligat , & collectas ad usus vitæ necessarios parce restricteque promat ; altera , viribus necessariis exhaustis ac dissipatis , brevi tempore defatigata residet ultro ac deficit ; altera , repressis & reservatis , quippe quæ paucis indiget , eo serius defuturis quo parcius insumptæ sunt , ad multum tempus durare potest .

III. Atque ad opinionem quidem altius inferendam , & eorum , quæ prodesse nobis aut obesse opinamur , speciem amplificandam cum multa concurrant ; præcipua tamen vis est ipsa imaginandi , quæ cum magna ex parte pendeat a corpore , ab eo varie modificata temperaturam ejusdem sequitur . Quare vel clara aut confusa , vel debilis aut efficax , vel ampla & ferax , vel angusta sterilisque est . Claritas oritur ex humorum puritate ad motum ac sensum alacri , conjuncta cum apta distincteque disposita structura cerebri ; vehementia roburque pendet ex eorundem humorum ubertate & copia ; sæcunditas & amplitudo manat ex magnitudine cerebri , quo continentur imagines . Quæ vero vim augent imaginandi , sunt ea pariter ad motus animi vehementiores excitandos accommodatiora ,

ne-

neque alterum umquam ab altero dissociari solet. Cujus est igitur sanguis purior uberiorque, ac fibræ subtiliores atque mobiliiores, ejusdem esse pariter imaginatio vividior acriorque debet: ob eamque causam rerum hilaritatem afferentium atque optabilium objectas species augere mirum in modum atque ornare solet; eaque facile fulgore quodam involvere, quæ labem iis aliquam inferre possent; seu dissipare quidquid aliunde iis accesserit incrementi commentitii, seu fucum iis inductum eluendo, quidquid est infiti vitii retegere. Cui contra crassior & impediens ipse se sanguis, ac fibræ duriores ægreque mobiles obtigerunt, ejus est angustior imaginatio, lentiusque commovetur: sed commota diu viget, cum de statu difficile deturbari queat: quocirca quæ bona sunt, ea longe contractiora; quæ mala putat, ea numquam non immodice dilatata cernit; non secus ac si quispiam nocte sublustris contueretur umbras eas, quæ a corporibus undique varie dispositis, & varia forma præditis, in quæ forte lumen incidit, emissæ miras insolitæ magnitudinis homini metuculoso figuras exhibent. Quo fit, ut quemadmodum ad ampla & læta comparatus, cum quasi perpetua versetur in

luce, nihil non illuminatum ac pulchrum videt: sic ad angusta ac tristitia proniori, tamquam undique tenebris implicato, deformata videntur ac nebulosa omnia. Qui fibras denique laxiores & molliores, & sanguinem æquo dilatiorem sortitus est, omnia remissius imaginatur; in eoque nulla boni malive eximii insignita neque altius imprimi forma, neque diutius insidere potest. Quamobrem incurfu rerum extrinsecus oblatarum leviter admodum impellitur; eoque residente, sublabitur continuo, ac rursus hebescit & languet in otio.

IV. Quæ vero vim augent & intendunt imaginandi, vel remissam aut angustam reddunt, ad motus ea pariter excitandos acriores aut segniores, leniores aut obstinatiores accommodata sunt; alterumque numquam ab altero dissociari solet: quare qui recte norit alterutrum, ambo nosse dicendus est. Quoniam autem ut ex eadem utrumque causa manat, iidemque gradus & processus utriusque sunt; ita pariter connexum utrumque est, & multa redundant ex altero in alterum; ideo sicut opinio boni cuiuspiam antecepta sponte in animo exfuscitata corpus excitat, ipsumque majus ad res eas gerendas facit, quas imbibitæ opi-

opinionī quīſque peropportunas eſſe præno-
uerit ; ſic viciffim corporis agitatio aliqua , temere
fortuitoque illata rei cuiuſpiam incognitæ pulſu
improviſo , commouet opinionem ei ſimilem , qua-
cum ipſa ea corporis agitatio congiungi antea con-
ſuevit . Ac ſi conjuncta denuo recurrit cum re-
centi opinione hac , eam altius infigit in animo ;
neque poſtea , ſi ſæpe renovata ſit , umquam defe-
rit , aut obliterari ſinit . Si forte igitur accidat , ut
corpus , cum pulſu externo cietur , ita ſit affectum ,
ut affici ſolet , cum gaudet aut dolet animus ;
ea res , quæ in ſenſus incurrens affectionem
hanc in corpore nanciſcitur , habetque comitem ,
numeratur in bonis aut malis ; eaque opinatio
in mente penitus inhæret , atque inveterat , niſi
contrario motu comitante rem eandem , ubi rur-
ſus objecta ſit , in tempore depellatur , aut aperte
repugnet opinionibus iis , quæ jamdiu quaſi civi-
tate donatæ pari cum veris & æquo jure quo-
dammodo vivunt . Atque ex eo fonte plerumque
manant averſationes illæ vel propenſiones , qui-
bus alienatos a rebus quibuſdam nos , aut eiſdem
conciliatos anteprehendimus , quam quidquam
in ipſis animadverſum fuerit , quod incommodum
nobis aut utile futurum ſit . Quarum quidem
af-

affectionum quia causa latet, aut. afferri nulla posse videtur, hæ quodammodo genus e mentis naturalium in censum irrepere solent, facile nobis id patientibus, ac libenter etiam assentientibus, quippe qui nequitie nostræ ac inertie paratum expeditumque perfugium occludi nolumus; & nostra magni referre putamus, aliquid esse, cui quo jure quaque injuria, si quid aut stulte opinamur, aut perperam appetimus, attribuatur, ut oblata forte visa peruestigandi penitus, & assensionem appetitionemque diutius sustinendi, labor is esse videatur, a quo sine culpa superfederi possit, cum aut supervacaneus aut irritus futurus sit. Quo fit, ut affectiones animi vitiosas fere homines ab se dejicientes in naturam exonerare soleant.

V. Quemadmodum autem insita desidia factum est, ut errorum nostrorum originem refundamus in ipsam naturam, quæ neque in potestate nostra sita est, neque nos umquam deserit, cum natura cujusque sit illud ipsum, quod quisque sumus; ita vicissim, eo principio constituto, desidia ipsa perpetuatæ, augetur, & nihil ea quidquam sibi timet in posterum: cum quod antea videri potuisset imprudenter inconsiderate perverse factum, id postea, non suadente modo, sed & impel-

pellente natura, fieri existimetur. Nam in ea re, cujus omnino caussa nulla cernitur, obscuritas ipsa monet esse perquirendi, iudiciiue suspendendi, locum: id autem fidenter admittitur, cujus esse certam compertamque causam persuasum sit; & defendi posse non dubitatur, quidquid ea posita caussa ratiocinando recte deducitur. Quare minime mirum est, si tanta colluvies errorum in vitam effusa sit, & qui velit tam fœdos dominos de mentibus hominum dejicere, tamquam possessionem jampridem occupatam movere qui cogitet, iniquus putetur, & qui conetur, seditiosus ac turbulentus. Sensus enim eos intulerunt, imaginatio propagavit, & locum addixit cuique suum; motus animi corporis universi copiis instructi communiunt, augmentque viribus, animosque sufficiunt; ignavia mentis omni sollicitudine ac metu liberat; demum ratio patrocínio suo defendit oblita sui, quippe quæ commodius arbitratur, eos armis a sensibus, imaginatione, motibus animi, socordiaque subministratis sine labore ullo tegere, quam suis non sine aliqua difficultate promendis evertere, tanta conspiratione virium obnitente.

CAPVT II.

De Intelligentia.

I. **I**ntelligendi facultas ceterarum omnium præstantissima est, in eaque præsertim sese divina mentis virtus exerit, animique nobilitas & excellitas elucescit. Nam insidet in ea ratio, sine qua nihil esset aliud humana vita, quam magna confusio, seditioque turbulenta cupiditatum. Nam, ut inquit in Republica Epicharmus (a),

Ο' λόγος ἀνθρώπου κυβερνᾷ, καὶ τρόπον σώζει
μόνος.

Ratio mortales gubernat : ratio mores continet.

Vt autem intemperati cæci præcipitesque motus animi vim sequuntur imaginandi, quæ permiscet inter se licenter formas a sensu traditas, ac miris fingit refingitque modis; sic intelligentia dux est voluntatis, quæ notionibus rerum perspicuis explicatisque regitur, ac regere debet cupiditates,

(a) In Excerptis Grotii.

tes, quæ confusis excitantur visis, animumque de statu deiciunt. Quippe, ut ait Epictetus (*b*), sola facultas rationalis vim habet cognoscendi semetipsam, quid sit, quid possit, & quanti æstimanda nobis obtigerit, & alias facultates omnes, quarum est nulli datum, sese ut contempletur, ac tamquam aut sinceram probeat, aut adulterinam improbet. Idem rursus (*c*), *Visu*, inquit, *auditu*, *ipsa visa*, *viteque adiumentis homini præstantius aliquid a Deo tributum est*, quod *iis utatur*, *ea tamquam ad obrussam exigat*, & *pretium cuiusque statuatur*. Porro scientiæ ratio sedes est; immo nihil aliud esse scientia dicitur a Maximo Tyrio (*d*), quam firmitas rationis, quæ per eadem constanter & recta progreditur, cognata venatur, dissimilia secernit, componitque similia, propria conjungit, confusa distinguit, ac separat aliena: demum inordinata redigit in ordinem, & quæ parum inter se congruunt, apte quadrat, & accommodata efficit. Quocirca libro secundo Manilius id rationi tribuit, ut a vero neque aberret ipsa, neque abducat alios:

Nam

(*b*) Arrian. l. 1. c. 2. (*c*) Id. l. 2. c. 23. (*d*) Differt. 11.

Nam neque decipitur ratio, neque decipit umquam:
ac libro quarto vires ejus orname prædicat:

*Ne contemne tuas, quasi parvo in corpore, vires.
Quod valet, immensum est. Sic auri pondera parvi
Exsuperant pretio numerosas ævis acervos:
Sic adamas, punctum lapidis, pretiosior auro est:
Parvula sic totum pervisit pupula calum:
Quoque vident oculi, minimum est, cum maxima
cernant.*

*Materiæ ne quære modum, sed perspice vires,
Quas ratio, non pondus, habet. Ratio omnia vincit.*

Ac si ratio subinde perverti motibus turbulentis videtur, nihil ei tum aliud obvenire dici potest, quam quod ab Epicteto (e) visis animi, virtutibus, artibusque obvenire dicitur. *Qualis, inquit, est aquæ plena situla, talis est animus: qualis lux est Solis in aquam incidens, talia visa sunt. Itaque cum aqua commota est, videtur & lux moveri, nec movetur tamen. Sic ergo si quis cæcutiat, non artes & virtutes confunduntur, sed spiritus, in quo insident; eoque sedato, tranquilla prorsus illa pariter & quieta erunt.*

II.

(e) Arrian. l. 3. c. 3.

II. Porro cum animus id a ratione habeat , ut verum assequi possit , ab ea pariter id habet , ut virtutis sinceræ , & appetitionis ordinatæ compos sit. Neque enim aliud , quo virtus paretur , instrumentum est , quam ratio vera , qua , ut ait (f) eleganter Maximus Tyrius , acuitur accenditurque animus , & ignarus discit , discens percepta conservat , conservans ad usum traducit , ad usum traducens haud aberrat .

III. Quæ cum rationi proposita tanta sint , e-
jus ipsa per se cultura diligens & assidua permagni momenti est ; tum vero ob id etiam est maxime necessaria , quod , ut ait Rhetor (g) idem philosophus , arduum est invenire rationem veram ; cum id humano animo sæpe accadat , ut ob ipsam ingenii quamdam abundantiam inops ab iudicio plane sit. Præterea tanto plus ad eam rem industriæ conferri debet atque operæ , quanto plures avocationes ab ea distrahunt , & negligi sæpius in vita communi solet , occupata nimirum obsidentibus undique blandimentis ad illiciendum animum omni artificio compositis. Nam vulgus
ho-

(f) Diff. 22. (g) Diff. 4.

hominum , omiffa fere parte fui potiore atque diviniore , fensus unice , fenfibusque cognatam imaginationem excolit , & horum illecebris ac præftigiis irretitum ætatem potiore agit , in eifque confenefcit . Statum hunc infimum rerum humanarum , & gradus alios editiores Plotinus (*b*) ordinate defcripfit , ipfisque fubjecit oculis . *Homines , ait , cum fensus ante quam mentem habeant expeditos , & in res expofitas ubique fenfibus volentes invitique fubinde incidant ; alii confiftunt in his , atque has expetendorum primum ac fupremum effe rati , bonumque decernentes effe quod in iis jucundum , & malum quod in iis moleftum fit , optime fibi confuliffe putant , fi altero comparato , depulfoque altero , vitæ curriculum expleant : & qui fibi vim mentis & rationis inter hujusmodi genus hominum eximiam & fingularem attribuunt , adeptione jucundi , moleftique fuga munus terminari ftatuunt omne fapientie , baud fecus affecti atque aves ponderofiores , quæ præda multiplici prægravatæ , quamquam alis ad volatum inftitutæ fint , altius efferri nequeunt . Alii vero ,*
quos

(*b*) Enn. 5. l. 9.

quos ipsa pars animi melior a voluptate revocat ad honestum, nituntur quidem ex inferioribus, ac sese nonnihil evehunt; sed cum intueri superiora nequeant, ac nihil habeant, in quo sistant vestigium, simul cum ipso virtutis nomine relabuntur in actiones electionesque rerum inferiorum, ex quibus evolare connitebantur. Tertium demum est genus hominum vere divinum, qui robore mentis firmiore, & acumine subtiliore præditi lucis supernæ vim sustinere possunt, ideoque caligine superata rerum fluxarum, alacriter eo constanterque involant; ac tamquam cives ex longinquis erroribus patriæ legitime restituti, fruuntur ea regione, quæ veritatis domicilium, ac sedes natalis animorum est.

IV. Ii vitæ gradus ex Platonis libro de Republica nono ducti sunt, ubi de vera fucataque voluptate luculenter agit. Censes, ait, esse quidpiam in natura summum, infimum, medium? Censes aliquem, cum ex infimo fertur ad medium, aliud arbitrari, quam sese ad summum evehi? stantemque in medio, dum oculos eo deflectis, unde venerat, opinari se alibi, quam in summo esse, cum ab eo procul absit, ut quod est vere summum pervideat? Itaque prudentiæ ac virtutis expertes homines ac sensibus dediti feruntur deorsum, ac

B

rur-

rursus ad medium usque se efferunt, & circum ista oberrant per omnem vitam; altius autem nunquam evadunt, neque suspiciunt quod vere summum est, neque sese ad superiora tollunt, neque re ulla vera implentur, neque stabili puraque voluptate potiuntur. Vbi pariter aliqua nostri superat alias, id continuo fit, ut & ipsa voluptatem sui propriam non inveniat, & alias cogat voluptatem alienam & a vera dissitam consecrari. Quod in primis efficiunt quæ a scientia & ratione maxime distant; distat autem a ratione maxime quod a lege distat atque ordine. Contra quæ scientiæ rationique obtemperant appetitiones, & sequuntur assequunturque voluptates, quas ipsa ratio concedit, adipiscuntur verissimas voluptates, quatenus appetitionis uniuscujusque natura verarum voluptatum capax est, quippe cum veritati pareant, ac voluptates attingant sui proprias. Nam quod est cuique optimum, id est & maxime cuiusque proprium.

V. Tribus hisce gradibus continetur quidquid est hominum. Primum occupant ii, qui libidimbus serviunt corporis. In duobus posterioribus illi locati sunt, qui sapientiam colunt atque prudentiam intelligentia duce. Altera quippe intelligentia ea est, quæ versatur in rebus identidem

mu-

mutari solitis; altera, quæ sempiterna eodemque semper modo se habentia contuetur. Illam adhibent in primis ii, qui civilem vitam agunt, ac de rebus agendis deliberare persæpe solent: hanc ii, qui philosophi nuncupantur, ac se totos ad veri ac boni peruestigationem contulerunt. Ipsum id Aristoteles antea docuerat. Nam libro Ethicorum sexto (i), qui totus est de virtutibus in intelligendo positus, cum prius duas esse partes animæ posuisset, ratione præditam alteram, alteram expertem rationis; nunc eodem modo rationis participem dividit, ac facit utramque ratione præditam; quarum altera res ejusmodi contemplatur, quæ necessariae sunt, & se aliter habere nequeunt; altera considerat ea, quæ contingentia sunt, & se aliter habere possunt. Illam appellari recte putat ἐπιστημονικὴν scientiæ componentem; hanc autem λογιστικὴν, sive βουλευτικὴν ratiocinatricem, sive deliberatricem; nam rationibus colligere quid, atque deliberare, prorsus idem sunt. Nam æque ratiocinatio atque deliberatio in contingentibus occupatur, cum nemo deliberet de

B 2

iis,

(i) Cap. 1.

iis, quæ se aliter habere nequeunt. Vtriusque facultatis opus est veritas; at ratiocinatricis atque deliberatricis id peculiare est, ut ejus veritas cum appetitu recte congruat, nempe ut idem & ratio affirmet, & appetitus persequatur.

VI. Vt autem deliberantis virtus prudentia est, ita contemplantis scientia. Ingenii ad prudentiam natura comparati vires graviter expressit Thucydides (k) in Themistocle, de quo memoriæ prodidit: *Eximia quadam ingenii præstantia præsentium ac repentinarum rerum, deliberatione brevissima præeunte, egregius erat æstimator, & eventus futurarum plerumque conjector optimus; tum quæ in manibus habebat expedire potis erat, ad exitumque perducere; quorum esset ignarus, baud ab eo aberat ut satis de iis commode judicaret; & in rebus adhuc obscuris quid melius aut deterius, & quo facto, quove rejecto foret opus, acerrime callideque prospiciebat.*

VII. Ingenii vero philosophici naturam graphice Plato descripsit libro de Republica sexto. *Qui vere, inquit, & ex animo scientiam expetit, ita*
na-

(k) Lib. 1.

*natura institutus est, ut summa contentione an-
nitatur ad id, quod vere est, nec moras trahat
in multis hisce ac singulis, quæ videntur esse,
& opinione tantummodo quadam adumbrantur; sed
ultra progrediatur, neque antea fatigatus expetere
desinat, quam attigerit quid unumquodque sit ea
facultate animi, qua attingi potest: qua cum ad-
hæserit, & se cum eo, quod vere est, quasi con-
nubio junxerit, intelligentia, ac veritate intelli-
gentiæ sobole, cognoscat alatur & vivat. Quæ
vero consequuntur naturam hanc, abunde persequi-
tur eodem libro; nempe necessarium, ait, esse,
ut falsum oderit, ac vera diligit, cum qui sa-
pientiæ amore tenetur, ea omnia amare debeat,
quæ cognata illi sint. Deinde cum, interea dum
cupiditas aliqua vehementer impenseque viget,
cupiditates aliæ remissiores esse soleant, & quasi
rivuli defluant quo cupiditas acrius excitata tra-
hit; iccirco qui studio inflammato rapiatur ad
sapientiam, animi voluptatem expetat oportere,
corporis autem oblectamenta despiciat: quare tem-
perantem futurum; qui animo quidquid est di-
vinum & humanum investigare studeat, ab eo
nihil esse tam alienum, atque illiberalitatem;
neque qui mundi magnificentiam intelligibilis in-*



tuetur, omnisque temporis ac naturæ contemplator est, ei magnum quid ista, immo vitam ipsam, videri posse: quare timiditatem & ambitionem ab eo procul abfuturas. Qui demum non intemperans, non illiberalis, non timidus, non ambitiosus est, ei nihil esse causæ cur in rebus contrahendis injustus sit. Quamobrem cui dux est veritas, cum necessario sincerum sequi justumque morem.

VIII. Quæ cum indoles sit hominis ad sapientiam & prudentiam a natura facti, animi perfectio, quamdiu corporis instrumento utitur, in eo fita est, ut quæ numquam mutantur, ac mutabilium exemplum sunt ac regula, penitus introspiciat; & quæ perpetuo fluunt, ea stabili consilio moderetur, & quantum cujusque natura patitur, ad normam exigat immutabilium. Sed, ut recte Plato monet, partes eæ, quæ inesse in auctore rerum atque contemplatore debent, una raro conveniunt, sed oriri plerumque divisæ solent. Nam iis, qui dociles, acuti, memores, ingeniosi sunt, iisque præditi, quæ fere consequuntur hæc, non facile obvenit, ut fortes ac magnanimi sint, & moderata tranquilla constantia consilia pati possint; sed eos impetus ingenii abripit, ac fere
sta.

stabilitas animi gravitasque deferit. Contra stabiles animorum habitus, & a levitate alieni, sicut considerati constantesque in rebus agendis, ita ad celeres ingenii motus fere tardicres hebetesque sunt; & oscitantur ac torpent, si quando contemplationi rerum a consuetudine vitæ dissitarum iis invigilandum est.

IX. Quousque vero progredi posse vim intelligendi Platonici existimarent, id paucis Plotinus (1) expedit, ubi ingenium insita indole generosum ad virtutum perfectionem qua via ducendum sit indicat. *De omnibus*, inquit, *non opinione, sed scientia tractat, & de unoquoque potest dicere quid ipsum sit, quo ab aliis differat, & quo cum aliis conveniat. Ab errore, qui in sensibus obvenit, distitum intelligibili adhaeret, in eoque diligenter occupatur, nutriendum animum in ipso veritatis campo, fretum distinctione Platonica ad idearum atque formarum discretionem, ac rerum definitionem; ascendensque ad genera summa, & quæ ex his sunt, ordine nectit, quoad universum intelligibile emectiatur, & nexa rursus in id resolvens, a quo*

B 4

pro-

(1) Enn. 1. l. 3.

processerat ab initio ; ac tum demum conquiescit , quippe quod , eo cum pervenerit , quietem affectum est , & in unum redactum nihil ultra querit ac movet .

X. Quid autem illa sit Platonica divisio , Plato ipse in Phædro docet. Ait enim Socrates : *Eximium opus est , si quis in unam ideam contuens dissipata colligat , ut singula definire possit : ac collecta rursus in species articulatim pro rerum natura dispersiat , ita tamen , ut imperiti coqui more nulla membra frangat .* Hujusmodi divisionum atque collectionum sese amore incensum esse profitetur , quo & intelligendi & loquendi compos sit ; ac si quem forte viderit , qui perspicere pro rerum natura possit unum & multa , genus nimirum ; atque partes ipsi subjectas , ejus tamquam numinis cujusdam sese vestigia sequi .

XI. Quare mentis acumen atque profunditas tanto major est , quanto longius in analysi notionum progredi quis potest , sive notiones distinctas in alias simpliciores usque resolvere . Quo autem quis plura distinguit in singulis , eo paratior est ad intuendum , quid cuique proprium sit , & quid cum aliis commune habeat : ex quo fit , ut una notione complecti plurima possit . Quanto

ve-

,

vero notiones solvere magis potest, tanto usque ad genus summum facilius pervenit gradatim. Generum enim alterum alteri porro subicitur, ut a singulis ad genus maxime universale ascendatur gradibus infinitis, quorum quo plures quis perspectos habet, eo clariores atque distinctiores rerum notiones comparavit sibi. Omnes autem in promptu habere, intelligentiæ nullius, præterquam divinæ, est.

CAPVT III.

Præfatio in secundum Ethicæ suæ librum.

I. **E**Xploratis muneribus facultatum humanarum, rei progressus ordinisque ratio postulat, ut earum limites statuamus, nempe quousque quæque progredi possit interea dum munere suo fungitur, vel quantum operæ ac temporis tribui cuique possit aut debeat. Nam si forte cuiuspiam usus eatenus intenderetur, quatenus ipsa per se spectata intendi potest, reliquæ plane exarescerent incultæ ac desides, & una quæpiam immoderatus dominante, non modo ceteris spatium deesset ad fungendum munus suum, sed
eius

ejus ipsius, quæ dominatur, usus corrumperetur, si una præstaret quæ præstanda ab omnibus sunt; vel totum ipsum labefieret, si carendum illi foret opera ea, quæ a partibus singulis afferri debet, ut numeris illud suis expleatur, & conservetur in optimo statu. Nam, ut eos prætermittam, qui omne suum tempus excolendis sensibus tribuunt, & iis, quæ ad corpus unice pertinent, confectandis, illi ipsi, qui deferunt omnia menti, & ita a corpore quasi segregandam putant, ut, quod ait in Phædone Plato, ipsa apud se maneat corpore valere iussu, ac nihil ab ipso participans, neque attingens illud, unice persequatur quod vere est; illi, inquam, ipsi, etiamsi splendida quædam proferant, tamen præter quam quod majora sectantur, quam quæ viribus assequi possint a natura datis, dum hominem efficere student integrum & absolutum, evertunt ac destruunt. Rescindunt enim societatem eam mentis & corporis, qua natura ipsa partes ab se mutuo divulsas devinxit, & quæ rescissa, mens tam distat ab homine, quam elementa singula seorsum ab eo, quod ex elementorum inter se permixtione coalescit.

II. Id autem ex eo fluxit, quod in origine malæ dispicienda dum nimis intendere conarentur oculorum
rum

rum aciem, ii quasi dissultantes inania spectra cer-
nerent: nam cum malorum gradus describerent, ma-
teriæ primum; secundum formæ, qua materia mo-
dificatur; tertium animæ, quatenus ea quidpiam a
materia participare putabatur, attribuerunt. *Ma-
lum inveniri necesse est*, inquit Plotinus (a), *primo
in iis, quæ vere non sunt, quasi formam quamdam
ejus, quod vere non est; deinde, in iis, quæ per-
mixta cum illo sunt, quod vere non est; demum, in
iis, quæ quomodocumque cum illo, quod vere non
est, commune aliquid habent*. Vere autem non esse,
sive simulacrum quoddam ejus esse, quod est, au-
tumabatur ab his sensile omne, sensiliumque affe-
ctio omnis, & quidquid huic aut obvenit, aut
ortum tribuit, aut complementum adjicit. Ideo
vero materiam esse malum ipsum existimarunt,
quod eam considerarent tamquam quid immodera-
tum, ac nullo termino circumscriptum, informe;
numquam non egenum, semper indefinitum, nus-
quam consistens, omnia undique patiens, insatia-
bile; quæ non aliunde accidunt ipsi, sed ejus
ipsa natura sunt. Quare constituerunt id esse per
se

(a) Enn. 1. l. 8. c. 3.

se malum, quod subiectum est & formis, & figuris, & mensuris ac terminis, & nihil in se boni possidet; præter ornamenta hæc extrinsecus obvenientia. Immo vero materiæ ne ipsis quidem ornamentis his induendi sui potestatem concedere. In ea materiæ plane commentitia descriptione tam imaginationis intemperantiæ redundantiaque indulserunt, ut a poetarum nemine superari possint. Nam Plotinus (b) ex eo, quod materia sit ipsa per se mala, efficere studet, esse nullo pacto posse boni participem.

III. Porro cum statuissent materiam esse vi sua pte malam, naturam etiam corporis, quatenus est materiæ particeps, iccirco malam esse censuerunt, quod inanem solum quamdam ejus, quod est, speciem præferat, & vita careat, & mutuam inter corpora corruptionem ingeneret, & per corpora temere nulloque ordine vagari soleat, & animæ actiones impediat, & numquam non fluens a stabilitate constantiaque prorsus abhorreat. Animam demum nec ipsam per se, neque omnem esse malam, sed irrationalem tantummodo malam fieri pro-

(b) Enn. 3. l. 8.

propterea iudicabant, quod extra materiam omnino non sit, sed immoderationi admisceatur, & expers sit formæ, quæ modum statuit immoderatis, quippe cum in corpore materiam habente demersa sit. Rationalem autem animam lædi dumtaxat in eo posse, quod affectibus, ac materiæ tenebris impedita minus expromptam habeat intelligentiam; neque se plane convertat ad illud quod semper est, sed inspiciat id quod oritur interitque, cuius principium est natura materiæ mala tam ipsa per se, ut id etiam, quod in ipsa non est, sed tantum ad ipsam respicit, inficiat impleatque malo suo. Quibus positis efficere necessario debuerunt, animum tum perfectum ac purum fore, cum ab se materiam omnem eliminarit, atque ad id, quod interminatum immoderatumque est, neque accesserit, neque se cogitando converterit; sed intellectu undique circumfusus sit. Ex quo demum ultro oritur, (c) hominem præsertim probum non esse quiddam ex animo & corpore compositum; cumque propterea, qui probus futurus sit, debere attenuare corpus & infirmare,

ut

(c) Plotin. Enn. 1. l. 4. c. 14.

ut appareat ejusmodi hominem esse quidpiam ab externis aliud. Quare virtutem omnem in eo verti tandem, ut animus a corpore sejungatur, animique (d) justitiam esse, sese ad intellectum in agendo dirigere; temperantiam, interiorem ad intellectum conversionem; fortitudinem, apathiam ad similitudinem ejus, in quod inspicit extra passionem omnem situm; sapientiam, contemplationem eorum, quæ in intellectu sunt. Qua in mentis a corpore divulsione cumque intellectu conjunctione si quis virum probum non constituerit; cum obtrudere nobis hominem mixtum ex bono ac malo, ex bonoque ac malo mixtam ei vitam tribuere, quippe cui nihil tribuat omnino magnum, & excellentia sapientiæ, bonique puritate dignum.

IV. Grandia quidem & elata hæc, sed ex positione falsa ducta: quod enim a Deo factum sit, esse nullo modo potest ipsum per se malum, neque mens ob ipsum id, quod corpus adjunctum habeat, in malo sita est; & sejunctio illa, quam magnifice efferunt, mentis a corpore naturæ nostræ vires exsuperat, immo vero naturam ipsam
re-

(d) Id. En. 1. l. 2. c. 6.

repugnantem habet. Etſi enim animus ipſe per ſe conſiſtere poſſit, quia tamen numquam ſine corpore extitit, quod non inſtrumentum animi eſt, neque cuſtodia vindex ſclerum, ſed æque ac animus pars noſtri, & functiones animi cum corporis motibus conjunctæ ſunt lege naturæ, ac motus hujus viciffim ad ejuſdem functiones admirabiliter accommodati; niſi qua vis major intercedat, ipſe ſe ab eo ſeparari minime patitur. Neque vero ſine providenti conſilio conjunctio ejuſmodi inſtituta eſt; nam ex ea nova functionum in univerſo ſeries effloreſcit, quæ numquam ex alterutro ab altero diſtracto proficiſci potuiſſet. Immo neceſſaria quodammodo fuit illa conſociatio naturæ duplicis, intelligentis atque corporeæ, ne rerum continuatio abrumperetur, & progreſſionis apte cohærentis interſcinderentur gradus. Nam, ut præclare Simplicius (e), inter ea, quæ ſemper ſurſum, ſemperque deorſum ſunt, quædam exiſterent oportebat media, quæ, ne quid univerſi perfectioni deeſſet, extrema inter ſe quaſi conjungerent, nempe ne qua rerum deſideraretur compoſitio,

(e) In cap. Epicteti 13.

tio, quæ ex extremis inter se apte colligatis effici posset. Quare non ineleganter appellat hominem Grævius (*f*) Aequatorem Vniverſi viſibilis & inviſibilis, cujus extrema ſunt ex altera parte pura corpora, quæ prorsus tenebroſa ſunt; ex altera puræ mentes, quæ ſunt undequaque illuminatæ; compoſitum autem ex mente & corpore, quod homo dicitur, retinet medium, & hinc tenebroſum, illinc illuminatum eſt. Animum igitur cum corpore conjungens rerum effector ac molitor Deus, rem eſt machinatus, quæ non imperfectum aliquid ac temere fuſum oſtenderet, ſed novum induceret perfectionis genus. Et quamquam vis mentis, dum corpori ſeſe accommodat, aliquatenus contrahatur; id tamen, quod amittit illa de ſuo, minus eſt, quam quod ex conjunctis exiſtit utriuſque viribus. Minus eſt enim aliqua rei, quæ jam exiſtat, imminutio, quam ejus, quæ nondum exiſtat, inductio non ſine ſenore quod acceperit, abundeque redditura, ſi prudenter exculta ſit.

V. Quare non de ſolvendis iis, quæ naturæ
fa-

(*f*) In Cofinologia ſacra lib. 2. c. 8.

sapientia conjunxit , cogitandum est , verum de moderando utroque , ut actiones , quæ fluere ex conjunctis debent , ad præscriptum naturæ exactæ sint , ejusque proposito satisfaciant ; quod ut fiat , facultatum singularum muneribus sunt limites assignandi sui . Id Plato docuit cum aliis in locis , tum libro de Republica quarto . Nam cum decrevisset , ut civitatem , sic hominem quemque tum justum esse , cum suo quisque munere fungeretur , & munus aliis attributum integrum intactumque plane relinqueret ; necessarium esse porro statuit , ut singulæ facultates concentu quodam inter se apte consentiant : quare vim rationis , quæ fere debilior est , intendendam ; & irascentem , quæ vehementior est , remittendam esse censuit . Quæ cum revera didicerint , quæ sua cujusque sunt , concupiscenti præerunt , quæ facultas animi in unoquoque redundans est , & natura inexplebilis ; & cavebunt , ne voluptatibus impleatur , ideoque amplificata nimium atque corroborata non agat deinceps quod suum est , sed imperare conetur ei , cui nullam imperandi potestatem a natura tributam habet ; ac vitam eo pacto perturbet & evertat universam . Tria hæc qui apte temperet inter se , quasi tres harmoniæ terminos

medium, summum, imum, &, si quæ alia inter ea forte sunt, ea vinculis omnia complectatur, atque adeo unum quiddam e multis effectus sit; & ea lege agat quidquid sive in pecunia comparanda, sive in cultu corporis, sive in publicis negotiis, sive in rebus contrahendis agendum obvenit; is demum virtutem attingit universalem, & perfectionem eam, quæ homini proposita a natura est. Atque concentus ille facultatum, quæ generalis quædam mediocritas appellari potest, fons est & radix mediocritatis ejus, quæ per singulas virtutes funditur, & virtutum omnium civilium constituta ab Aristotele quædam insignita quasi nota est, qua si actio aliqua non obsignata quodammodo prodeat, a naturæ sanctione abhorreere dicenda sit; cum facultatis alicujus ex iis, quæ convenire debent, aut imperfectionem aut remotionem indicet. Sed hæc fufius suo loco. Nunc enim limites facultatum universales investigandi sunt, qui primo ex ipsarum facultatum vi insita definiri debent, ut quo pronior quæpiam ad excessum sit, eo arctius contrahatur, ne reliquis impedimento sit excurrens latius.

CAPVT IV.

Alia in eundem librum Præfatio.

I. **C**Um simus quisque civitas quasi quædam ex partibus multis ac variis coalescens; singulis hisce debetur aliquid, quo fraudari nulla potest, quin eidem injuria quodammodo fiat, unoque consilio naturæ sollertis ac providæ sanctio deferatur. Sicut enim conditori civitatis non eo quidem collineandum est, ut pars ejus quædam eximie felix sit, sed habenda ratio partium omnium, eoque dirigendi cives, ut sui quisque sit operis artifex optimus, & felicitatis accommodatæ muneri suo particeps: sic etiam facultatibus omnibus a natura cuique datis consulendum, & suum cuique tribuendum est, ut hæc conserventur in optimo statu, atque ad hominis perfectionem ea conferant, quæ singulis ascripta sunt, hominemque parent & instruant ad ea, quæ præstare maxima potest; ne subsistendum illi sit infra gradum eum, in quo positus a natura est, idemque plane accadat, quod automati cuiuspiam accidere solet, si qua forte rota vitiosa

C 2

sit

sit aut ablata. Non solum enim eo vitio minuitur motuum eorum varietas ac multitudo, quos opifex, cum machinam conderet, animo destinabat; sed motus etiam ii perturbantur, quos machina rudior explorare posset instrumentis, quæ reliqua sunt, quod horum consensio conspiratioque depravata vel interrupta sit.

II. Virtus hæc & vis, quæ facultati cuique suum tribuit, & appellari iustitia cujusque potest erga semetipsum, in primis a Platone considerata & exulta est. Nam libro de Republica quarto Socrates cum ostendisset genera, quæ in civitate sunt, eadem ac numero paria cujusque in animo esse; colligit ex eo non alia ratione iustum quemque dici debere, quam qua iusta civitas appellatur. Sicut autem civitas ex eo iusta dicitur, quod cum in ea sit hominum genus triplex, unumquodque munere suo fungitur; sic quisque nostrum iustus est, cum singulæ facultates animi, quod suum est, peragunt. Quæ iustitia non in actione quidem externa, sed interiore versatur, apteque componit animum ipsum, & quæ sunt animi, ut hic minime sinat aliena gerere facultates suas, & sua sibi mutuo præripere munera, sed apte ac decore dirigat ipse se, sibi imperet, appa-

paratu sese omni instruat , amicus sit sibi , consentiensque secum ; tria illa quasi tres harmoniæ terminos accommodans inter se , atque ex multis effectus unus , temperans & compositus , omnia convenienter agat vel in opibus acquirendis , vel in cultu corporis , vel in negotiis privatis ac publicis gerendis ; iustam atque præclaram actionem eam existimans , quæ conservat & perficit habitum hunc , & sapientiam appellans scientiam illam , quæ actioni istiusmodi præest ; injustam contra vocans actionem eam , quæ dissolvit habitum illum , & insipientiæ nomen tribuens opinioni , quæ dux est ad eandem . Atque virtus hæc sanitas est , pulchritudo , firmitasque animi ; contra pravitas animi turpitudine , morbus , imbecillitasque est . Nam ut sanitas inducitur , cum quæ in corpore sunt , ordinantur secundum naturam , interque se superantur ac superant ; morbus autem innascitur , cum præter naturam aliud alii paret & imperat : sic etiam in animum inferre iustitiam aliud nihil est , quam ita quæ sunt animi componere , ut ex præscripto naturæ alterum alteri pareat imperetque ; injustitiam autem , ut contra naturam imperet alterum obtemperetque alteri .

III. Quæ parendi quidem & imperandi vices ita moderandæ sunt, ut & quod imperat in commune consulat, & quod paret, ex eo bonum suum ad se pervenire sentiat; ac dum obsequendo potiori tribuit quod ejus est excellentiæ debitum, ab eo vicissim accipiat quod suum est ac proprium, & conservari minime tutum posset atque integrum, si quod a sapientiori regendum est, ipsum se turbulente regeret. Nam ratio non debet illa quidem undique sibi corradere facultatum ceterarum opes, &, quod aliis abstulit, intus includere; sed effundere ex se quod habet innatum boni, vel aliunde collegit, idque communicare cum aliis, quæ non mancipii loco, sed socii, habendæ sunt in augenda promovendaque felicitate hominis universi: ut vere dici de ratione possit, quod magnifice magis, quam vere, de Romanis dictum est a Iuriconsulto (*) doctissimo, nimirum hisce datum esse, ut gentes non iugo premerent servitutis, sed a ferinis moribus atque immanitate ad veram libertatem, nempe ad honestatem, suis revocarent legibus. *Non enim*, inquit,

(*) Grævina Orat. 3. de Iurisprudencia.

quit, hominibus illi bellum indixere, sed vitiis, atque ut humanitatem homini redderent, arma sumserunt. Quamobrem subiectos illi suos raro nota servitutis inurebant, sed honore amicitiae, atque sociorum appellatione complectebantur; saepeque illis a barbaris moribus ad Romanarum legum sanctimoniam traductis, civitatem Romanam aperiebant, & civilium bonorum viam: quo intelligerent, non servos a Romanis tot bellis quæri, sed comites atque consortes honestæ vitæ, quæ a victorum legibus cunctis populis proferebatur. Haud ab simili modo rationi non destruendus, sed eximie perficiendus homo est, in ejusque partes ac facultates non ad perniciem ullius, sed ad incolumitatem omnium est imperium exercendum a natura tributum, ut ex collatis omnibus omnium viribus inter se conspirantibus effundatur omne boni genus, quod a mente & corpore industria summa elaborato conjunctis inter se fundi potest. Ex quo fluxit id, quod ajebant quidam, philosophum hominem in omnibus excellere. Quod explicans Dio Prusænsis (b), Recte, inquit, ex-

(b) Orat. 71.

cellere oportere philosophum ubique putant ; nisi forte dicunt , quod Eleus Hippias de se predicabat , artes illum omnes scire debere , meliusque secundum artem omnia facere quam opifices . Nam fieri non potest , ut artes omnes calleat philosophus ; ut autem omnia , quæ facturus est , & ipsa ea , quæ ex arte fiunt , si quando illi facienda sint , rectius quam alii faciat , id vero muneris ejus est ; nempe ut siue faciat quid , siue non faciat , id ab utilitate recta numquam discedat , & opportunitatem rerum ipse magis quam artifex exploratam habeat .

IV. Quemadmodum vero Plato hominem totum excolendum esse putavit , & suum facultatibus singulis tribuendum , ne qua vel torpeat inutilis , vel omnia pertrahat ad se , quæ debent in ceteras dispartiri ; sic illi , qui postea Platonici dicti sunt , animum a corpore avulsum existimarent unice perfici debere ; corporique siquid sit concedendum , non aliter id ei tribui oportere , quam reo cuiusdam ad supplicium deputato tribuitur , quod ipsi maligne alendo satis est . Quod cum facerent , perinde agebant , ac si quis universo lucem unice relinquendam arbitratus , auferenda putaret opaca omnia , quæ a luce varie colorata , lucisque calore evoluta , miracula naturæ multipli-

plicia proferunt , augentque mirum in modum multitudinem rerum ac pulchritudinem. Quemadmodum enim lux incurrens in corpora varie figurata , species exhibet oculis admirabiles , & a corporibus intus admissa , calore dum ea fovet , infinitam quamdam rerum varietatem educit ex iis ; sic animus , dum incidit in instrumenta sensuum atque imaginationis , eademque quodammodo permeat , humanæ naturæ functiones variat atque multiplicat , & quæ solus efficere minime posset omnia , corporis adjuncti , varietate ab se permoti , beneficio promit , ac mirifice quasi multimodisque transformatus sese subinde alium exerit. Sed iis corpus tam malum est , ut numquam fieri bonum , neque boni quidpiam animo afferre possit ; immo vero (c) malum est animus ipse , si corpori quasi permixtus una cum ipso patiatur quidpiam , & aliqua in re consentiat. Quamobrem ut bonum tum esse censebant animum , cum solus agit ; temperantem , cum nihil una cum corpore patitur ; fortem , cum secessum a corpore non pertimescit ; sic iustum , cum mens & ratio

du-

(c) En. 1. l. 2. c. 3.

ducit , ac cetera interea non reluctantur : quæ iustitia (*d*) ipsa nondum perfecta est , sed gradus quasi quidam ad perfectam , quæ animi a corpore penitus abstracti , seque prorsus ad intellectum agendo dirigentis , est .

V. Si quis autem iis opponeret , hominem non esse dumtaxat animum (*e*) , sed hominis naturæ naturam corporis annumerari , dum quæ corpori accidunt ad ipsum animum transferri possunt ; quare diis quidem perfectum unius mentis habitum sufficere , homini vero , cuius animo deterior aliquid est adjunctum , quærendam esse felicitatem , quæ totum complectatur , non autem parti consulat etsi præstantiori , quæ , cum altera male se habet , officio suo fungi prohibetur , alioquin abjiciendum corpus esse sensumve corporis , ut haberi cura possit animi tantum , & quæri unum id , quod animo satis sit ; si quis , inquam , opponeret hæc , regerebant (*f*) , hominem præsertim probum non esse quiddam ex animo & corpore compositum , idque testari avocationem animi a corpore , contemptumque eorum , quæ
bo-

(*d*) Ibid. c. 6. (*e*) Ibid. l. 4. c. 3. (*f*) Ib. c. 14.

bona corporis appellantur . Neque felicitatem in animante esse , neque in magnitudine , bonoque corporis habitu , neque in perspicacia sensuum ; immo vero nimiam corporis ac sensuum prosperitatem gravare animum , hominemque ad se detorquere : quocirca debere corpus attenuari , ut appareat hominem ab externis esse diversum . Vulgari quidem homini formosum esse licere , magnū , divitem , multorum dominum , quippe qui reginis hujus civis sit , neque decepto imaginibus hisce invidendum esse : sapientem autem , si forte his affluat , abjecturum , corporis dotes attenuaturum , ipsam sanitatem ita curaturum corporis , ut neque morborum neque dolorum imperitus esse velit : nullam aliam (*g*) jucunditatem exoptaturum , quam quæ bonorum animi comes est , & neque in motu posita est , neque nuper advenit , ac eorum , quæ mala dicuntur , exturbari nullo potest . Si quis autem aliam voluptatis speciem in probi vita postulat , eum non probam vitam querere .

VI. In his aliqua vera sunt , aliqua nimis exag-
ge-

(*g*) Ibid. c. 12.

gerata, magnifica omnia. Quantum autem iis in-
sit ponderis, ex argumentis, quibus ea firmare co-
nantur, manifestum fit. Si felicitas (*b*), inquit,
bonis etiam corporis explenda esset, nemo con-
trariis imminentibus esse beatus posset. Si felici-
tas esset bonorum simul, atque necessariorum, aut
etiam supervacaneorum cumulus, omnia quæri o-
porteret. At si finem unum esse, non multos,
necesse est, alioquin enim non finis, sed fines
quærentur; illud unum expetendum est, quod
est ultimum ac præstantissimum, quodque inti-
mum sibi fieri quærit animus. Eaque vere volun-
tas est, eoque presente quod optimum est imple-
tur & acquiescit. Contra vero necessariorum vo-
luntas non est, si quis vim verbi retineat; cum
hæc adesse propterea existimemus oportere, quod
a malis pro viribus declinemus; declinatio autem
ea non exoptatur primario, magis enim exoptan-
dum est, illa non indigere; quod planum fit ex
ipsis contrariis, cum adsunt, ut sanitas & indo-
lencia. Nam quid horum illecebram magnam ha-
bet? Sanitas enim & indolencia præfens contemni
so-

(*b*) Ibid. c. 6.

solent. Quæ vero præsentia nullam illecebram habent, ea nullum ad felicitatem incrementum adiungunt; absentia vero expetuntur propter contrariorum molestiam præsentem. Quare necessaria magis appellanda, quam bona, sunt, neque fini annumeranda; sed & absentibus iis, & contrariis præsentibus, finis integer conservandus est.

VII. Hæc in speciem egregia, & ad fucum faciendum humanæ sive superbix sive socordix comparata quidem sunt; sed quantum vim animi promovere videntur, tantumdem homini detrahunt, & respuuntur a natura ipsa, tamquam a mente conficta, quæ, composita quæ sunt, ad ideæ cuiuspiam abstractæ simplicitatem omnia redigenda putat; atque ex figmento suo de rebus iudicat, hisque adimit, quod illi minime inesse videt. Hinc forma quædam felicitatis manavit constantis & immutabilis, quæ cum ad homines, ut nunc sunt, pertinere non possit, ut applicetur ad ipsos, subtrahendum illis fuit id ipsum, quo sunt homines, animusque unus relinquendus, qui solus cum est, non magis appellari homo potest, quam corpus ab animo avulsum. Sed non natura commentis hominum accommodanda est, at hominum opiniones ad naturæ normam exigendæ sunt; neque

que dirimenda societas , quam animi cum corpore instituit , neque majora tribuenda homini , quam quæ natura ferat hominis . Quod cuique debetur , ex indole cujusque definiri debet : & si cui non undequaque perfectum quid conveniat , ei subtrahi minime debet id , quod cum ipso congruit , et si cum alio comparatum inferius sit . Quamquam enim ipsum per se nequeat ad excellentiam aspirare rerum excelsiore in loco positurum ; tamen quod ipsum affert , cum eo conspirans , quod a rebus altioris ordinis expromitur , universi perfectionem adjuvat . Quare ut quod perfectius est , pulchrius efficiatur , non ipsum per se unum excolendum est , sed aliorum , quæ conjuncta cum eo sunt , habenda ratio ; ejusque non ad ipsum , sed ad compositum ex ipso aliisque pulchritudo accommodanda est , quemadmodum pulcherrimæ corporis parti pulcherrimi colores adhibendi non sunt . *Si quis* , ait apposite Plato , (i) *dum figuram pingimus , vituperaret , quod pulcherrimis animantis partibus non pulcherrimos etiam colores apponamus ; nam oculi pulcherrimum membrum*

(i) L. de Rep. 4.

brum non purpureo sed nigro colore infecti essent ; responderemus : O bone , non adeo pulcbros oculos pingi oportet , ut ne oculi quidem esse videantur ; sed considera , decore suo singulis attributo , pulchrum ne totum factum sit .

CAPVT V.

Qua ratione adolescentibus consulendum , ut eorum voluntas ad honesta paretur .

I. **V**oluntas invitamentis & offendiculis omnibus exsolvenda est quam maxime potest , ne rationem præcurrat aut deferat ; eique subtrahenda cautio summa quæ sensuum illecebris occupatam , & personis alte obstupefactam iis detinent , quas omni pigmento illitas , omnique flore colorum , conspirante multorum assensione , imaginatio rebus imposuit ; ne videlicet antea pravis imbuatur , & fucatis omnino concilietur , quam recta inferi cœpta sint . Quod enim & acrius delectat , & prodit magnificentius , cum sese animo obtulerit , ab eoque susceptum sit , repudiari difficile depellique solet , ut ei locus paretur , quod assueto conditioribus atque blan-

blandioribus aridum apparet , severum , illepidum ; præsertim cum , illud esse naturæ consentaneum , ex eo facile existimetur , quod ei nihil obstrepat atque reclamitat ; hoc autem invita natura obtrusum , quod id cupiditas , quæ jam occupavit obtinetque animum , averfatur ac refpuit . Qua in re more quodam inveterato voluntati ad honesta parandæ male consulitur , dum mens ad eruditionem atque doctrinam instituitur . Cum enim fere dirigatur ad elegantiores litteras , quibus ad humanitatem informari dicimur , & cognitionem antiquitatis ; diu multumque volutari debent adolescentes in libris iis , qui lutulentas cupiditates magis , quam honesta studia , perpetuant ; & ornamentis omnibus vitia magis illustrent , quam virtutum formam lineamentis sinceris ac suis exprimant . Sæpe enim fit , ut ii sint optimi doctores urbanitatis , elegantix , leporis in dicendo , qui magistri sunt morum mali , nequitixque arbitri ; cum qui maxime laudantur , in eo potissimum elaborarint , ut & sibi cupiditatum suarum , earumque rerum , quibus excitantur hæ foveanturque , speciem altius insfigerent , & ea proponerent aliis , quibus homines eisdem dediti jucundissime detineri possent . Quare cum &
in-

ingenio valerent , & libenter occupati tenerentur simulacris iis , quæ res accommodatas ad cupiditates referunt ; animi perturbationes exprefferunt , & blandimenta voluptatis expoliverunt arte & industria , quam acerrimam & exquisitissimam adhibere poterant uno consensu percitus animus afflatu cupiditatum , ingenii vis , occupationis ipsius delectatio , & placendi ceteris , & ex eo laudis aucupandæ studium . Ex quo fit , ut eo periculosiores sint , quo sæpius in iis nihil non lautum , non elegans , non acri suavitate conditum extat atque enitet . Nam si , quemadmodum ait Aristoteles (a) , quæ inculta & horrida sunt , & a quibus abhorret ipsa natura , imitando expressa delectant ; qua voluptate perfundemur intuentes formam affabre effectam & exornatam earum rerum , quæ delectant ipsæ per se , nosque , simul ut objectæ sint , nativa quadam illecebra sensibus admirabiliter accommodata capiunt ! Sane voluntati nihil accidere potuit exitiosius , quam ut ars ad ea polienda accederet , quæ cupiditatis irritamenta sunt . Sic enim ad voluntatem depravandam

D

ipsum

(a) Lib. de Re poetica .

ipsum illud adhibitum est , quod , ut ei magnum adjumentum esset ad virtutem , in animis insitum a natura fuit . Nam ut ad rationis pulchritudinem adamandam proniores simus , natura comparatum est , ut , quemadmodum Plutarchus (*b*) ait , ob ipsum id , quod ratione præditi sumus , artes amemus , & quod arte sit ac ratione factum suspiciamus . Hinc si puerulo rude quis argentum , unaque cælatum exhibeat , is illud sibi confestim eliget , in quo rationis quidpiam & artis admixtum videat . *Oò eamque rem homines , inquit , aut morientes aut morbo confictatos sine molestia non videmus ; Philoctetem autem pictum & fictam locastam , in cujus faciem aliquid argenti admiscuisse ferunt artificem , ut as reseret intabescentis exanimæque speciem , cum voluptate spectamus & admiramur : quia nimirum animus imitatione trahitur , quod ea cum natura , quæ rationis est pariceps , aptissime congruit .* Præsidium autem eiusmodi , quod nostra maxime referebat , integrum incorruptumque permanere , hominum ingenia præpostera infecerunt , artemque traduxere ad augendam cupi-

(*b*) Lib. 5. Sympof. Quæst. 1.

piditatis vim , ne ulla prorsus adversariæ potentissimæ deesset illecebra , qua caperentur & in fraudem illicerentur improvidi , captique & illi sese difficilius expedire possent.

II. Quamobrem ad formandos animos teneriores , quanto satius esset imagines iis exhibere descriptas ordine rerum pulcherrimarum , quas in hac universitate certis astrictas legibus ipsa natura passim & constanter , aut ars æmula naturæ magno cum vitæ commodo atque ornamento supeditat , quam animi cupiditatum atque perturbationum picturas artificio omni elaboratas , quæ facilius ab animo secludi possunt , antequam admittantur , quam extrudi cum semel admissæ sint! Immo vero qui suscepit eas & amplexus est non modo ægre patitur eas ab se extrudi ; sed fovet etiam , & ab iis argumenta sumit ad imitandum ac defendendum quod harum auctoritate & exemplo ab se factum sit. Id enim fere accidit in vita communi , quod accidisse Terentius in Eunuchō finxit adolescenti Chærez. Inquit enim ipse de se (c) :

D 2

Inc-

(c) Að. 3. Sc. 5.

Inerat pictura hæc :

Iovem

*Quo pacto Danas misisse ajunt quondam in
gremium imbrem aureum.*

*Egomet quoque id spectare cœpi; Et quia con-
similem luserat*

*Iam olim ille ludum, impendio magis animus
gaudebat mihi,*

*Deum sese in hominem convertisse, atque per
alienas tegulas*

*Venisse clanculum per impluvium, fucum fa-
ctum mulieri.*

*At quem Deum? qui templa cæli summa so-
nitu concutit.*

*Ego homuncio hos non facerem? Ego vero il-
lud ita feci, ac lubens.*

III. Sæpe quidem in poetarum libris injecta mo-
nita nonnulla sunt, quorum caussa se doctores mo-
rum perhibent, ut Euripidem profitentem induxit
in Ranis (d) Aristophanes. Nam rogatus ab
Aeschilo, quam ob causam poetam admirari de-
beat quis, respondet :

Δε-

(d) Act. 4. Sc. 2.

Δεξιότητι Θ', καὶ καθεσίαις, ὅτι βελτίως πεποιθμεν

Τὸς ἀνθρώπους ἐν ταῖς πόλεσι.

Propter dexteritatem ingenii, Θ'. doctrinam, qua meliores

Efficiamus cives in Republica. (e)

Præterea non raro sic eventa disponunt atque ordinant, ut eorum, quæ fecerit improbe quis, pœnas exitu funesto luat. Quamobrem Euripides idem, cum insimularetur quod improbos fortunatos nimis faceret, exitum expectari iussit, antequam id sibi vitio tribueretur. Sed monita illa transmittuntur inobservata, vel etiam fastidium movent iis, quorum cupiditas excitata fervet, idque unum amat & probat & amplectitur, quod objecta sibi consentiente specie fovet alitque se. Plures enim ideæ motionesque consociatæ cupiditatem sustinent, quam quas ratio prudensque consilium adjutrices adhibere potest. Quod autem ad exitum attinet, qui impense amet quidpiam, eoque vehementer oblectetur, is neque tam providus est, ut interea dum præsentibus occupatur, in futu-

ra porrigat oculos; neque tam timidus omniaque circumspēctans, ut interea dum esse sibi bene perspiciat, incerta metuat: cum jucunditas, qua pertentatur, intime attingat animum; infortunium autem, quod consecutum audit aut legit, ab se facile removeat, quod aut a poeta confictum & ordinatum arbitratu suo censeat, aut aliis omnino caussis, quæ in se minime convenient, esse tribuendum, a cupiditate persuaderi sibi facile sinat. Voluptas enim, qua perfusus est, non a ficti veritate, sed ab imaginis oblata, in quam inspicit, convenientia cum cupiditate pendet; quæ convenientia non inferitur a poeta, sed invenitur insita: exitus autem ac tota series eventorum ingenio scriptoris nititur, cujus admodum esse sublesta fides existimatur, quod ei minus curæ sit; ut veritati litet, quam ut arti scenæque serviat. Quare neque prohibere potest, ne oblata ab se species excitent cupiditatem, neque excitatione reprimendæ quod adhibeat frænum habet. Nam illa vi suapte commovetur, objecta sibi congruente imagine; hoc ex eventorum serie duci debet: sed ea, ficta cum sit, omni momento caret ad persuadendum eum, cui persuaderi molestum & odiosum est.

IV. Etsi vero sensus, imaginatio, motusque animi voluntati impedimento sint, & a bono persequendo retrahant, ubi cupiditatem exasperant, exspectantque sustentant & alunt; tamen utilitatem aliquam afferre voluntati possunt, si non seorsum a ratione excolantur, sed sese adjungant ei comites, in ejusque fidem & clientelam conferant. Nam interea dum ratio honesti faciem & rerum cognitione dignissimarum pulchritudinem intropicit, laboris in partem advocari possunt eæ facultates auxiliariæ; eo pacto tamen, ut sentiant non alias esse sibi partes, quam ut intelligentiæ subserviant, & qui moventur affectus tranquilli sint, neque alio, quam quo ratio monstrat, esse sibi nitendum sciant. Quare primum ad verum & bonum sive planius intelligendum, sive distinctius explicandum, sive penitus infigendum, esse pura visa sensuum debent a contagione rerum, quæ suavitatem non sincera deliniunt animum; deinde sic injicienda caute sunt, ut iis animus non impediatur, sed ea facile possit ab se abjicere, cum primum intelligit ea sibi non esse necessaria. Nam sensuum imaginibus, etsi puræ castæque sint, si nimium abundant, veritas inobscuratur; mens, dum hæret in

his diutius , quam oportet , irretitur ; attentio distrahitur atque languescit , antequam expeditis involucris ad rem ipsam interiorem ventum sit ; voluntas denique , dum iis obsidetur & oblectatur , a ratione sensim ad corporea desciscit , & a sinceris ad fucata delabitur . Motus autem animi voluntatis in subsidium recipiantur ii , qui minus a ratione remoti sunt , & cum ea facile consociari possunt , cujusmodi præsertim est honestæ laudis amor , qua virorum de virtute civibusque suis eximie meritorum integritatem & labores grata civitas & bonorum consensus remunerari solent . Amorem hunc civitates excolere studuerunt , ne deessent umquam animo magno & erecto viri , qui se fortunæque suas pro communi salute devoverent . Quare , ut narrat Tullius (f) , apud Romanos in epulis ipsis canere convivæ solebant ad tibicinem de clarorum hominum virtutibus . Eundem & in Græciæ civitatibus obrinuisse morem , a Pindaro sæpe memoratum est , ut adolescentium chori laudes eorum celebrarent , qui solemnibus e ludis victores rediissent , quo
ju-

(f) Lib. 1. Disp. Tusculan.

juniorum studia exardescerent ad virtutem & alerentur.

Ω' πότνια Μοῖτα , μάτερ

Ἀμετέρ , λίττομαι ,

(sic Nemeonicam tertiam auspicatur)

Τὴν πολυξέαν

Γ' κεο Δωρὶδ' ἀπὸν Αἴγι-

ναν . ὕδατι γὰρ μένοντ' ἐπ' Ἀσωπίῳ

Μελιγχεύων , πικτονες

Κώμων νεκρία σέ-

θεν ὅπ' αἰσόμενοι .

Διψῇ δὲ πρᾶγ' ἄλλο μὲν ἄλλῃ .

Ἀέθλονικία δὲ μάλιν' αἰοιδᾶν

Φιλεῖ , στεφάνων ἀρετῶν τε

Δεξιόταταν ὀπαδόν .

Τᾶς ἀφθονίαν ὀπαζε

Μήπος ἀμᾶς ἄπο .

Ἀρχε δ' ἄρ' ἀνῶ πο-

λυνεφέλα κρέοντι θυγάτηρ ,

Δόκιμον ὕμνον . ἐγὼ δ' ἐκείνων

Τέ μιν ὁμοῖς λύρα π κοινότηται .

*Veneranda Musa , mater mea , quæso recipe te ad
Aeginam hospitalem : nam ad Asopum flumen dul-
ce sonantium chorearum artifices adolescentuli oppre-
riuntur te , vocem tuam expectantes . Alius alia*

ex-

expetit ; at victor certaminum in primis cantum amat , opportunissimum coronarum atque virtutum assecram ; qui fac ut uberrimus a mente mea fluat . Incipe , nubibus obtecli cæli regis filia , probatum acceptumque hymnum ; quem ego porro adolescentulorum vocibus & lyra communicabo .

IV. Sed cavendum est , ne laudis & gloriæ studium , quod esse subsidio voluntati potest , ut ad honesta contentius pergat hæc , ac laborem superet animosius ac fortius , locum occupet extremi , quo nitendum est . Nam cum hoc semel invasit animum , eo tandem adducet , ut non tam quærat quod solidum est , & ipsum per se laudabile , quam quod homines opinionibus abducti vanis & a cupiditate inditis admirari solent . Quam ad rem præcavendam , non in aliqua singulari virtute continenter animus occupandus est ; sed ei vitæ actionumque finis universalis usque proponendus , deque ipso assequendo identidem renovanda mentis decreta sunt . Sic enim fore , Baconus (g) ait , ut una opera sese vertat & efformet animus in virtutes omnes . Atque hanc
ope-

(g) Serm. 57.

operationem esse , quæ naturæ ipsius propius imitatur operandi modum ; cum ceteræ , quæ in una virtute seorsum elaborant , imitentur opera manus circumscriptæ admodum artificis ac limitatæ . Quemadmodum enim statuarius , cum simulacrum aliquod sculpit aut incidit , illius tantummodo partis figuram effingit , in qua tunc manus occupata est , non autem ceterarum ; veluti , si faciem formet , interea corpus reliquum rude permanet & informe saxum ; contra natura , cum florem molitur , rudimenta partium omnium simul parit & producit : haud absimili modo , quando virtutes habitu acquiruntur , dum temperantiæ incumbimus , ad fortitudinem parum proficimus ; at si sese rectis quis honestisque finibus omnino devoverit , quæcumque porro virtus fuerit , quam occasione data fines ii commendaverint atque imperaverint animo ; ad eam assequendam exprimendamque factis jamdudum sese habilitate atque propensione aliqua paratum imbutumque deprehendet ac sentiet .

CAPVT VI.

De Sensu Morali.

I. **C**VM eorum opinio, qui virtutem appellavere quidquid angorem ac dolorem arcet, ac voluptati cavet, quæ seu obrepente dolore inquinata, seu desidia suadente prætermissa, seu cupiditate sese perperam obtrudente distracta, quidpiam ullo tempore detrimenti capiat, sensus unice corporis amplecti videretur; multa vero vita communis ostenderet hominibus appetenda proposita fusa latius esse, quam ut sensuum eorum angustiis comprehendere possint; qui deinceps omnia esse voluptate ac dolore dijudicanda contendebant, sensuum amplificare numerum instituerunt, ac sensus subtiliores quosdam excellentioresque confinxerunt, quos (ca plane lege, qua visum objecta species alia suaviter, alia moleste afficit) alia morum affectionumque forma delectaret, alia graviter aspereque tangeret, & ad utrumque non doctos sed factos, non institutos sed imbutos; quippe cum ita natura comparati sint, ut, nulla rationis existima-
tio-

tione sententiaque præeunte, vi suapte morum conformationem aliam affecti voluptate probent ac diligant, aliam affecti molestia condemnent atque fastidiant. Rationi vero, ne prorsus inutilis & exclusa videretur, id unice tribuerunt, ut affectiones a natura inditas, & occasione data excitatas provehat, ac viam expediat, qua quod appetit aut averfatur animus, instinctu naturæ deferente, parari seu depelli facilius aptiusque possit. Quare munus ejus esse statuerunt, ostendere, non quo contendendum, sed, quo natura trahit impulsu suo, quomodo perveniendum sit. Sensus autem interiores inditos a natura, seque prorsus exerentes ea lege, qua sensus exteriores; ita nempe temperatos, ut aliis oblectentur, aliis offendantur, ob eamque rem alia probanda, alia rejicienda nuncient, ac sibi consentaneis affectionibus insitis & inuitis in animo occasionem ad erumpendum offerant; eo spectare statuerunt, ut se quisque conservet, ac sese amet; generis perpetuitati consulat; ex se natos caros habeat, eisque prospiciat; alios ita benevolentia complectatur, ut horum commodis augendis ultro studeat; pulchritudine recte ab se factorum animadversa delectetur, & in ea delectatione conquiescat;

scat ; prave contra susceptorum obversante turpitudine distrahatur , & conscientia , cujus magna vis est in utramque partem , exagitatus poenas luat . Sensuum horum expletionem esse sic homini commendatam , ut nullus in ea sit deliberationi locus ; neque magis esse quærendam causam , cur expetatur , quam cur nares , oculos , aures , odor unguentorum , partium apta temperatio consensioque , sonorum concentus jucunde moveat . Sic enim esse comparatum animum , ut cum primum ea percipit , quæ sensibus istis accommodata sunt , iis alliciat ; & ab se suscepta cogitans læte ferat , ab aliis effecta videns in laude ponat , & studiose libenterque comprobet . Morali vero sensui subjecerunt ea , quæ , nulla propria utilitate proposita , commodis aliorum prospicit ; eisque contineri virtutem , ac virtutis decus & laudem ex iis unice derivari voluerunt : quo fit , ut quæ ad ipsum per se quemque pertinent , cum ea quisque sui gratia faciat , etsi convenienter apteque naturæ facta sint , annumeranda non putarint in censu virtutum ; sed ideo tantum esse commendatione digna , quod animus iis ablati ineptus omnino sit ad ea præstanda , quæ pro sint ceteris ; cum aliena commoda qui suis com-

mo-

modis anteferre debeat, moderatione cupiditatum, & æquabilitate, constantia, magnitudine animi carere nullo modo possit.

II. Sensus moralis, eoque circumscriptæ virtutis, a Cumberlando fundamenta jacta quis existimet, ac leuem adumbratam speciem, cum in eo totus esset, ut Hobbesii malevolentia, qua sibi vicissim incommodant homines eo censente naturæ stimulis acti, benevolentiam ex aduerso poneret in humanæ naturæ constitutione sic implicatam, ut si nulla prava cupiditate adventitia repressa sit, hominem homini sponte conciliet, ad opem ferendam alliciat, ope lata jucunda suauitate perfundat, & recordatione grata perceptæ jucunditatis fructum proferat, ac numquam inobscurari sinat. Principium id antea commendatum a Stoicis, Epicureto præsertim & Antonino, qui, cum homines inclusos universitate rerum unum quiddam efficere arbitrarentur, hos tum inter se, tum cum universa natura consentire debere conficiebant, ac legibus unum quiddam ex multis efficientibus administrari, ne naturæ convenientia, cognatio, consensus abruptatur; emendatum autem a Cumberlando, saniusque ductum ex eo, quod omnis intelligentia præditæ naturæ constitutio sic a Deo desi-

designari debuit , ut intelligentium omnium voluntates ac studia se mutuo complecterentur , eodemque conspirantia tandem in voluntatem universa moderantem undique confluerent , in eaque consisterent ; arripuit excoluitque Saptesburius , at alio detorsit , & infecit opinione ab eo penitus imbibita , esse scilicet hominem ita natura constitutum , ut lege nulla nulloque moderatore egeat , & juris omnino sui sit ; esse quemque natura præditum affectionibus ad commune bonum aptis , ideoque sic esse instructum & paratum ad ea quæ honeste gerenda sint , ut nulla lege accedente , qua dirigatur , ac nulla pœna nulloque præmio proposito , quo moveatur , ipsa se natura deferat , ac nihil ultra spectans in actionis honestate conquiescat . Itaque non ratione , sed innato sensu , percipi quæ constitutionem humanam deceant ac dedeçant ; gustum quemdam ingenuis artibus atque studiis expolitum esse recti regulam , honestique legem ac judicem ; esse servilis ingenii præscripto coerceri , spe metuque contineri in officio : qua doctrina fit , ut novo nomine qui bene moratus & ita constitutus sit , ut ratio postulat , urbanus & elegans ; qui contra nequam sit & improbus , agrestis , impolitus , rudis , & humani cul-

cultus expers appellari debeat. Porro cum non ex mente ac ratione sedata, matureque rerum inter se consensus ac dissensus expendente, sed ex affectione sese vi suapte promente, morum atque consiliorum bonorum & malorum arcessendum esse discrimen arbitraretur; in moribus autem & consiliis affectiones æque bono communi repugnantes ac faventes in vita sese prodere compertum haberet; ideo, ne recti pravique regula confusa incertaque scrupulum atque dubitationem injiceret, ac judiciis inter se maxime discrepantibus argumenta suppeditaret, satis esse ratus est si dispertiret affectiones in naturales & adventitias; illas per se rectas & a natura suas, has a natura prorsus abhorrentes & per se malas. Quare perinde ac si nulla mali semina penitus infixæ laterent in natura nostra, postquam ex integritate nativa decidit, quidquid apparet in ea mali putavit extrinsecus accedere, personamque peregrinitatis induxit in humana natura penitus implicatis affectionibus; cum affectiones a natura dissentientes affectiones ipsæ sint, quæ sunt in natura intæ, sed alio detortæ, depravatæ, longiusque porrectæ quam necesse sit.

III. At cum Saphtesburius, etsi dicta sint ab eo

E

mul-

multa de constitutione animi consignatam impres-
samque formam integram & incorruptam honesti
gerente, atque de sensu insito vi suapte pulchri-
tudinem honesti percipiente, perceptæque pulchri-
tudinis amorem excitante; tamen ea sparsim effu-
disset, inter se minime continuata, & quidquid
ad virtutem opus est ita sensui morali tribueret,
ut rationem in partem admittere videri posset,
altius insidentibus iis, quibus ex doctrina Plato-
nis atque Stoicorum imbutus erat, quam ut ex-
cuti penitus, & a novis adjunctisque secerni pos-
sent; Hutchefonus rem inordinatam adduxit in
ordinem, dissipatam colligavit, confusam distin-
xit, ac sensui morali sic omnia tribuit, ut ra-
tionem non ducem ejus ac præsidem, sed pedisse-
quam ac satellitem esse professus sit. Sensus mo-
ralis esse munus id probare, quod a bene meren-
di voluntate prodeat; id improbare, quod animum
ex aliorum incommodo sua commoda comparandi
studiosum indicet; aut cum de malis agitur alie-
nis amoliendis, ac bonis proferendis, intactum es-
se remissum & quietum sinat. Eo sublato sensu,
rerum cum ratione vel inter se convenientiam,
quæ cum æterna sit, principium & lex honestatis
existimari vulgo solet, habere nihil omnino quod
ad

ad appetendum aut approbandum moveat ; cum æque recte praveque facta congruere cum ratione, vel inter se convenienter apteque cohærere possint. Nam æque verum esse, iustitia promoveri societatis incolumitatem, alique sedulitatem atque sollertiam, atque iniustitia lædi societatem, industriamque retardari. Aequè misericordiam esse aliorum afflictis rebus allevandis opportunam, & a miseriis augendis alienam, atque feritatem incommodis afferendis aptam, & a rebus prostratis erigendis averfam esse. Quo fit, recta seu prava consilia definiri non posse ex eo, quod extremo proposito ratiocinando consentanea seu dissentanea deprehensa sint. At affectione insita, sensuque morali constituto, sese statim usum efferre, qui rationi, rerumque consequentiæ seu repugnantæ perceptioni, tributus est. Affectionis esse, simul ut sibi conveniens quidpiam objicitur, id expetere, sensusque moralis appetitioni plaudere; rationis autem id expiscari, suisque momentis expendere, quod eo ducat, & efficiat, ut quis in eo genere maximum assequatur, cujus assequendi potestatem habet; eumque rationi convenienter agere, qui, quæ ab se conferri possunt ad eam rem, omnia circumspiciat; æstimet accurate quid

a singulis expectari queat ; eaque deligat ac suscipiat , quorum adminiculo quod affectio naturalis appetit , expletius adipiscatur , ac purum quantum potest ab omni rerum earum admixtione , quas eadem a natura indita affectio repudiat . Præterea rationis esse , pervestigare quibus ex actionibus efflorescat uberrime commune bonum ; hunc esse campum amplissimum , in quo se jactet eorum industria , qui ratiocinando proferre naturæ leges instituunt ; in eaque re multa vera certa immutata deprehendi . Postremo cum inductu quisque naturæ bonis æque suis atque alienis studeat ; effici vero sæpe soleat , ut aliena putet adversari suis , ideoque morali sensu frustra repugnante sui causâ ceteris offutura consilia capiat ; in eo quoque magnum esse rationis usum , ut ostendat esse natura colligatum cum bono communi bonum cujusque suum , & causas evolvat , cur qui sua commoda promoveri studet , aliorum una commodis inservire debeat : idque tam præclare factum ab antiquis esse ac novis , ut qui rem expendat , arbitrari nequeat , neglecto seu violato communi bono , repressaque caritate insita , sibimetipsi prodesse sese tuto posse ; sed etsi nullus a natura diligendi sensus ac nulla benevolentiae caritas indita suis.

fuiſſet , fore tamen , ut utilitate ipſa ſua ſe ſe ad caritatem atque benevolentiam aliena com-
moda promoventem adductum impulſumque ſen-
tiar.

IV. Honeſti formam hanc ab Hutcheſono non
excogitatam , ſed enucleatam expolitamque , ſuſce-
pit Humius , & ſic interpolavit alligavitque prin-
cipiis ab ſe de vi & natura mentis affectionum-
que conſtitutis ; ut ab eo plane inventa & ador-
nata videri queat ; & inſtinctum ad commune
bonum urgentem , ac ſenſum approbantem quid-
quid ea mente factum ſit , improbantemque con-
traria , quem inditum a natura , primumque prin-
cipium ac ſimplex honeſti putavit Hutcheſonus ,
aliunde natum & ſecundarium Humius arbitratus
eſt , ac derivavit ex voluptatis & ægritudinis ſen-
ſu ; eoſque ſenſus oriri contendit ex ſympathia ,
aut cognatione & convenientia in humanæ natu-
ræ conſtitutione penitus inſidente , qua ſit , ut iis
quiſque delectetur ; quæ ceteris utilia ſeu jucunda
percipit ; & quidquid ad quemque pertinens elationem
animi ſeu demiffionem in eo procreat ,
id ad alios pertinens in ipſis offenſionem aut a-
morem excitet. Quadruplicem hanc affectionem
animi ſic eſſe cum virtute vitioque conjunctam

autumat, ut, cum de qualitatibus agitur animi, virtutem ac vim excitandæ benevolentiae & elationis animi; vitium ac vim excitandæ malevolentiae demissionisque animi æquivalere putet, alterumque ex altero judicandum esse: pronunciansque participem honestatis habitum eum animi, qui benevolum aut elatum efficit; expertem autem eum, qui insensum ac malevolum, vel demissum humilemque reddit. Atque ut paucis indicetur, unde discedens & quam viam secutus eo progressus sit, nihil umquam esse menti præsens statuit, præter perceptiones; eoque referri quidquid ei videnti, judicanti, diligenti, averfanti, cogitanti accidit. Perceptiones autem in impressiones idearumque dispersi; mentisque munus omne in eo versari, ut aut abstractos inter se respectus idearum, aut rerum, quæ sensibus objiciuntur, a sensibus oblatos animadvertat. Itaque virtutis originem indaganti quærendum esse, num sensuum an idearum ope virtus ac vitium inter se distinguui, laudandaque facta seu vituperanda pronunciaripotest. Qui statuunt, ideo quidpiam honestum esse, quia cum ratione congruat, ac virtutem ex immutabili rerum inter se convenientia mente percepta repetunt; id idearum adminiculo decerni

ni autumant. At cum virtutis ac vitii percepta notio plurimum ad actiones affectionesque confert; abstracta vero ratiocinia consistant ipsa per se, neque cum iis, in quibus omnis actio versatur & affectio, rei quidquam habeant; in ratione, quæ principium est in se conquiescens, ac nihil molitur, nihil agit, ad actiones aut promovendas aut prævertendas momentum nullum esse. Contra, doloris ac voluptatis objecta specie, commoveri averfationem ac propensionem; atque ad alterum depellendum, alteram adjungendam incitari animum. Quia vero non in ea re sola subsistit motio, quæ dolorem aut voluptatem illatura providetur, sed sese ad omnia porrigit, quæ cum ipsa re conjuncta sunt, & effectus inter se causæque respectum obtinent; nexum eum & respectum explorare, rationis, experientia faciem allucente, munus esse; impulsusque tuto provehere, qui nisi præensione molestiæ seu voluptatis excitatus sit, efficientis & effecti respectus exploratus animum esse plane quietum & otiosum finit. Si nullam appetitionem affectionemque ratio potest injicere, ne cohibere quidem, eique repugnare posse: cum ejusdem facultatis sit indere motum, inditumque retardare; motusque omni-

animi motu contrario retundi debeat. Quò sit, ut ratio facultate resistendi careat affectioni, quæ suscitata sit; ratio ministra sit & famula motuum animi; eique non altius aspirare liceat, quam ut motus animi sequatur, eisque serviat. Nam omnem affectionem subsistere ipsam per se, neque conditionem eam habere, ut ad aliud referatur, & alterius cujuscumque imago sit: quocirca rationi seu veritati numquam adversari posse, cum ea contrarietas inveniri tantummodo possit in idearum inter se discrepantia, quæ rerum, quas exprimunt, imagines & simulacra sunt; ideoque fieri potest, ut ab exemplo dissideant. Affectio quidem adversa rationi videri potest, cum ea falso fundamento nititur, aut ad ejus expletionem inepta seu præpostera deligantur. At non affectio falsa, sed judicium absurdum est. Non pugnat cum ratione, si quis bono majori minus anteferat, ac vehementius expetat; cum fieri possit, ut bonum exiguum, implicatione varia rerum incidente, cupiditatem, quam excellentius, acriorem pariat, eo pacto, quo momentum gravius in mechanicis, adjuvante situ, superari levio-
re potest. Quare quid in consiliis actisque rectum aut pravum sit, intelligentia nullo pacto defini-
ri,

ri, neque ratiocinando concludi potest ex rerum inter se convenientia seu discrepantia. Nam, si recti pravique fines intelligi statuique ratione possent, esse necessario futurum, ut insignita virtutis ac vitii nota quædam ex immutabili rerum inter se respectu, vel ex eventorum inter se certa stabilique colligatione, mentem adhibentibus eluceret. At cum respectus inter se rerum, qui scientia comprehendi queant, alii nequeant afferri, quam qui similitudinem, oppositionem, qualitatum gradus, ac rationes magnitudinum ac numerorum spectant; ii vero singuli peræque ad irrationalia & inanima pertineant, atque ad appetitiones affectiones actionesque humani animi; si respectus ii constituerentur fundamentum ipsi per se honestatis, ab honestate seclusa non essent ipsa rationis expertia sensuque carentia. Qui parentem, a quo vitam hausit, interimat, flagitiosus est: cum idem respectus intercedat inter arborem, & sobolem ex ea natam, eisdemque nixam radicibus; si late se fundens hæc excrescensque parentem opprimat, aut e terra succum ad se trahens enectam interire sinat, inique pariter indigneque faciet. Incestum in homine stuprum existimatur ubique gentium
aver.

aversum a natura scdissimumque flagitium : at in brutis omni turpitudine caret , eisque nullibi vitio tributum unquam fuit . Rationi , qua valet homo , stirpesque carent , ac leviter utuntur bel-
læ , quis acceptum id referat ? Ratio rei turpitudinem inspicit , non ut sit efficit ; non gignit , antea cum non esset , at in respectu latentem insidentemque invenit . Porro non modo respectus idearum inter se , sed nexus etiam effectus & causæ , qui deprehensus experiundo sit , ad virtutis ac vitii vim investigandam & agnoscendam afferre nihil omnino rationi potest . Homicidium expendatur , & undique circumspectetur . In eo nihil apparet ad effectus & causæ nexum pertinens , præter affectiones quasdam , impulsus , & suscepta consilia . Quoad ipsa res unice spectatur , vitium omnino fugit ; ac tum solum se dat in conspectum , cum sese quis in se convertit , ac sensum id improbantem animadvertit . Ibi factum quoddam & eventum est ; at id attingere non ratione sed sensu tantum interiore datur ; idque non in re proposita , sed in animo cujusque locum habet . Itaque cum pronunciamus actionem aliquam aut affectionem animi vitiosam esse , nihil aliud intelligimus , quam ita nos esse factos , ut ea ,
simul

simul atque se nobis objicit, ingratum in animo ac molestum sensum excitet, eoque sensu decernente vituperari soleat: quo fit, ut vitium ac virtus comparari possint apte cum odore & colore, sono, calore & frigore, quæ non inhærentes in re qualitates, sed animi perceptiones sunt.

V. Quod igitur in moribus & consiliis pulchrum ac turpe, laudandum ac vituperandum est, non idearum inter se convenientiâ decerni, sed interiore sensu tangi, qui cum subtilis ac lenis sit, cum idea facile confundi potest ab iis, qui quæ parum inter se diversa sunt, eadem esse plane censere solent. Sensus autem ejus indolem eam esse docet usus quotidianus, ut excitatus a virtute jucundus, a vitio molestus sit. Nihil ea & oblectabilius & amabilius actione, quæ prodeat a magno erectoque animo; nihil ea fœdus & invisus, quam animus infidelis & immemor humanitatis offerat. Quare cum sensus, ex quo bonum ac malum morale distinguitur, nihil sit aliud, quam voluptas quædam ac molestia peculiaris; qui quærat, quæ morum indoles observantem oblectet, ea opera quærit, quid virtus sit. Sensu virtutis affici nihil est aliud quam affici voluntate, peculiari quadam objecta constitutione
ani-

animi , quæ seſe in conſiliis & factis explicet . Ipſe ſenſus admirationem approbationemque conſtituit . Indolem animi non ex eo concludimus honeſtam eſſe , quod , ea propoſita , voluptate perfundimur ; ſed honeſtam eſſe ſentimus , ut pulchra ſentimus ea , quæ certo modo quodam oculos afficiunt . Approbatio penitus eſt implicata cum voluptate , quam oblata ſpecies invehit . Si quæſatur , unde voluptas , quæ virtutem diſtinguit , in animum illata , & quibus ex initiis excitata ſit ; non omnem eſſe naturalem inſitumque ſenſum ait in ipſa conſtitutione animi , cum infiniti quodammodo ſenſus ii ſint , & plurimis uti principiis , ubi pauciora ſatis eſſe poſſunt , abhorreat a ratione ac via naturæ uſitata , quæ paucis ac ſimplicibus uſa legibus varietates omnes in univerſo conſpiciendas efficit . Quocirca primarii motus inſinctusque contrahi debent , & cogitari principia ſimpliciora , quæ virtutum ſingularum ſenſum inferant : quæ non in natura omnia , ſed in alio quoque fonte perveſtiganda ſunt . Quare ſenſum aliarum virtutum eſſe naturalem , aliarum adventitium , ex gentis humanæ conditione varia , variaque vitæ neceſſitatum implicatione gradatim inveſtum ; qui tamen æque conſtans & certus ac

na-

naturalis est. Ex artificio non naturæ, sed hominum, extitisse iustitiam, etsi natura, quæ providum hominem effecit utilitatum opportunitatumque omnium, paratum in intelligentia iudicioque remedium indiderit perturbationum incommoditatumque vitæ, quarum in affectionibus injecta semina sunt & initia. Ex vitæ dissipatæ molestiis ortum habuisse societatis compositionem; instituta societate, facta quædam esse cuiusque propria; eorum, quæ sua cuique relicta sunt, inductam esse iustitiam conservatricem; utilitate iustitiæ explorata, damnoque per aliorum iniustitiam aliis importato, tum etiam cum abrepti cupiditate detrimentum inferentes ipsi non animadvertimus, animadverso, interposito sensus alieni sensu, participare quemque a molestia, quam alii percipiunt ex aliorum iniuste factis: cum autem vitium id appelletur, quod in factis displicet, ac virtus quod oblectat, esse in proclivi positum, ut boni malique moralis sensus iustitiam iniustitiamque confectetur. Quare suo cuiusque commodo impulsos homines invexisse iustitiam; naturæ vero consensum, quo fit, ut homo hominis tangatur bono, morale decus ad iustitiam adiunxisse.

VI. Quod autem attinet ad virtutes effusas ex natura, non ex hominis artificio, cum demonstratum ab se putaret, ab animorum inter se consensu, vel sensu mutuo rerum earum in animis indito, quæ ceterorum utilitatem tuentur ac promouent, aut oblectationi seruiunt, impressam esse justitiæ virtutis notam; ne causæ plures quam necesse sit obtrudantur, in idem omnino principium esse refundendas contendit virtutes naturales eas, quæ nituntur in bonum, a quo multi participare possunt. Mentis hominum esse similibus instructas sensibus, & affectionum earumdem participes. Ut in fidibus nervi pulsus aliis alii resonant; sic affectiones ex aliis in alios demigrant, eisdemque motus cient. Ex affectionum indiciis in voce gestuque perspectis mens ad causas excurrit e vestigio, harumque idea tam alte inditur, ut in affectionem respondentem abeat. Similiter ex causis perspectis affectionem alterius divinamus, eaque commovemur. Ex ea quasi transmissione motuum & affectionum habet animus, ut sensu pulchritudinis affectus sit. Quod enim ita comparatum videtur, ut possessori voluptatem aut utilitatem asferre possit, id ex consensu spectatorem oblectat, & pulchrum dicitur.

Non

Non aliunde sensum virtutis in animum influere perspicue in iustitia deprehendi. Nihil ea pulchrius amabilius æstimabilius. Vt virtus sit, ei non idco datum esse, quod bonum commune parit. At si bonum commune nobis esset indifferens, ejus instrumenta negligeremus. Ne vero sit indifferens, consensus efficit; ideoque consensus, ut bono communi, sic iustitiæ boni communis administræ tribuit, ut amabilis & approbanda sit. Sicut autem virtutes artificiosas, ita naturales multas, esse boni societatis effectrices, leviter etiam animadvertenti patet. Mansuetudo, beneficentia, moderatio, lenitas, æquitas, excelsitasque animi sociales appellari virtutes solent. Quare consensu fit, ut e nobis ipsis effusi probemus affectiones has in aliis, eisque perinde delectemur ac si nostris ipsis commodis interservirent. Qui consensus in virtutibus hisce, quam in iustitia, acrius animum ac penitius afficit; magis enim movetur imaginatio singularibus & explicatis, quam confusis generalibus & indefinitis. Iustitiæ vero non unusquisque seorsum actus, at summa, quæ ex omnibus confecta sit, bonum commune parit; idque bonum non ad unumquemque separatim a reliquis, sed ad omnes universe pertinet. Humanitatis au-

tem

tem ac beneficentiæ singillatim omnis actus utilis ac salutaris est , ac prodest non omnibus univ-
erse , sed seorsum singulis , iisque præterea dignis
habitis ut beneficium accipiant.

VII. Ex natura vero non modo virtutes eæ,
quæ prosunt aliis, sed etiam eximie multæ, quæ
juvant habentem aut oblectant. Prudentia, tem-
perantia, frugalitas, assiduitas, industria, dexte-
ritas, eorum, in quibus insident, utilitati consulunt,
nec minore, quam bonitas ac liberalitas, in laude
poni solent. At virtutes æque privatas ac socia-
les ex animorum inter se consensu pendere, con-
suetudo quotidiana docet. Si quis affectionibus ad
aliorum utilitatem accommodatis non admodum
destitutus, is esse videatur, qui præditus agendi
cogitandique sollertia sese magnis difficultatibus
expedire, eximieque sua commoda promovere
possit; huic extemplo conciliamur, ad eum æ-
stimandum continuo allicimur, ejus aditu con-
gressu colloquioque delectamur, ac nondum ulla
devincti consuetudine magis ei, quam aliis, ad ope-
ram navandam atque adhibendam propensi sumus.
In eo nihil spectatur aliud, quam quod ei commo-
dum & opportunum est. Animi constitutio, quæ
delectat, ideo comprobatur, quod ad aliquid adi-
pi-

piscendum instrumentum accommodatum est ; eo-
que approbatur magis , quo deprehenditur aptior
ad illud esse quod habet propositum . Itaque pro-
positum ipsum delectat & approbatur . At propo-
situm pertinet ad hominem non amicum , non
necessarium , sed extraneum & alienum ; quapropter
ut delectet & approbetur , ex eo fluit unice , quod
ita natura comparatus est animus , ut ab alieno
sensu non intactus sit ; hominemque res hominum
iis utilitatem & oblectamentum afferentes mo-
veant .

VIII. Igitur Humio iudice virtus dicitur qua-
litas omnis animi , quæ perspecta delectat ipsa
per se . Voluptas ea manat ex fonte quadruplici ;
nam perspecta delectat omnis animi constitutio ,
quæ voluptatem aut utilitatem tum ei , qui sic af-
fectus sit , tum aliis afferre potest . Vt autem
quis aliorum affici voluptate vel utilitate possit ,
ex sensus alieni sensu pendet , quem natura peni-
tus indidit in humanis animis . Magna vis hujus
est tum etiam cum solus agit , alio nullo subsidio
conspirante , quemadmodum in iustitia ceteris-
que virtutibus hominum ingenio pro varia vitæ
conditione oborta constitutio . Adjuncta omnia ,
quæ vim consensus intendere possunt , in virtutes

naturales confluunt , quæ societatis , aut ejus ipsius , in quo sunt inditæ , bono serviunt . Fundamentum itaque virtutis consensus est , qui se voluptate , voluptatisque comite comprobatione explicat . Sensum moralem esse principium inhærens in animo , & elementum humanæ constitutionis eximium ; at sensus is vim novam acquirit ubi fontem , ex quo ducitur , approbat , originisque suæ dignitatem ac nobilitatem percipit . Qui sensum moralem refundunt in instinctum a natura inditum in humanis animis , ii causam quidem virtutis tueri possunt ; sed carent adjumentis , quibus instructi sunt ii , qui sensus hujus ortum repetunt ex consensu , qui late porrigitur , & genus universum amplectitur . Ex horum opinione non modo virtus approbari debet , sed sensus etiam virtutis ; neque sensus tantummodo , sed etiam initium , ex quo derivatus est .

IX. Quæ magna opera , multo apparatu , summaque fidentia protulerunt Hutchesonus & Humius , ut rationem exturbarent , ac sensum moralem inveherent honesti praveque moderatorem ac judicem , antiqua nonnulla , quædam inania , male plurima conclusa sunt . Quicumque percipiendi movendique sui vim in animo agnoverunt ,
fa-

facultates ascripserunt ei duas , intelligentiam & voluntatem , & rerum alteri cognitionem , appetitionem alteri tribuerunt. Esse natura comparatum animum prehenderunt , ut se vi suapte moveat ad ea , quæ constitutioni suæ , corporisque sibi tributi , profutura percipit , eo fere pacto , quo fœdus animi corporisque efficit , ut ideas excitatas in mente motus in corpore consentanei comitentur , ac vicissim motibus corporis ideæ mentis aptæ respondeant. Quocirca rationis esse non indere vim in animo , qua se moveat , sed id unice , quo se moveat , ei proponere censuerunt : cum animus ut se moveat , ab se habeat , occasioque tantummodo movendi sui ei aliunde expectanda sit ; occasionem autem afferat explorata rerum aut opinionione concepta convenientia cum natura sua , corporisque statu optimo , quod ei moderandum obtigit. Naturæ vero suæ quid aptius esse potest , quam rerum investigatio , quæ notam ejus , quod ipsum per se est , insignitam adeo præferunt , ut ad ejus intelligentiam evehant , & in ejus admiratione detineant , eique cultum adhibendi studium alant atque augeant ? Corporis autem optimæ constitutioni nihil nemo quidpiam excogitabit opportunius , quam quod id paratum instructumque

reddit ad inserviendum animo non modo studentī perfectioni suæ , sed commodis iis etiam humanæ vitæ prospicienti , quæ naturam intelligentem , & corporis interpositu divino plane artificio elaborati tantis ac tam multis peragendis parem deceant .

X. Quicumque vim animo sui movendi tribuunt , ii nullo instinctu egent , qui necessarius iis est , qui motu animum externo & alieno cieri volunt . Adeo vero non cietur animus alieno pulsu , ut motuum omnium initium & causa sit , quemadmodum a Baxtero demonstratum est ex inertia seu resistendi vi , quæ tam in materia penitus inhærescit , ut , nisi migret in naturam aliam , amittatque suam , ab ea separari nullo modo possit . Si vocet quis instinctum eam animi affectionem , qua fit , ut eo delectetur , atque id appetat , quod sibi seu corporis incolumitati convenire senserit , is nomen inducit novum , at rem pervagatam notat : nam instinctus ille , cum , ne cæcum quiddam sit , habere præeuntem debeat mentis perceptionem , id ipsum est omnino , quod appellari voluntas solet , cujus esse vulgo dicitur in ea niti , quæ boni formam expressam aut speciem adumbratam præ se ferant : perperam autem incerta vox obtruditur , ut usitatæ constituta.

tutæque locum occupet , cum extrinsecus injectum quidpiam designet , atque cognoscendi quo tendere deceat , eoque tendendi vim abesse indicet a natura , cui pulsus exterior addendus sit. Quare quæ longius a ratione absunt cogi magis instinctu debent ad ea , quæ conservationi suæ necessaria & opportuna sunt ; ideoque licet Hartlejus æstimator malus sit naturæ viriumque humani animi , tamen agnoscit ex analogiæ legibus esse concludendum , ut in brutis , quæ ratione parum admodum utuntur , instinctus prævalet , sic in homine , qui ratione maxime valet , usum instinctus esse perexiguum oportere .

XI. Sicut autem vanum & intutum est , instinctum impulsivumque substituere voluntati ad ea sese vi suapte conferenti , quæ constitutioni corporis animique accommodata visa sunt ; ita rationi ea demonstranti & approbanti surrogare sensum moralem , æque non opportunum , aut etiam suspectum est. Sensus enim adeo præsentibus alligatur , & ex impressione aliena pendet , ut ejus omnis functio momento temporis expleta sit , atque non agat ipse quidpiam , dum munere suo fungitur , sed alterius actionem in se recipiat. At ratio multa complectitur , interque se comparat ;

gradatim ad aliud ex alio progreditur ; & quæ spectata seorsum approbanda videri possent , ex iis , quæ connexa secum habent , esse repudianda intelligit : quo in progressu complexuque perceptionum actiuosa vis animi plurimum elucescit . Porro sensus perceptiones usu mutari cernimus . Sæpe sensibilis impressio molestiam initio , consuescendo voluptatem parit ; sæpe iucunda primo , porro definit in fastidium aut indifferentiam . At quæ ratione dijudicantur eamdem sui speciem ei constanter exhibent , & æque semper afficiunt : quo fit , ut ratio firmiter ea calculo suo probet aut condemnet . Itaque si quæ cum natura nostra congruunt , ejusque perfectioni seruiunt , ostendat approbetque sensus ; nihil in eo judicio certum esse perpetuumque potest .

XII. Neque solum ex eo sensus is incertus est , quod voluptas ex omni sensu capta consuetudine retunditur , ac paulatim inobscurata evanescit , & oscitantem animum esse finit ; verum etiam innumeras ex implicatione multiplici perceptionum , ac nova subinde compositione , varietates habet , quas instituta , disciplina , mores , vitæque casus intercurrentes afferunt . Quare sæpe factum est , ut affectionem eamdem animi , cum

ca-

eaque congruentes actiones alii laudent , alii vituperent ; alii iucundas, ingratas alii sentiant , pro disciplinæ studiorumque dissimilitudine, quibus assueverunt. Ac si quid in eo constans perspicitur , non alia de causa fit , quam quod homines instructi facultatibus eisdem animi , conditionibus eisdem orti , similiterque rebus ad conservationem sui pertinentibus indigentes, in vitæ casus eisdem incurrunt , ac sensum eundem rerum assuescendo , sensuique respondentem opinionem imbibunt. Itaque non ipsa natura , sed usus eum sensum indidit. Non innatus is est, sed adventitius ; cum innata quæ sunt , ultro se promant , & immutata permaneant ; sensus autem varius indole suapte fit , ac sui sæpe dissimilis. Nam perceptionum compositionibus idemtidem implicari debet ac variari ; quæ tanto fiunt implexæ magis , quo varietates in vita plures accidunt , eo fere pacto, quo compositiones infinitæ corporum ex elementorum inter se varia consociatione manant , ac novæ qualitates prodeunt a qualitatibus elementorum omnino diversæ , quibus ita simplices & primigeniæ elementorum qualitates obteguntur , ut internosci porro nequeant. Ex compositionibus perceptionum inolescunt in animo propensiones &

affectiones, quæ roborantur usu, motusque multos interiores ad se trahunt, ac vicissim a multis excitari atque foveri possunt. Quo fit, ut sistere se præsentis animo sæpe queant, & excitatæ motuum initia multa conspirantia secum afferant; ideoque consentaneæ naturæ videantur, cum etiam invocatæ sese obtrudant, nobis adsint, eisque nihil obstrepat ac resistat. Verum ut elementa corporum pauca sunt a parente naturæ constituta, compositiones autem horum omnigenæ, quæ non a natura primitus oriuntur, sed ex virium primigeniarum elementis inditarum inter se varia temperatione profluunt, ac numquam consistunt, sed assiduæ mutationi subjacent; sic etsi multigenorum affectionum animus compos humanus sit, non omnes a naturæ constitutione manant, sed existunt e varietate rerum & eventorum; aliis aliæ facilius prodeunt expeditiusque, prout implicationes perceptionum aliis aliæ prius ac sæpius incurrunt in homines indiscriminatim, iique vim mentis aliis alii celeriores uberioremque habent, diligentius intentiusque colunt, & instrumenta sensuum ac motuum aptius inter se temperata habent. Ergo quos indiderit ipsa natura, quid inditis adjunctum sit, expedire non est
in

in proclivi positum. Priusquam enim animadver-
tendi facultas evoluta sit, perceptionum affe-
ctionumque compositiones innumeræ coaluerunt;
quæ, simul ut animadverendi facultas expedita
prodit, ei tamquam indigenæ, non aliunde natæ,
fese commendant atque approbant. Hæ sinceræ
videntur, ex eisque decernendum esse quid huma-
nam naturam deceat; aliæ putantur adscitæ, sus-
pectæ, dolosæ, fucatæ, sæpe nativis adversæ,
nonnumquam aptæ. Tamen utræque, si spectentur
ipsæ per se, peræque modum non habent. Mo-
dus enim ex universa constitutione definiendus est.
Quare decerni non potest ex iis unicè, quid uni-
versæ naturæ nostræ conveniat; ideoque virtus ex
alia regula duci debet, quæ est ipsum id, quod
constitutionem universam decet, omnique tribuit
affectioni, quod aptum totum & cohærens effi-
ciat. Id autem explorare ac definire non sensus
est in singulis occupati seorsum ab aliis, sed ra-
tionis & intelligentiæ, quæ multa complecti pon-
derare comparare potest.

CAPUT VII.

*Eloquentiam minime valere ad cupiditatum
vim coercendam.*

I. **V**T in summa varietate facultatum atque cupiditatum, quæ se vicissim urgent, impellunt, extrudunt, inferuntque, confusio vitari posset, necesse plane fuit, ut & suus cuique modus præfiniretur, ac certum excurrendi spatium, omnesque fræno valido positus* continerentur finibus. Neque enim cupiditates ex hominum facultatibus excultis effusæ cohibendæ fuerunt omnino, neque liberius committendæ. Nam ut hisce plane repressis amoven-
tur aculei, quibus a languore & segnitia detru-
ditur animus, ac vincula subtrahuntur, quibus homines inter se conjungi maxime solent; sic eisdem plane solutis, vehementius efferuntur ex-
ultantque homines, quam ut se mutuo possint pati, interque se consociari. Siquidem ut socie-
tatem hominum non is admodum requirit, qui cum pauca expetat, indiget paucis, ac paucis ex-
pletus est; sic eam ipsam refugit is, qui sibi
qui-

quibus indigere se iudicet, ab aliena seu fraude seu vi non esse tuta videat. Cupiditatum autem effusarum a nulla re alia frænum aptius utiliusque peti posse, quam ab eloquentia, seruiens arti suæ contendit Aristides oratione Platonica prima; recteque hanc ac prudenter usurpatam interpretem ac tutricem esse juris omnis, quod a natura cuique datum, aut pactis mutuis acquisitum sit; eandemque tum invexisse, tum invecam conservare conjunctionem hominum, ac vitæ in rerum ubertate maxima tranquillitatem atque securitatem expeditam.

II. Nam ut eloquentiam a Platonis criminibus vindicaret, ostenderetque, nihil in rebus humanis esse majus atque perfectius, *Omnes, inquit, assensuros arbitror, homines una non esse natura simplicique præditos, sed partibus constare duabus, altera vim inferre solita, quam dixeris quis non virtute quidem, sed robore præstantiorem; altera, quæ imbecilliorum est, invictis cedente, quippe cum vim propulsare ac sese tueri nequeat. Hac ergo de causa homines aliquid inveniri oportere censuerunt, quod & vim cobiberet, ac pignus æquitatis omnibus & justitiæ esset, ac prospiceret infirmis æque ac robustis. Nam ne fortioribus quidem ea demum pro-*

profutura erat , quæ felicitas quædam initio videbatur ; sed ea res ipsa , qua potiores erant , aut esse sibi videbantur , evasura tandem erat in ipsorum exitium . Siquidem imbecillioribus paulatim sublati , ipsi denique se mutuo , quemadmodum de Sparti traditum est , interfecissent . Quare , ne res humanæ funditus pessum irent , remedium toti generi commune quoddam inveniendum fuit , quod omnibus esset & fortibus & imbecilibus & justis peropportunum ; nempe ut qui robore fidebant ab injustitia revocarentur , vel cum injuria punirentur ; qui viribus erant destituti , secure viverent ; qui demum justitiam colebant , mercedem meritis parem consequerentur . Inventa est autem eloquentia , prodiitque justitiæ custodia , vitæque humanæ vinculum , ne res manibus , armis , occupatione , multitudine , magnitudine , vel alia re inæquali discernerentur potius , quam ratio suum cuique convenienter simul ac tranquille tribueret . Hoc igitur ejus propositum est , ut omnes conservet , vim persuasionis pellat extrudatque , res privatas ac publicas in concordiam redigat , & temeritatem ac motus turbulentos odisse doceat .

II^a. Deinde comparat eloquentiam cum arte legum ferendarum , exercendorumque judiciorum .

Elo-

Eloquentia, inquit, cum & arte legum, & iudiciali pro usu utriusque prior sit, artem primo legalem, deinde iudicalem mediam comprehendens, prima sit, & media, & ultima, postquam se utriusque mediam, & utramque sui mediam collocavit, ut communi quasi vinculo colligata manere simul omnes possent. Nam legibus quidem oratione erat opus ad persuadendum quæ ferende fuerunt, ne damni quidpiam a nobis invicem pateremur, neque modestis ac probis essent potiores audaces & mali; sed iniquos pœna, justosque consecraretur bonos, quæ duo geminum quasi caput legum sunt. Nam si leges ea de causa ferebantur, ut suum cuique concederetur, id autem fortissimis quibusque placitum non erat, orationem adhiberi necesse plane fuit. Nam vim quidem non licebat iis inferre, quibus erat ea naturalis; neque legum, quæ contra vim ferri debebant, erat origo hæc. Quare cum per vim ferri non possent, quod id primum contra leges futurum fuisset, persuadendum fuit iis maxime, qui ad resistendum parati erant, aut plerisque saltem, & iis, qui legibus unice defendi sospitesque servari poterant. Ars vero iudicialis, cuius est munus arti legum ferendarum opitulari, nam qui legum sanctiones violant, hosce conquirat

ac

ac punit, ea ipsa, priusquam legibus auxiliari valeat, auxilium eloquentiæ desiderat. Leges enim sequi, legumque violatores ex legum præscripto punire debet. At oratoris est injurias probare, judicique præsentis sistere, judicis autem ab oratore probatas acceptasque plectendas dare.

IV. Magnifica quidem hæc & ampla sunt, atque a dicendi magistris, tamquam pro aris ac focis dimicantibus, ingenti conatu exprompta & in aciem educata, simul ut eorum artis honos in discrimen adductus est, arsque ipsa non contemni modo, tamquam leve quiddam, verum etiam exagitari cœpit ut civitatibus infesta, & justis ac injustis perturbatrix; eo plane modo, quo poetæ facere consueverunt, ut suæ facultatis auctoritatem in ancipiti positam ac labantem fulcirent & confirmarent. Siquidem Horatius, ne joculari quiddam ac puerile Musa lyræ sollers existimetur,

*Silvestres (inquit) homines sævæ interpretæ
que deorum*

*Cædibus, & visu frædo deterruit Orpheus,
Dicitur ob hoc lenire tigres, rabidosque leones.
Dicitur & Amphion Thebanæ conditor arcis
Saxa movere sono testudinis, & prece blanda
Du-*

*Ducere quo vellet. Fuit hæc sapientia quondam
Publica privatis secernere, sacra profanis;
Concubitu probibere vago; dare iura maritis;
Oppida moliri; leges incidere ligno.
Sic honor & nomen divinis vatibus atque
Carminibus venit (a).*

Sed ea magis in populari celebritate scribentis ingenio plausus & laudem excitare, quam ex re ac veritate ducta rationem in consilium adhibenti videri possunt. Nam ut ut orationis vis magna esse concedatur, eaque sæpe quasi vento quodam impelli se homines ac deferri sinant; quantacumque tamen hæc sit, a voluntate hominum pendet, & animorum affectione, qui permovendi regendique sunt; neque plus quidquam potest, quam quod ii posse velint. Vt autem tum maxime valere sinunt, cum eam plane cum studiis suis conspirare intelligunt, facile enim ac raptim ignis ad torrem transvolat, ut in proverbio est; sic ubi dissentit illa, & obstitit excitatæ cupiditati lateque exultanti, surdis auribus admovetur, vel durum offendens illisa concidit.

Qua-

(a) In Epist. ad Pison.

Quare cupiditatibus æstuantibus agger omnino fragilis ac facile prouendus opponeretur, si non alio fræno illæ, quam oratione, coercerentur.

V. Et vero quis orationi sanæ locus est in societate perturbata hominum, in qua societatis usitatæ pestes, & irritamenta malorum omnium, avaritia & ambitio præcipites effusæ sint, eamque progignant & emittant vim ac varietatem motuum turbulentorum, qui libro tertio a Thucydide describuntur? *Usitatam*, inquit, in rebus significationem verborum immutarunt arbitrato suo. Nam audacia inconsiderata, fortitudo studiosa amicorum existimata est; cunctatio providens, speciosa timiditas; modestia velum obtentum ignaviæ; prudentia, segnities; ac vesana celeritas, animi strenui laus. Qui pronus ad iram esset, fidelis; qui consiliis ira & odio susceptis adversaretur, suspectus habebatur; qui positis insidiis optata perfecisset, prudens; ac prudentior, qui contra paratas instructasve callide prospexisset: qui vero cavisset, ne ullis ejusmodi rebus indigeret, amicitie dissolutor, & adversariorum timens existimabatur; isque laudabatur, qui alterum in injuria facienda prævertisset, vel nihil ejusmodi cogitantem ad injuriam impulisset. Sodales cognatis anteponebantur, quod

quod ad audendum paratiores essent : nam ejusmodi cœtus non utilitatis causa ex præscripto legum , sed avaritiæ gratia contra leges inibantur ; nec tam religione jurisjurandi , quam scelerum communicatione , fœdera firmabantur . Ac si sorte jusjurandum inter utramque partem interponeretur , id in præsentia valebat propter difficultatem rerum ; simul autem ut alter alterum animis ac viribus anteciret , libentius eum ex insidiis nihil tale timentem ac fide fretum ulcisceretur , quam si rem aperte gessisset . Namque & putabat id esse tutum , & quia fraude vicerat , prudentiæ laudem referebat . Simplicitas , cujus est generositas maxime particeps , explosa evanuerat ; nullam autem alteri fidem habere longe præstantius credebatur : nulla enim neque sermonis auctoritas , neque jurisjurandi sanctitas erat , quæ confirmaret animos . Sed cum omnes animo proniores essent ad desperandum de alterius constantia ac fide , providebant magis ne quid ipsi detrimenti caperent , quam ut cuique fiderent adduci possent . Cum autem vitæ disciplina omnis perturbata esset , humana natura , quæ contra leges etiam , quæ stent adhuc & vigeant , injuste facere consuevit , tum legibus victis & oppressis , magna cum voluptate sese declaravit ira quidem

*inferiorem, jure vero potentio-
rem, omnisque auctori-
tatis hostem. Non enim ulciscendi studium pietati,
non innocentiae quæstum anteposuisse, in quo nul-
lam invidia vim habebat ad nocendum. Sed ho-
mines, dum alios ulciscuntur, una leges communes
evertere student de rebus hisce latas, a quibus, si
quis forte offenderit ac labefactus sit, in statum
restitui potest; neque superesse ullam volunt, quæ
ferre possit auxilium, si quis forte vocatus in dis-
crimen est, ac præsidio legum opem illi ferre
possit.*

VI. Locus hic Thucydidis insignis est, ac vi-
res omnes ingenii præstantis exercuit, ut appare-
ret, quid facere possint & qui ulciscuntur eos,
a quibus improbe potius & superbe, quam juste
ac modeste tractati sint, & qui sese ex inopia
diuturna expedire cupiunt, & qui per avaritiam
alterius fortunas occupare student. Atque ex tan-
ta rerum perturbatione perspicuum sit, in societa-
te quo cupiditates amplificantur latius, ac vehe-
mentius erumpunt oblati undique ac sæpe irrita-
mentis provocatæ, eo firmiori freno opus esse,
quod harum vim adducat, ac foras prominentem
ac nitentem usque contineat, antequam aucta
prorumpensque frenum omne respuat.

CA.

CAPUT VIII.

*An vir beatus , bonisque omnibus affluens ,
amicis egeat .*

I. **A** Nimi five dejecti , five depravati , five magnis afflicti difficultatibus , & mali præsentis aspectu sic undique septi , nihil ut ejus depulsione majus utiliusque cogitet , expetendumque putet , illud Euripidis in Oreste pronunciatum est (a) :

Τὸς φίλους
 Ἐν τοῖς κακοῖς χρὴ τοῖς φίλοισιν ὠφελεῖν .
 Ὅταν δ' ὁ δαίμων εὖ διδῷ , πὶ χρὴ φίλων ;
 Ἀρκεῖ γὰρ αὐτὸς ὁ Θεὸς ὠφελεῖν Θέλων .

*Id amicos decet
 Adferre amicis rebus in mæstis opem .
 Nam dum favet fortuna , quid amicis opus ,
 Cum solus opifer ipse sufficiat Deus ?*

Id quidem in Oreste civibus invisio , jamque vocato in capitis judicium a Tyndareo matris in-

G 2

ter-

(a) In Exc. Grotii .

terfectæ fratre , neque ab alio quam a Menelao patruo præsidium expectante , non indigne ferendum erat : ignoscendum est enim homini , qui summo versatur in periculo , si quod est ei maxime necessarium , animumque penitus occupavit , non modo præstantissimum , sed solum etiam arbitratum bonum . Nam quæ libero explicatoque animo distributa & ordinata locum ampliorem excellentioremque sibi tributum obtinent , animo quasi coacto expressa & effluentia non modo solidius ac ponderosius , sed & unice continendum exillimari sinunt , quod animi pressione quodammodo densatum atque constipatum intus manet . At qui , nulla temporum difficultate contrahente vim animi , statuatur nullum amicorum usum esse beatissimis , quibus omnia suppetunt ; is animi angustis impeditus , aut insita perversitate devius actus , non modo non intelligit quid amicitia præstare maximum , & humana excellentia capere possit eximium ; verum etiam omnino quid amicitia , quid hominis ipsa natura postulet , eique sic adhærescat , ut , salva utraque , summoveri nequeat . Nam , ut monet Aristoteles , amici munus est afficere magis , quam affici beneficio , cujus expeditior ampliorque beato facultas est ; tum autem

tem homo civile animal est , atque ad vitæ societatem natura factum : quamobrem ea conditione bonis omnibus abundare nemo velle potest , ut solus ætatem agat , quemadmodum ibidem animadversum est a Philosopho. Verum non iis finibus includi se patjuntur appetitiones erecti ex-perrectique animi , qui vitæ commodis circumscripti sunt ; sed ad ea quoque se porrigunt , quæ dignitatem amplitudinemque spectant . Calliclæ tidas autem in amicitia plurimum ad eam rem adjumenti positum esse tradit (*b*) : *Amplior , ait , familia magnificentiorque fit , non modo fortunarum & cognatorum , sed & amicorum aucta multitudine* . Quare Cyrus apud Xenophontem (*c*) , quidquid ab amicis expeti persentisceret , in eo suam ipsis egregiam operam approbare conabatur ; ipsa illa causa ductus , qua sibi amicis opus esse putabat , nimirum ut rerum gerendarum haberet ad-jutores . Ex quo studio fluxit præclarum illud excelsoque dignum animo , cum quæcumque sibi ad ornatum corporis oblata essent largiretur amicis , explorato cujusque ingenio , nempe non posse cor-

G 3 pus

(*b*) Ap. Stobæum Serm. 85. De re famil. (*c*) De Exp. Cyri l. 1.

pus iis omnibus ornari suum ; decore autem ornatos amicos ab se maximum hominis ornamentum existimari.

II. Neque solum hoc adoptatum ab iis fuit, qui sive bonitate naturæ, sive disciplina duce, rectum iter ingressi vitæ sunt ; sed ab iis etiam, qui, sive calliditate sive prudentia adhibita, magis utilitati suæ, quam animi generositati studebant. Nam Sylla Pompejum, Cæsar Brutum, Agrippam Augustus, Sejanum Tiberius, Plancianum Severus ad summum fastigium perduxerunt, ut imminuta distantia, qua, fortunarum inæqualitate interposita, disjungebantur, iis tamquam amicis ac fociis uti possent. Quod quidem eximiæ bonitati naturæ tribui posset, apposite Baconus (d) inquit, si Trajano seu M. Aurelio similes extitissent: at cum viri tam prudentes essent, tanto animi robore, tantaque severitate præditi, tamque impenso amatores sui, liquido constat, eos felicitatem suam, etsi major homini vix obtrigisset, imperfectam existimasse, si non ad hujus expletionem amicitia accessisset; quippe quæ non
id

(d) Serm. Fid. 27.

id solum habet virium, ut mœrores extenuet, verum id etiam, ut gaudia communicando reflectendoque augeat. Fit enim in animis, quod in rebus naturalibus usuvenire cernitur: cohærendi vis & conjunctio, quemadmodum impressiones violentas hebetat ac retundit, ita naturales actiones alit ac roborat.

III. Quæ cum ipsa natura hominis expetat, ac sibi tributa velit; ea multo sunt expetenda magis ac necessaria viro bono ac beato, qui summo in fastigio naturæ hominis humanæque excellentiæ collocatus est. Nam amicus id viro bono ac beato præstat, ut voluptas, quæ capitur ex agendo recte convenienterque virtuti, continuetur, ac numquam intermissa sit: quæ continuatio voluptatis in ipsa natura felicitatis involuta penitus est, ab eaque nullo modo sejungi potest. Felicitas enim, ut inquit Aristoteles, functio quædam est muneris; & Antoninus (e) ait, existimari oportere fruitionem quicquid secundum naturam suam agendi data facultas est: quo fit, ut ei, qui iusta faciat, & vera dicat, reliquum

G 4

esse

(e) Ant. l. 10. par. 33.

esse nihil afferat, quam (*f*) vita frui bonum bono sic adnectente, ut ne minimum quidem bono vacuum relinquatur intervallum. Itaque cum esse vita beati jucundissima debeat, atque ut hominis est (*g*) jucunditas ea facere, quæ propria sunt hominis, sic beato præsertim jucundum sit ex virtute operari, quod est beati proprium; quo crebrius quis ex virtute suas actiones ediderit, eo non modo diuturniore, sed etiam acriore voluptate animi perfundetur: nam in iis, quæ sunt inter se proxima, redundet, oportet ex altero quidpiam in alterum, ut in colore colori superinjecto cernitur. Quare succedens gaudium, cum antegresso gaudio, quod nondum subsedit, jam commotum nanciscatur animum, quidquid ex illo motu superest, adjungit ad suum; quo fit, ut auctum incremento virium adventitio impressionem graviores faciat. Verum assidue continenterque munere fungi difficile admodum est homini, qui solus sit; contra conjuncto cum aliis, & erga alios, id expeditum est & in proclivi positum. Nam viri boni se mutuo benefa-

(*f*) Id. l. 12. par. 29. (*g*) Id. l. 8. par. 26.

factis excitant , & mirabilem quamdam alternorum officiorum continuationem seriemque neſtunt , quæ videri quodammodo propria utriuſque poſſunt ; cum alterum ex altero progignatur , interque ſe penitus implicata ſint , ut ſecerni porro nequeant : quippe rependendi ſtudium commouet is , qui beneficio provocat ; & qui beneficio provocatur , iterandi beneficia contentionem alit . Immo vero quidquid ab altero agitur , actum ab ſe quodammodo putat ob eam ipſam cauſſam , qua fit , ut interea dum alteri benefacit , ipſi ſibi ab ſe benefactum cenſeat . Nam in virorum bonorum amicitia præſertim id obtinet , quod Antoninus (*b*) univerſo ſyſtemati rationalium attribuit . *Quo pacto ſe habent* , inquit , *in continuis membra corporis* , *eo ſe habent in diſſitis rationalia* ; *cum ad mutuas operas uni cuidam eidemque rei conferendas utraque nata ſint* . *Quare ſi te* , non membrum , ſed partem dixeris compagis ex ratione prædiſtis coalitæ , nondum homines ex animo diligis , nondum ipſum per ſe benefacere te delectat ; adhuc tantum ideo facis , quod fieri deceat , non autem perinde ac ſi

zi-

(*b*) Lib. 7. par. 13.

tibimetipſi benefacias. Quoniam itaque viri boni, quos voluntatum, ſtudiorum, & ſententiarum conſenſio conjugarit, membra ſunt unius corporis arctius aſtriſta, quam ipſi per ſe homines, qui ſola communione rationis inter ſe conjuncti ſunt; eapropter utriuſque functiones omnes utrique communes erunt; ideoque vir bonus ac beatus amico viro bono indigebit, ut felicitatis intendatur viſ, augeaturque ſenſus, aucto recte factorum numero tum ſuorum, tum eorum, quæ ab amico proſecta quodammodo pertinere ſentit ad ſe ipſum.

IV. Verum etſi quæ geruntur ab altero ſic huius eſſe propria contendatur, ut in actionum alterius cenſu numerari nequeant; mirum tamen in modum augent voluptatem ea, quæ virtuti congruentia, ſuiſque numeris abſoluta geri cernimus, ab homine præſertim, qui ſimilitudine morum, & amoris conſpiratione nobiſcum conſentiat, quemadmodum Ariſtoteles animadvertit. Delectat enim etiam in aliis id intueri, quod ſibi cognatum eſt; atque ut oblectatur muſicus cantilenis pulchris & conſonis, offenditurque pravis ac diſſonis, ſic vir bonus, qua bonus, recte factis gaudet, & abhorrentibus a virtute moleſte afficitur.

tur. Neque vir bonus, dum viri boni & amici honeste facta inspicit, ideo tantummodo iucunde tangitur, quod honesta videat ipsa per se grata; sed ob id etiam, quod in amico se ipsum, & in actionibus amici contempletur suas; immo sese ex amici quam ex sui contemplatione sincerius interiusque noscat. Nam, ut ait Philosophus, magis vicinum, quam nosmetipsos, & ejus actiones, quam proprias, videre possumus. Atque sese amicum probum in amico probi intueri ex eo efficit ad hunc locum Eustratius, quod amicus probus est ἄλλος αὐτὸς *alter ipse* ille qui amatur; & amici probi eadem eligunt, eademque agunt, cum in corporibus duobus quodammodo sit unus animus. Porro facilius aliena quam propria conspicienda se nobis offerri, generatim evincit vulgatum illud, quo sese nosse cuique arduum esse fertur, aciem animi retundente sive benevolentia insita, sive aliqua perturbatione adventitia. Etsi vero qui virtute penitus imbutus est, ab eo longe distet amore sui, qui a Platone libro quinto de Legibus reprehenditur, & malum maximum appellatur, atque caput errorum omnium; cum is, qui se ipsum magis, quam veritatem, honorandum putat, quid justum bonum & pulchrum

chrum sit, male judicet; numquam tamen, dum se unum ac sua inspicit, affirmare certo potest, imminuti detorti fucati nihil in iis esse, quæ videt. At ubi defigit in alium oculos, quo contemplando delectatur, eumque diligentius ac sincerius introspicit, in alienis æstimandis minus errare, suaque cum iis comparans acrius dijudicare potest, quid in se rectum aut emendandum sit. Itaque sicut in speculum inspicit, qui suam faciem intueri velit; sic amicum probum inspiciat oportet, qui se nosse cupiat, & actionum suarum aspectu sincero frui. Ut ut enim quod ibidem a Platone traditur, *Amator in amato perspicendo cæcus est*, ad omnia, quæ possunt amari, porrigatur; in primis tamen id cuique circa semetipsum obvenit. Siquidem ubi se quis contemplatur, obtutum ad ea maxime dirigit, quæ boni specie sese commendant; ubi vero sibi proponit, intuendum alium, deflexos a bonis oculos in ea defigit, quæ reprehendi seu corrigi meliusque conformari possunt. Hinc illud a Menandro notatum fuit.

Οὐδεὶς ἐπ' αὐτῷ τὰ κακὰ συνορᾷ, Πάμφιλε,
Σκρῶς· ἑπὶ δ' ἀτχημονόντος ὄψεται.

*Quicumque scædum admittit aliquid, Pamphile,
Non*

Non videt hoc ipse: at alius si faxit, videt (i).

V. Quæ cum spectent ad eos maxime, qui non admodum ablunt a virtute suis expleta numeris, aut ipsi per se corroborato atque insito honesti studio virtutis incitati constanter agere pulchra possunt; quod ab Aristotele porro additur iis est opportunum, in quibus nondum confirmata satis aut late fusa virtus est. Ait enim, his ideo proborum amicitiam utilem esse, quod exercitatio quædam virtutis ex convictu bonorum excitari possit. Virtus enim ex bonis incrementum capit. Quam ad rem illud affert, quod est a Theognide præclare dictum: (κοῖσι

Ἐτθλῶν μὲν γὰρ ἀπ' ἐτθλᾶ μὲν θέμε· ἢν δὲ καὶ

Συμμιχθῆς, ἀπολεῖς καὶ τὸν εὐόντα νόον.

A iustis discas bona: si versabere amico

Cum pravo, amittes, mens bona si qua tibi est (k).

Neque ad agendum tantummodo, sed etiam ad evolventa consilia, sermone intercedente, amici conferunt. Nam, ut Baconus (l) apposite, si quis animum cogitationibus multis gravatum habeat, ejus ingenium tamquam lumini expositum inclarescit

(i) Int. Grot. in Carm. Stob. tit. 23.

(k) Int. Bernardo Feliciano. (l) Serm. 27.

scit communicatione consiliorum, & mutuo colloquio. Quippe cogitationes, ubi sint in verba conversæ, facilius agitat, in partes omnes versat, disponit ordinatius, ac tamquam in faciem intuetur. Sermo enim hominum, ut regi Perfarum respondit Themistocles (*m*), instar est pictorum stragulorum; nam ut hæc, ita ille aperit expansus imagines, contractus tegit ac depravat.

VI. Atque cum hætenus allatæ rationes ex iis repetitæ sint, quæ sunt homini adventitia; quæ postrema ponitur a Philosopho, subtilius est acutiusque deprompta ex iis, quæ homini natura insunt; ostenditque, natura esse viro bono expectandum amicum probum, non secus atque esse, vivere, sentire, intelligere. Quippe, ut ait ad hunc locum Eustratius, bonus amicus viro bono quasi vita quædam est, atque vita ac sensus non habitu quodammodo sed actu est, siquidem una cum ipso maxime impenseque agit. Vita itaque natura bonum est, cum definitum quiddam sit; quod est autem natura bonum, id probo quoque viro bonum est. Quare vita probo cuique

(*m*) Plutarch. in Vita Themist.

que natura suapte expetenda est : immo vitæ
probi viri præsertim id accidit ; est enim vita
prava & corrupta indefinitum quiddam. Nam, ut
verum , sic bonum simplex ac finitum est ; con-
tra , ut falsum , sic malum varium est & mul-
tiplex & infinitum ; quo fit , ut qui deviis a
ratione cupiditatibus abripiuntur , alia semper at-
que alia persequantur. Porro si bonum est ipsa
per se vita præsertim viri probi , jucunda quoque
erit. At vita in homine potestate sensus & in-
telligentiæ definitur. Potestas autem ad operis ac
muneris functionem spectat , facultates enim sunt
nobis , ut iis utamur , a natura inditæ. Quare
vitæ perfectio sentiendi & intelligendi non pote-
state , sed actu constat. Quemadmodum autem au-
diendo audire , videndo videre sentimus , sic in-
telligere nos intelligendo percipimus ; ubi vero
bonum quidpiam in nobis esse percipimus , ea
perceptione delectamur ; ergo quo se magis quis
& sentire sentiat , intelligere intelligat , eo pe-
nitius altiusque indita latiusque fusa voluptate
perfundetur. Nam cum ipsa per se vita jucunda
sit , ac sentire se sentire , & intelligere se intel-
ligere nihil sit aliud , quam sentire atque intel-
ligere sibi vitam inesse , vitæque frui ; qui suæ
sibi

sibi vitæ magis est conscius, is interiore sui sensu vividius atque suavius afficietur. At sensus cuiusque sui, simulque voluptas ex eo fluens augeatur atque porrigitur, ubi quis esse ac vivere sentiat alterum sui similem, seu sentire & intelligere percipiat alterum quemdam ipsum: nam eo pacto vita frui quodammodo geminata censeripotest. Sui vero similem & alterum ipsum esse probus existimat amicum probum; vir enim probus, ut erga se ipsum, sic erga probum amicum affectus est. Itaque viro probi percipere sensu & intelligentia esse amicum probum & vivere, gratum est & expetendum, eique propterea necessarium, ut vitæ propriæ jucunditas expleta suisque numeris absoluta sit. Id autem ut percipiatur, consuetudo victus requiritur, qui consilia sensusque animi communicandi mutuo, permutandique officia potestatem expeditam & continentem facit. Ergo si viro probi natura bonum est esse, ac sentire se vivere, sensumque sui duplicatum percipit, dum percipit amicum esse ac vivere, quocum vitam quodammodo communem habet, ideoque voluptas, amplificato sui sensu, major uberiorque vitæ gignitur; ei, qui beatus futurus sit, amicis probis opus erit, etsi bonis ceteris abundet omnibus.

CA.

C A P V T IX.

Commodius esse vulgarem ac mediocrem, quam perfectam undique amicitiam querere.

I. **E**I, qui amicum quempiam sibi velit adsciscere, illud præter cetera cogitandum est, amicum esse, ut apud Plutarchum (a) a Platone animadversum est, hominem, animal nempe facile mutabile; id afferente varietate facultatum & alacritate, quibus instructus est; atque, cum hæc dissimiliter in aliis aliisque inter se temperatæ sint, & in multa vergant aliorum æque facultatibus opportuna, prudenter a Socrate (b) ac vere dictum esse, comparatos esse natura homines partim ad amicitiam, partim ad similitudines atque dissidia. Tum enim indigere mutuo subsidio mutuaque opera, miseri, juvando prodesse aliis aliis, eoque perspecto, sibi vicissim habere gratiam; tum autem, cum eadem expetenda bona putent, de iis inter se diligenter

(a) Lib. de Tranq. an.

(b) L. 2. Memorabil.

gladiari, disjunctisque sententiis animorum adversari sibi mutuo: præterea contentionem & iram hostile quiddam esse, plus habendi cupiditatem infestum, invidiam odiosum. Per quæ penetrans amicitia colligare quidem inter se potest ingenuos, honestisque studiis addictos homines. Sed cum semina disjunctionis insita penitus extirpari nequeant, nisi rerum, quæ ad vitæ commoda jucunditatem amplitudinem ornamentum adoptatæ sunt, omnis antea cupiditas avulsa sit; cupiditates autem in ordinem adduci regique se patiantur quidem, at non excindi funditus auferrique sinant; ea coagmentatio laxamenti quiddam habet, ac si nimis astringatur, elementorum quasi diffidio exasperato, concussa dissolvitur. Quare mentis concordia, quæ necessaria dicitur ad amicitiam a Pythagoreis, auctore Iamblichō (c); congruentia decretorum in iis quæ ad vitam pertinent, & rerum, quarum est usus in vita, communio ea, ut amicis utamur tamquam nobis ipsis, quæ a Stoicis in amicitia postulatur, Stobæo (d) Laertioque (e) tradentibus; & omnium divinarum

rum

(c) In vita Pyth. f. 240. (d) In Ecl. Eth. (e) L. 7. f. 124.

rum humanarumque rerum cum benevolentia & caritate summa consensio, quam ex Stoicis hausit in Lælio Tullius, ejusmodi sunt, ut eorum quidem animo fingi species, nusquam autem exemplum inveniri possit: & qui sese ad eam formam componat, aliosque compositos exigat, is, quem amet, neminem umquam sit inventurus, ob eamque rem e vita funditus amicitiam auferat.

II. Itaque consultius esse commodiusque ducunt prudentes & consideratj rerum humanarum æstimatores, animum animique studia collineare in eam amicitiam, quæ vulgaris & mediocris appellatur a Tullio (*f*), delectare tamen ac prodesse dicitur; quam in perfectam expletamque numeris omnibus, qualis ab eo fuisse traditur nonnullorum qui pauci nominantur. Etsi tam distaret hæc ipsa ab amicitia cogitata forma, quam ii, quibus attributa fuit, a perfecta sapientia aberant, quæ fundamentum esse veræ amicitia statuitur. Cum ii non mirabilia, sed usui futura persequantur, amicos non alios esse sibi querendos intelligunt, quam quos vita communis agnoscit ac probat;

H 2

cum

(*f*) In Lælio.

cum iisque sic agendum, ut cum viris bonis, non qui finguntur aut optantur, nusquam autem reperiuntur, sed quibus vita communis esse contenta potest. Eos, qui pulchris picturis otiose delectantur, existimare cum Plutarcho (g) sinunt, contentus amicitiae nullam esse debere dissimilem aut inaequalem partem; sed, sese similiter omnibus habentibus, omnia convenire inter se dicta, sensa, consilia, motusque animi, tamquam uno animo in plura diffuso corpora. Qua ex sanctione fluunt ea, quæ sunt apud Senecam (b): *Si aliquem amicum existimas, cui non tantumdem credis, quantum tibi, vehementer erras, & non satis nosti vim veræ amicitiae. Cum tibi aliquem in amicitia recipi placuerit, toto illum pectore admittite: tara audacter cum illo loquere, quam tecum; cum amico omnes cogitationes tuas misce. Quid est quare verba coram amico retraham? Quid est quare me coram illo non putem solum? Ipsi vero missis his, quæ tantum inter homines undique perfectos locum habere possent, cum opinionum ac voluntatum consensionem satis esse putant, quæ non*

(g) L. de Amic. multitud.

(b) Epist. 3.

non alterum cum altero sic intime permisceat & confundat, ut quasi liquores infusi secerni & agnoscere nequeant; sed ita nectat, ut quasi dura corpora ad se invicem applicata, interque se apta, distinguere possint. Quo fit, ut multa sui quasi puncta communia cum amico habeant; multa vero sibi propria reservata velint; quæ tamen ipsa, commotis contactus punctis, commoveri consensu debent, quantum necesse est ad utilitatem mutuam & jucunditatem in lætis adversisque rebus, iique sinunt, quos propius cujusque puncta attingunt. Neque enim ita cujusque propria manent, ut non pertineant ad alios; cum multis singuli varium ad se respectum habentibus circumfusi sint. Itaque cum animo recte constituto temperatoque sint, & considerate ordinateque ament, æque distant ab eo, qui sese totum alteri credit, alterumque sibi vicissim addictum omnino velit, atque ab eo, qui versutia corrumpat amicitiam, aut mollitie deferat, aut suspicionibus incertam reddat, & semper in ancipiti lubricoque nutare cogat.

III. Ad animi mollitiem amicitie molestias fugientis id spectat, quod apud Euripidem in Hippolyto legitur, obtruditurque tamquam utile

vita securitati præceptum usu diuturno rerum humanarum imbibitum :

Πολλὰ διδάτκει γὰρ μ' ὁ πολὺς βίος.
 Χρῶ γὰρ μετρίως ἀλλήλους
 Φιλίᾳ θνητὸς ἀνακίρνασθαι,
 Κὶ μὴ πρὸς ἄκρον μυελὸν ψυχῆς,
 Εὐλυτὰ δ' εἶναι σέργηθρα φρενῶν,
 Ἀπό τ' ὤτασθαι, καὶ ξυτῆναι.
 Τὸ δ' ὑπὲρ διττῶν μίαν ὠδίνειν
 Ψυχάν, χαλεπὸν βάρϑ.
 Βιότῃ δ' ἀτρέκεις ἐπιτηδεύσεις
 Φοβὶ σφάλλειν πλέον ἢ πέπειν,
 Τῇ δ' ὕγιει μᾶλλον πολεμεῖν,
 Οὕτω τὸ λίαν γ' ἥττον ἐπαυῶ
 Τῇ μηδὲν ἄγαν.

Ætas multum me multa docet :
Hominum inter se bene compositus
Servare modum debebat amor ;
Non & in ipsas ire medullas ,
Sed ita ut solvi vincla possent ,
Et jam tendi , jamque remitti .
Nimum nimium est ponderis , unum
Animum curas ferre duorum .
Ratio vitæ curata nimis ,
Numquam dulcis , sæpe & aberrans ,

Mi.

Minus ut valeant corpora , caussa est .

Mibi præ nimis laudare placet

Quæ se modico fine coercent (i).

Cui congruit illud Martialis :

Si vitare velis acerba quædam ,

Et tristes animi cavere morsus ;

Nulli te facias nimis sodalem .

Gaudebis minus , & minus dolebis (k).

Quæ sententia pronis auribus admittitur , ac libenter adoptatur ab iis , qui aut omnino iucunditati vitæ dediti laborem & curam cane pejus & angue fugiunt , aut rebus occupati suis & irretiti , omnia humana ab se aliena putant , aut infociabilia felicitati suæ.

IV. Pertinet autem ad versutiam quod ab Antonino (l) reprehenditur , cum quis amicitiae simulata specie suæ consulit utilitati ; quod iis usitatum est , qui sinceritatem verbis efferunt , & sese tum maxime occultos , tortuosos , & multiplices indicant , cum vultu ad comitatem quamdam atque facilitatem composito sese candidos apertosque , nulla re postulante , prædicant. *Quam pusillus*

H 4

mus ,

(i) In Exc. Grotii. (k) L. 12.ep.34. (l) L. 11. de reb. suis.

*dus, inquit, & insincerus est qui ait: Ego sta-
 tui tecum agere simpliciter & aperte. Quid opus
 est præmonere! Ipsa per se res apparebit. Fronti
 vox oportet inscripta sit. Sincerus es? Statim id
 elucet in oculis, ut in amantis oculis omnia conti-
 nuo deprehendit amasius. Simplicитatis affectatio
 tortuosa est: nihil tam, atque λυκοφιλίᾱ lupinā
 amicitia, fœdum est. Hoc maxime fugias: bonus,
 simplex, benevolus in oculis gerit mores, ac nihil
 in eo latet. Locum hunc attulit Antonini parum
 apposite Grævius ad illud Ciceronis in Lælio, quo
 boni viri dicitur esse munus in amicitia, non so-
 lum allatas ab aliquo criminationes repellere, sed
 ne ipsum quidem esse suspiciosum, semper aliquid
 existimantem ab amico esse violatum; aitque sus-
 piciosam amicitiam a Græcis eleganter appellari
 λυκοφιλίαν. Nam etsi suspiciosus dicatur tam is,
 qui suspectum habet alium, quam is, qui suspe-
 ctus est; tamen nihil Tullii suspiciosus cum An-
 tonini lycophilia commune habet, sed potius
 quod antea multiplex ingenium, tortuosum, ob
 eamque rem infidum ab eo vocatum fuit. Nam
 lycophilia significat amicitiam assimulatam, fal-
 sam, subdolan; a fœdere nempe ductam, quod ea
 conditione lupi cum ovibus olim inire volebant,*

ut

ut ipsi suos catulos ovibus, oves sibi canes custodes gregis obfidum loco traderent; ideoque sublati defensoribus paterent expositæ insidiis direptorum ac prædatorum. Quare Plato (m) vocem traduxit ad eam animorum discrepantiam, ut inter se confociari nequeant. Cum enim eo rem a Dionysio adductam intelligeret, ut ab se aut Dionem deferi veterem amicum & hospitem, aut amicitiam Dionysii repudiari oporteret; *Hæc, ait, ita gesta τὴν ἐμὴν καὶ τὴν λυκοφιλίαν καὶ ἀκρινωνησίαν διὰ τὸ ἀπειργάτατο, dissociabiles me teque tua culpa reddidit, ut non magis, quam inter lupos & agnos, amicitia constare possit.*

V. Demum ad suspiciones & diffidentiam, quæ tum ex timiditate, tum ex importuna sagacitate curiosius omnia rimante nasci possunt, attinet quod a Biantæ præceptum auctore Laertio (n) dicitur, & exagitur a Tullio (o), nimirum, *Ita amare oportere, ut si aliquando esses osurus, Φιλεῖν ὡς μιτήτοντας.* Senibus præsertim morem hunc esse familiarem, Aristoteles (p) animadvertit, experientia nempe rerum humanarum inditum; suspi-

cio-

(m) Epist. 3. (n) In Laliō. (o) L. 1. seg. 87. (p) Rhet. 1.2

ciosos esse, quia sunt increduli; esse autem incredulos, quia periti sunt; & neque magno amore, neque magno odio prosequi propter eandem causam; sed ex Biantis præcepto & amare tamquam odio habituros, & odio habere tamquam amatu-
ros. Quod si quis eo sensu accipiat, ut interea dum amicitiae commoditatibus utitur, ad amicitiae sese dissolutionem parat, ejusque abjiciendae sibi causam aliquam esse præstitam & expeditam velit, simul atque cœperit ea displicere ac molesta esse, vel utilis esse desierit; id quidem, ut ait Aristoteles (9), ἐπιβελία, seu *res insidiatrix* est, & universe ex eo sequetur, quod ex ejusmodi sententia sumpta simpliciter secuturum omnino contendit evincitque Tullius; nempe qui sic amet, optaturum, ut quam sæpissime peccet amicus, quo plures det sibi tamquam ansas ad reprehendendum; rursus autem recte factis commodisque amicorum necesse futurum, ut angatur doleat invidet. At si quis sic accipiat, ut ea moderatio studiorum animi commendetur, & amico fidem habendam præscribatur, tamquam homini, qui

(9) Ibid. c. 2.

qui non unus idemque semper est, sed varius, commutabilis, multiplex; id vero plurimum ad vitæ præsidium & humanitatem facit. Nam qui, sic animatus est, is plurimis uti, plurimisque prodesse potest, dum se tantum impertitur aliis, quantum ab ingenio cujusque stabilitatis & constantiæ prudenter expectare posse videat. Eo sensu acceptum est a Sophocle in Ajace Flagellifero:

Ἡμεῖς δὲ πῶς ἔγνωτόμεθα σωφρονεῖν;
 Ἐγὼ δ', ἐπίσχυμα γὰρ ἀρτίως ὅπ
 Οὔτ' ἐχθρὸς ἤμῳ, ἐς τοτόνδ' ἐχθραυτίθ
 Ὡς καὶ φιλήτων αὖθις· ἔς πε τὸν φίλον
 Τοτάνθ' ὑπεργῶν ὠφελεῖν βολήτομαι,
 Ὡς αἰὲν ἔμενόντα. Τοῖς πολλοῖσι γὰρ
 Βροτῶν ἄπιστός ἐστ' ἐταυρίας λιμνῇ.

*Quanto modestum sapere nos æquum est magis!
 Expertus hominis quod sit officium scio:
 Odisse quamvis maxime infestum, quasi
 Amare posses: rursus ὅ amico obsequi,
 Tamquam reflexa temporum posses vice
 Odisse. Quippe pluribus mortalium
 Parum esse fida statio amicitiae solet. (r)*

Mo-

Modus hic effusionis animi non solum accommodatus est humanæ naturæ, in qua multa obscura, multa conversioni obnoxia, multa imperfecta & corrupta sunt; sed etiam amicitie commoditates expeditiores efficit. Nam qui sic amat, non anxie sibi latebras amici peruestigandas intelligit, ut agnoscat, antequam in amicitiam recipiat, an numeris omnibus absolutus sit, unusque fieri possit ex pluribus: sed satis esse putat, si cum ea quasi parte sui, qua sese ad illum adjungit, apte congruat, & virtutem communem habeat.

C A P V T X.

Oblato Lysidis Platonici conspectu, demonstratur quid in eo dialogo sibi Plato proposuerit, & inanitia Serrani commenta exploduntur.

I. **I**N Dialogum, qui Lysis inscribitur, & germanam amicitie docere causam & naturam vulgo creditur, præter Socratem a Platone quatuor introductæ personæ sunt, quarum indoles accurate distinguatur oportet, ut Platonis intelligatur scopus, & legentis abducatur animus ab eorum interpretandi more præpostero, qui cum
pe-

pedis quasi suspendendi ferre laborem nequeant , & frustra sese navasse operam arbitrentur , si dubitandi tantummodo causas hauserint ; decerni quidpiam a Platone statuunt , ubi tantummodo quaerit , & incertus hæret , & multa tentans omnia postremo rejicit ; ut æque omnia profitentes , ac se , qui nihil exploratum habere simulabat , evincat ignaros esse rei , de qua disputatio instituta est ; eorumque , pro varia cujusque indole , seu arrogantiam frangat , seu falsas opiniones evellat , seu stultitiam confidentem in aprico ponat , eo quasi velo detracto , quo freti sese venditant imperitis , & magna polliciti nugas ampullaque magno pretio venales habent. Lysis adolescens est pudens ingenioque mirifice comparatus ad sapientiæ studium , sed imperitus , & nondum excultus optima germanaque disciplina ; quo fit , ut ad malum æque flecti bonumque possit. Hinc Socrates cum eo sese colloqui libenter ait , quod ejus philosophico studio delectaretur . Menexenus , cui Lysis maxime familiaris erat , adolescens est acer ac vehemens , quippe Ctesippi discipulus. Hippothales adolescens est amator Lysis , neque plus quidquam a Socrate expetit , quam ut ab eo doceatur , quid agendo quis aut lo-

loquendo , sibi voluntatem amasi conciliare possit . Ctesippo Sophistæ non aliud a Platone munus ascribitur , quam ut , amorem Hippothalis amasique conciliandi rationem ab eo initam Socrati retegens , occasionem disputationis de amicitia excitet ; instituta vero disputatione , urgeat porro Socratem , ut Menexenum , quem a suo ludo digressum in disputando satis exercitatum confidebat paria paribus responsurum , interroget , obsequaturque Lyfidi , qui postulans id a Socrate , Menexenum arte sophistica prædidentem inter æquales impeditum irretitumque videre peroptabat .

II. Invitatus itaque Socrates ad palestram ab Hippothale , quicum erat Ctesippus , perinde ac si non alio ductus studio , quam quo ceteri solent , eo esset accessurus , quis ibi pulcher sit , eique maxime videatur , Hippothalem rogat . Quippe dissimulatio faceta & elegans , cujus personam sumpserat , id ei dabat , ut sese ad mores omnium attemperare videretur , eoque lenocinio captaret alliceretque homines etiam a sapientiæ studio maxime dissidentes , & usitatis moribus depravatos . Cum rubore suffunderetur Hippothales , isque rubor augeretur , ubi Socrates in ceteris quidem ineptum se fassus est , verum id sibi di.

divinitus datum , ut primo conspectu dignoscat eum , qui amet & ametur ; Ctesippus pudorem carpit Hippothalis , qui Lyfidis laudibus importunus obtundebat aures , in eoque se ita gerebat , ut nihil afferret proprium , sed quæ cani vulgo solebant de maioribus Lyfidis , eorumque divitiis & equis victoribus , ad fastidium usque repeteret inculcaretque auribus . Quæ Ctesippus tamquam illepida jejuna puerilia carpit ex disciplina rhetorum aut poetarum , ea Socrates ex prudentiæ decretis , perinde ac si nihil in re , quam spectabant , esset reprehendendum , eamque probaret , tamquam inconsiderata præpostera stulta improbat . Nam qui prudens in amore sit , ei non ante amasius laudandus est , quam hujus familiaritatem fuerit affecutus ; ne videlicet amasius efferatur , & quo superbior , eo difficilior captu sit . Stultum morem suum agnoscens Hippothales a Socrate postulat , ut amasii conciliandi , si quam callet artem , sibi non invidet ; ac Socrates quid iis , quæ imperite solebat effutire , substituendum sit , ostendi ab se posse pollicetur , si Lyfidis alloquendi potestatem habeat . Ea longe alio sensu , quam quod a Socrate dicebantur , Hippothales interpretatus , in palestram , Ctesippo comitante , Socratem in-

introducitur, tamquam adiutorem amoris sui, quem is oppugnaturus erat. Ctesippi conspectus Menexenum, Menexeni Lyfidem attrahit; qui cum sederent, Hippothales e longinquo, ne a Lyfide cerneretur, auditurus substitit. Menexenus, quem præludens animo destinatæ disputationi Socrates interrogare cœperat, alio forte vocatus Lyfidem interrogandum relinquit Socrati, qui sensim eo tandem adolescentem redigit, ut fateatur, nemini posse nos amicos esse, neque amari ab ullo in iis, in quibus inepti simus; ne a patre quidem amatum iri quemquam, quatenus est inutilis. Contra si sapiens fuerit, omnes ei futuros amicos & necessarios; quippe cum eo pacto utilis & bonus futurus sit. Gradus autem, per quos eo ductus adolescens est, ex eo nectuntur, quod illum parentes eximie diligant; qui diligit, esse velit quem diligit felicissimum; felix autem is dici nequeat, cui subducta potestas sit agendi quæ concupiscat. Quare cum Lyfidi multiplices a patre domini præfecti sint, eique potestas omnis negata sit, quæ servis concessa est, arbitrato suo gerendi quæ cuiusque fidei peritiæque demandata sunt; ideoque nulla divitiarum, quibus abundat, utilitas ad ipsum redeat, quippe
 quas

quas alii administrant ; nulla corporis , quippe cui nutriendo colendoque præsunt alii ; quæ cohærere nullo pacto cum felicitate possunt ; querendam esse causam , cur qui felicem eum expectunt , a felicitate arceant in eo constituta præsertim , ut quis arbitrato suo quidvis agat. Causam ex ætate repetente Lyfide , Socrates id frustra dici ait : nam in iis , quæ ab eo sciri vident , ætatem provectiorem a parentibus non expectari ; sed ei concedi potestate sua uti. Quare Lyfis ultro fatetur , ideo sibi alia permitti , alia negari , quod illa sciat , ista nesciat. Quæ cum evolvisset ex adolescentis animo Socrates , & addidisset , omnia permissurum ei patrem , ubi res melius ab eo , quam ab se , administrari putet , & vicinum pariter & Athenienses ei permissuros administrationem rerum suarum , si senserint prudentia sapientiaque præditum rerum gerendarum ; omnesque nobis ea arbitrato nostro gerendi potestatem facturos , quorum prudentes sumus ; neminem impediturum , liberos in his futuros , nostraque futura hæc , quippe cum utilitatem ex iis percepturi simus. Contra in iis , quorum nulla nobis prudentia fuerit , non modo extraneos , sed & maxime cognatos nobis impedimento fore ; nos alte-

rius imperio subiectos futuros, ipsaque futura nobis aliena, quippe cum nullam ex iis utilitatem decerpamus. Ex quo tandem fit, ut quis in iis, quorum ignarus est, a nemine amari possit; ametur autem in iis, quorum peritus est, ab omnibus. Quia vero Lyfidis ætas ea erat, ut ipsa per se propter incitiam rerum maximarum nihil adoptare sibi posset optimum; ab eo elationem animi, contumaciam abesse, magnosque spiritus oportere, ipso confitente elicit: neque enim quis elate sapere potest in iis, in quibus nondum quidpiam omnino sapit; neque magnam in iis habere mentem, in quibus nondum mentem habet. Quare præceptis prudentiorum indigere se Lyfis agnoscat oportet, quibus sese fingendum tradat, morigerumque præbeat; neque blanditiis & assentionibus eorum, qui mentis animique perfectionem impediunt, infortisque cupiditatibus concedendum esse quidquam; quæ maxime Hippothali adversabantur. Quare conturbatus est, quippe qui fauturum Socratem existimabat amoris suo, re vero dicentem ea clam audierat, quibus adolescentis animus ad modestiam, pudorem, disciplinæ studium, ac veræ sapientiæ cultum adductus, ab se suaque cupiditate distraheretur, alioque

que amore occupatus, illecebris, quibus allici potissimum adolescentes ac deliniri solent, obsurdesceret.

III. Cum, absente Menexeno, præluffisset exercitatione ad ingenuam Lyfidis indolem admirabiliter accommodata, ætatique imperitæ peropportuna; redeunte, robustiorem ingreditur Lyfidi gratificaturus, qui cum irretitum familiarem suum inter æquales, ut fit, verborum concertationibus præfidentem intueri cuperet, a Socrate postulat, ut illa ipsa, quæ sibi, dicat & Menexeno. Quod cum non impetraret (neque enim pugnaci contentioso, quæ docili discendique cupido conveniebant); instat, ut aliud ei quiddam proponat arbitrato suo. Qua in re Socrates ita se cum Menexeno gerit, ut rem sibi non cum disputatore veterano præfractoque putet esse, qui exagitandus illaqueandusque sit, sed cum adolescente præfidente quidem, ut e sophistarum disciplina prodeuntes solebant, & ventoso, vanisque doctrinæ fucatæ præstigiis occupato, verum nondum adeo confirmato infectoque, ut elui nebulæ detergique nequeant. Itaque more suo persona investigatoris magis, quam refutatoris aut præceptoris, sumpta, rationum, quæ de re communi vulgo afferuntur, & indubitatae putantur ab iis, qui mercede accepta

non aliam sapientiam docebant, quam quæ popularibus opinionibus accommodata erat, imbecillitatem agnoscendam adolescenti exhibet; ostenditque non aliud a notionibus confusis & inexploratis expectari posse, quam confidentem inscientiam. Quo fit, ut non aliud Socratis institutum sit, quam ut homines adducat ad eam inscientiam, quæ philosophiæ causa seu principium a Tullio dicitur libro primo de Natura Deorum; qui locus interpretum laboriosis conjecturis ac minime necessariis vexatus miris modis est. Tullius enim, cum ait varias hominum sententias de natura deorum magno argumento esse, causam, idest principium philosophiæ esse inscientiam, prudenterque Academicos a rebus incertis assensionem cohibuisse, idem ait, quod Epictetus (a): Ἀρχὴ φιλοσοφίας συνάντησις τῆς αὐτῆς ἀγνοίας καὶ ἀδυναμίας περὶ τὰ ἀνγκυῖα· αἴτισησις μάλιστα τῆς πρὸς ἀλλήλης τῶν ἀνθρώπων, καὶ ζήτησις τῆ παρ' ᾧ γίνεται ἡ μάχη, καὶ κατήγησις, καὶ ἀπιστία πρὸς τὸ ψιλῶς δοκῶν. *Principium est philosophiæ imbecillitatis infirmitatisque suæ necessariis in rebus animadversio; animadversio pugna-*

tum

(a) Arrian. l. 2. c. 11.

*rum inter se hominum, caussarum inquisitio pugnae bu-
jus, & condemnatio nude opinionis, ac diffidentia.*

IV. Socrates igitur, qui se tam rerum inscium, quam investigandi cupidum assimulare solet, ut interrogandi sibi quæ velit potestas facta sit, & e rerum exteriore ambitu conjiciat in interiora nec opiuantes eos, quibuscum sibi res est, includatque continuatione serieque notionum, e quibus evadendi spes interclusa sit ad indefinita, neque distincte perspicue distributeque significantia quidpiam, ut ii solent, qui, nulla ratiocinationis inita semita, libere subsultare, fusque deque vagari possunt; eundem secutus morem in amici natura inquirenda, Menexenum obsecrat, ut sese adjuvet in ea re, quam efflictim deperit: nam cum alii alia cupiditate teneantur, alicujus amici sibi comparandi studio vehementer incendi, beatosque Lysidem & Menexenum existimare, qui juvenes tantam possessionem, tam propere ac facile consequuti sint, cum ipse tam provectus ne norit quidem quomodo fiat quis amicus alteri. Quare tamquam a perito doceri cupiens, primo quærit, num qui amat amicus ejus sit, qui amatur; an qui amatur ejus, qui amat; an nihil intersit. Cum nihil interesse fateretur imprudenter Mene-

xenus, a Socrate facile revocatur, assentiturque neutrum neutrius amicum esse, nisi se vicissim ament. Si nihil amicum amanti est, quod non amat vicissim; neque amicus equorum, neque sapientiæ quis appellandus, vel amare quis hæc ipsa non amica dicendus erit. Quare perperam a poeta vocatus est beatus, cui nati & equi & canes venatores amici sunt. Quod cum Menexenus non auderet confiteri, cum auctoritas Homeri pondus haberet in sapientia populari maximum; colligit ex eo Socrates, quod amatur, sive amet, sive odio habeat, ei, quod amat, amicum esse; quo fit, ut hosti quis amicus sit, & amico hostis. Id a ratione prorsus alienum esse Menexenus animadvertens, fatetur, ab se non posse expediri, quid statuendum sit, si neque qui amant, neque qui amantur, neque qui & amant & amantur, amici sint; cum frustra quærat ac præpostere, cui nomen amici conveniat, antequam definitum fuerit, quid ipsum amicum sit.

V. Ipse Socrates exitum ex ea via, quam ingressus erat, inveniri posse desperans, aliam inquirendam esse putat, assentiente Lyside; missoque Menexeno, qui non satis ad intelligendum comparatus erat, socium sibi Lysidem investigatio-

tionis eligit, cujus ingenio philosophico discendi-
que cupido delectari ait; poetas autem duces,
quos tamquam sapientiæ parentes vocat, ne videatur
ab omnium doctorum intelligentia abhorrere.
Horum autem Homerus princeps amicitiae deum
auctorem facit, qui similem ad similem allicit;
quocum ii consentiunt, qui de rerum universitate
differuerunt. Nam necessario simile simili semper
amicum esse. At si similes esse dicantur improbis
improbi, hos Socrates infert amicos esse inter
se non posse, quod injuriam invicem inferre ac
pati soleant. Si vero statuatur, bonos solos esse bo-
nis similes, quippe cum alteri simile nullo pacto
possit & amicum id esse, quod ipsum sibi dis-
simile sit, & secum discrepet; improbos autem
esse constet ne sui quidem umquam similes, sed
vecordes, ideoque neque cum bonis neque cum
malis apte coherere posse; initio Socrates quod
quærebat jam sibi monstratum esse simulat, & assen-
titur amicos eos esse, qui boni sint. Verum rem
paullo diligentius expendens, assensionem revocat,
cum simile simili nullam utilitatem possit af-
ferre, quod unumquodque sibi per se non afferat;
sefe autem inter se nequeant amare, sibi que ami-
ca esse, quæ sibi mutuo nullum adjumentum af-

ferre queant. Quare neque bono bonum amicum esse posse ; quippe bonus , qua bonus , ipse sibi sufficit , nemine prorsus indiget , ideoque magni faciendi quempiam & amandi nullam omnino causam habet.

VI. Hic hærens Socrates a similitudine discedendum ait , quam Homerus poeta , physicusque Anaxagoras induxerant ; & viderdum , num certius quidpiam expectari possit ex eorum sententia , qui similes a similibus , & bonos a bonis maxime dissidere statuentes , nectebant ex contrariis amicitiam. Quare substituit Homero Hesiodum , cujus est vulgatum dictum :

Κὶ κερχμεὺς κερχμῇ κατέει, καὶ αἰδὼς αἰδῶ·

Invidet & figulus figulo , vatiqve poeta :

Anaxagoræ vero substituit Heraclitum , qui cum videret appeti siccum ab humido , calidum a frigido , plenum a vacuo , obtusum ab acuto , ab amaro dulce , contrariumque ali a contrario ; statuebat amica esse inter se maxime dissimilia , cogique necessitate inopem ut locupletis , infirmum ut robusti , ægrotum ut medici , imperitum ut periti favorem amet , & amicus sit. Sed qui statuatur contrarium amicum esse contrario , confiteatur oportet , inter se amica esse inimicum ,
ami-

amicum ; iustum , iniustum ; temperatum , intemperatum ; bonum , malum , si contraria , quæ contraria , dicuntur amica esse : Quæ cum absurda sint , neque simile simili , neque contrario contrarium amicum erit . Quoniam ad amicitie naturam ipsæ per se neque similitudo neque dissimilitudo quidquam conferunt ; quippe quæ prorsus externæ sunt & adventitiæ , nulloque cum ea vinculo insito colligatæ .

VII. Ne , quid vere amicum sit , agnoscendi spes abijcienda sit omnino , Socrates quasi talum a sacra linea movendum ait , & quærendum , num id forte sit boni amicum , quod neque bonum neque malum est ; ac se plane , quo se conjiciat , ignorare profitetur ; sed incertis undique dubitationibus agitatum eo se impelli antiquo proverbio pati , ut suspicetur , id amicum esse quod pulchrum est , & bonum esse pulchrum ; ideoque pulchri & boni amicum id esse , quod ipsum per se neque pulchrum neque bonum sit . Neque enim , si cui quid amicum est , aliud excogitari potest ; cum trium generum , quorum unum est bonum , alterum malum , tertium neque bonum neque malum , exclusa duo priora sint , ultimumque tantummodo relinquatur , quod neque
ma-

malo neque sibi simili potest amicum esse, ideoque superest, ut bono sit. Boni autem amicum fieri propter mali præsentiā, antequam ipsum factum sit malum a malo, quod habet; neque enim, si malum factum sit, esse boni amicum posse. Quæ longe a sophistarum intelligentia dissita Socrates explicaturus animadvertit, alia quidem ejusmodi esse, quale est quod adest, alia non esse ejusmodi. Sic si flavæ comæ cerussa tingantur, iis albedo quidem adest, at non albæ sunt iccirco, sed albedine præsente neque albæ, neque nigræ. Verum ubi senectus eundem colorem hunc inferat, albedine præsente, tunc albæ revera sunt. Haud absimili modo quod neque bonum est neque malum, interdum præsente malo nondum malum est; & cum nondum præsente malo malum sit, ipsa mali præsentiā facit, ut bonum appetat. At si malum jam sit, ipsa mali præsentiā, qua factum est malum, avertitur a boni cupiditate & amicitia. Ex quo fluit, neque sapientes, sive dii sint, sive homines, neque sic ignorantia imbutos infectosque penitus, ut mali sint, verum eos philosophari, qui sic inscitæ affecti malo sunt, ut nondum vecordes sint & indociles, sed sentiant ea se nescire, quæ nesciunt.

VIII. Quum , affentientibus Menexeno ac Lyfide , Socrates inventum ab fe putaret quid amicum fit , nimirum ubique bono propter mali præfentiam id amicum effe , quod neque bonum neque malum eft ; ac magna lætitia perfunderetur , importuniſſima ſuſpicionē oborta , repente prædam , quam læto animo complectebatur , e manibus extorqueri moleſte fert. Veretur enim , ne ſomnio ditatus fit , ac tamquam in homines jactabundos , & inania magnifice pollicentes , in fallacem amici naturæ ſpeciem inciderit. Nam quod amicum eſt alterius , amicum ejus eſſe propter aliquid , & cauſſa alicujus ; atque hoc ipſum oportet amicum fit , quemadmodum corpus amicum eſt medicinæ propter morbum , qui malum quid & inimicum eſt ; cauſſa ſanitatis , quæ bonum quoddam & amicum eſt. Quare quod neque bonum neque malum eſt , propter malum & inimicum boni , amicum eſſe boni & amici cauſſa. At ſi quid amicum eſt boni & amici cauſſa , ipſum hoc boni alterius & amici cauſſa alterius amicum erit ; atque ita deinceps in infinitum. Quare deveniendum ad quoddam principium , quod ad amicum aliud non referatur , ſed in ipſum id definat , quod primum amicum fit , cujus cauſſa dicantur & alia
ami-

amica omnia tamquam simulacra quædam illius , quod vere amicum est . At si quod vere amicum est , illud ipsum est , quo definunt omnes hæ , quæ dicuntur amicitia ; concludit Socrates , id non amicum esse alicujus amici causa , secus atque paullo ante definitum erat .

IX. Rursus alterum expendens , quod communi consensu positum erat , bonum amari propter malum , querit , num , tria cum sint , bonum , malum , & neutrum , si malum forte sublatum omne sit , ac duo reliqua mancant , nullam nobis , qui malum inter ac bonum siti sumus , utilitatem bonum allaturum sit , perinde ac si bonum ipsum per se nullum usum habeat . Id sibi videri fatente Lyfide , quo res evaderet ignorante , Socrates ad examen revocat , quod imprudenter concessum erat . Querit itaque , num , etsi de medio sublata mala fuerint , appetitiones aliquæ neque bonæ neque malæ superesse queant ; cum necesse non videatur , ut una cum malis ea pereant , quæ mala non sunt . Si supersunt , qui appetit & amat aliquid , ejus , quod appetit & amat , necesse est ut amicus sit . Quare malis sublati nonnulla amica erunt . Igitur , cur quis amet & ametur , causa existit ab ea diversa , quæ allata fuit ,

fuit, cum diceretur id, quod neque bonum neque malum est, amare bonum propter malum. Est autem amicitiae caussa appetitio. Porro quod appetit aliquid, eo indiget; quod autem indiget, eo indiget, quo spoliatum fuit. Quamobrem amor, amicitia, appetitus sunt οἰκεία, nimirum ejus, quod cognatum est; ideoque inter se natura cognati amici sunt: neque alter alterum expectere potest & amare, nisi aut animo, aut indole animi, aut forma, aut moribus is sibi cognatus sit. Natura vero cognatum necessario amat.

X. Quare Socrates eo sese referens, ex quo disputationis occasio ducta est, cum natura cognatum necessario amet, necessarium esse pariter efficit amatori germano minime fictitio, ut ametur ab amasio. Lyfide Menexenoque vix annuentibus, Hippothalis, qui sibi putabat ea favere, præ lætitia non vultus mansit colorque suus; at ei cito lætandi caussa prærepta est. Nam amici natura, qua gaudium Hippothalis nitebatur, incerta deprehenditur a Socrate rem attentius explorante. Animadvertit enim, si cognatum a simili differat, inventum existimari posse quid amicum sit: verum si cognatum & simile unum quiddam idemque sint, jam antea demonstratum esse, simile
fi-

simili secundum similitudinem nullum usum afferre ; quod autem infructuosum sit , amicum esse nullo pacto posse. Sed , neque si differant , rem planius expediri monet. Nam cum bonum non sit cognatum cuilibet , neque malum alienum , at malum malo , bonum bono , neutrum neutro cognatum sit ; si qui cognatum amicum esse dicat , id admittit , quod ante repudiatum est. Quippe non minus improbus improbo , quam bono bonus amicus erit. Missa itaque cognati & similis inter se comparatione , quæ nihil omnino promouet , videndum est , num res melius expediatur comparandis inter se cognato & bono. At si dicatur , idem esse bonum & cognatum ; bonum bono solum amicum erit. Verum id in superioribus refutatum est. Quamobrem eo disputatio tandem evadit , ut si. neque amantes , neque amati , neque similes , neque dissimiles , neque boni , neque cognati amici sunt ; non habere se quid omnino dicat , ultro Socrates fateatur. Seniores aliquem excitare cogitabat ; at cum pædaggi subbarbara voce obstrepentes , & plusculum poti festis Mercurialibus Lysidem & Menexenum e congressu domum adducturi abstraherent ; discedentibus , nihil , ait , aliud esse disputando compara-
tum ,

tum , quam ut ridiculi spectatoribus ipse senex , ipsique pueri vidèantur , quod se inter se amicos putent , & invenire non potuerint quid amicus sit .

XI. Ex oblato dialogi conspectu patet , in eo Socratem nihil aliud sibi proposuisse more suo , quam ut perversitatem amoris , quo flagrabat Hippothales , retunderet ; Menexeni confidentiam e schola sophistarum haustam converteret ad modestiam , cumque convictum inscitiae , vanitatisque doctrinae , qua fidebat , ad saniora studia compelleret ; Lyfidis autem animum optime natura comparatum a doctorum ac morum communium insidiis & contagione defenderet , & injecta diffidentia cautum & circumspectum redderet , ostendendo qua ratione vulgares opiniones explorari debeant . Quo pacto vero quaerenda veritas , & quibus ex principiis nestenda sit , altioris esse indaginis , quam ut adolescenti , aut alio cupiditatibus avvocato , aut ineptiis opinionum innutrito , aut nondum germanae doctrinae sacris initiato ritu Platoniorum , accommodari possit . Animus enim a concretionem rerum ad formas sempiternas ex sensu Platonis , qui suam Socrati personam imposuit , evehendus est . Evehendus est ad ipsum per se pulchrum , ad id quod vere est , ad ipsum
bo-

bonum, quod in eo, quod vere est, eximie maximeque splendet: ad ea, quæ illustrat verum, & quod vere est; nimirum ad ideam boni, quam Plato vocat boni filiam, aitque tribuere cognitis veritatem, & cognoscenti vim. Quæ Proclus (b) gradatim exponens, bonum ait esse, quod univèrsa conservat, & constituit, explet ac perficit; τὸ τοῦτο parere quodammodo lucem intelligibilem, & primas formas; pulchrum demum in summis formis esse situm, atque suppeditare lætitiā, familiaritatem, amicitiam. Tria hæc cum omnia impleant atque pervadant, necesse esse, ut quæ implentur, per cognata revertantur ad unumquodque, cum eoque jungantur. Ad pulchrum, quod omnia secunda connectit, interque se conciliat, & causā perfectionis est; & eorum, quæ manant ex ea perfectione, omnium reversionem fieri per amorem, qui præstantissima genera, præstantissimasque animas, perinde ut a pulchro participant, inter se colligat. Per veritatem autem ad sapientiam, qua & ipsa mens repleta cognoscit entia, & cujus animæ participes in-

(b) Lib. 1. Theologiæ Platoniciæ cc. 21. 26.

intelligenter agunt. Ad bonum demum neque cognitione neque actione, sed collocatione, stabilique permanſione & quiete opus iis eſſe, qui cum eo quaſi coagmentari properant; quippe cum bonum ſit portus univerſorum entium, in quo conquieſcendum eſt.

XII. Corruit ergo ſyſtema decretorum, quæ ex ea diſputatione Serranus excuſpit. Ait enim, a Socrate tradi diſcrimen veræ amicitiaë a falſa; veræ amicitiaë definitionem, cauſſis ipſius notatis; uſum denique ipſius. Veram amicitiam definiſſe, ſinceram communitatem omnium rerum, quæ in vita communi verſantur; ut quidem prima communitas ſit animorum ſtudiorumque conſenſio, quæ morum ſimilitudine innixa, & vitæ uſu mutuifque officiis firmata permanet in varios multiplicefque uſus ſocietatis humanæ. Cauſſam illius notari duplicem, Deum, & cognationem affinitatemque animorum. Ad has adjungi neceſſitatem incommoda depellendi, quibus obſeſſa vita eſt, & coguntur homines, ut ſecum invicem aſueſcant, ac mutuam ſocietatem colant. Deum tamen eſſe cauſſam principem; ceteras ſecundas tantum, & nobis proximas, & *πρωτύως* ab illo ſummo *φίλῳ*, ſeu Deo, deduci. Explicari porro

K

cauſ.

causarum duarum proximarum vim maximam, nimirum ut animorum similitudine & cognatione, vitæque necessitate contineantur homines in officio ad mutuam amicitiam colendam: sed necessitatem a similitudine & cognatione longe lateque differre. Duas autem priores bonis viris tantum esse proprias, ultimam improbis etiam communem. Denique summam utilitatem amicitiae demonstrari, nimirum antecellentem rebus omnibus, quæ cadunt in vitam hanc, ut sit summum scelus non habere rationem amicitiae. His generatim propositis, cum ad rem ventum est, statuens, hic agi de causis amicitiae efficiente & finali, seu quæ sit ejus origo, qui denique finis & usus; ex eo, quod ad primam attingere putat, invenire primo sibi visus est problema, utrum amicitia in uno tantum esse possit, an mutua potius esse debeat; ejusque solutionem, quæ decernit, in amicitia requiri mutuam consensionem: atque etsi concedat fieri posse, ut quis non amatus amet, hanc tamen esse claudam amicitiam & imperfectam. Deinde varia theoremata enucleat. Ac primum quidem ex Homeri versu, Deum esse veram & efficientem amicitiae causam, qui conciliet & componat animos hominum, ut inter se conspi-

rent

rent morum similitudine, in qua vera amicitia sita est. Secundum ex eisdem Homeri verbis collectum, inter bonos tantum versari amicitiam; neque ullam inter improbos esse posse. Quare proximam amicitiae causam esse similitudinem animorum ex virtute proficiscentem, quam tamen Deus efficacem reddat, ut causa princeps. Secundi theorematis ἑλεγχος porro collocat, afferrique ait argumenta probabilia, quod amicitia non ex similitudine, sed ex contrariis potius coalescat; quæ omnia disputando non docendo afferri monet in utramque partem. Tertium esse theorema de origine amicitiae statuit; eam propter vitæ necessitates natam esse, variosque in usus permanere, ita tamen ut ipsa proprie non in rebus humanis, sed in Deo tantum constet; cui præmitti primo axioma, pulchrum seu Deum amicum esse. Deinde ratione hypothesis institutæ, quatenus amicitia cadat in vitam humanam, tria quædam esse genera hominum; ipsamque vitam hominum, aut humanam societatem intelligi ὁδεπὶς nomine, quippe cum ipsa per se neque bona neque mala sit; hominesque considerentur, quatenus sunt homines nullo alio affecti modo. Demum a Socrate statui, propriam esse amicitiam ὁδεπὶς, seu neque

boni neque niali ; cum bonus ea non egeat , & malus capax non sit ; eoque spectare , ut incommoda necessitatis ablata sint . Sed cum amicitia quædam esse videatur inter bonos etiam & malos ; ideo poni quidem in Deo αὐτόφιλον , in hominibus autem φίλα κατὰ συμβεβηκός ex eventu . Eorum autem , quæ ex eventu sunt , quoddam esse genus ἀχώριστον , quoddam χωριστόν . Quare amicitiam in bonis viris esse constantem , in malis instabilem . Postremo concludi notat , utilitatem amicitie latissimam esse , propterque necessitatem constitutam fuisse ; quæ doctrina pertinet ad finem & usum humanæ amicitie . Quæ series quam hiulca , perturbata , nulloque vinculo connexa sit , & ab arte , quæ Platoni summa tributa est in dialogis , aliena , facile judicari potest .

XIII. Postquam autem absoluta videri poterant quæ de amicitie causa usuque dicenda erant , nova sese Serrano exhibet explicatio de amico primo , seu Deo , causa amicitie princeps . Nam eo spectare Socratem ait , ut amicum primum distinguatur ab amicis illis , quæ εἰδωλὰ ἄττα vocat ; Deum esse auctorem & causam societatis humanæ doceat ; eumque finem esse debere propositum

fitum amicitiae, quae ad societatem continendam apta est; quod amicitia necessitatis causa comparata sit in hac humanae societatis οἰκονομία, propterea colendam etiam & amandam esse. Ex proximis autem causis recurrendum ad summam amicitiae causam Deum; atque etsi necessitas illa humana cessaret, constanter permanfurum τὸ πρῶτον φίλον. Tamen amicitiam institutam esse necessitatis gratia; necessitatem esse causam amicitiae proximam; causae proximae rationem esse τὸ οἰκεῖον & ὁμοιον. Esse quidem unam omnibus communemque naturam; at esse quosdam in singulis ad amicitias copulandas igniculos peculiare. Tandem universae disputationis summa capita repetendo finem imponi ait, quae sunt, mutuam inter amicos esse συμπάθειν, ut alter alterum mutuo amet; morum cognationem atque similitudinem esse firmamentum amicitiae germanum & verum; amicitiam esse rerum omnium humanarum utilissimam cognationem; εὐχρηστον & ὁμοίον in bonos tantum cadere, cum improbi moribus inter se discrepent; quo fit, ut amicitia tantum in bonis sit. Hisque positis, monere Socratem, ait, ab se disputatum esse de amicitia περὶ ἑκάστης in utramque partem.

CAPUT XI.

Quam multæ vitiorum ac virtutum formæ ex voluptatis aut exultationis studio, opibusque earum alterutri vel utrique addiclis efflorescant.

I. **V** Oluptate & exultatione, quarum illa in sensu nata cujusque suo, neque foras usquam permanens, in eo penitus insidet; excitata hæc ex sensu alterius, extrinsecus alteri affunditur; ea continentur, quæ sese humanæ cupiditati prima offerunt: facultates autem & copiæ ad alterutram aut utramque referri vulgo solent, pro diversa indole animi. Quæ cum inter se varie permixtæ sunt, ex iis morum constitutiones multiplices, & variæ quasi formæ vitiorum ac virtutum prodeunt. Ac eorum quidem, qui opes in voluptatem collineant, Salustius (a) exemplum suppeditavit in Sempronia. *Litteris, inquit, Græcis & Latinis docta; psallere & cantare elegantius, quam necesse est probe; mul-*

(a) In bello Catilin.

multa alia , quæ instrumenta luxuriæ sunt . Pecuniæ an famæ minus parceret , baud facile discerneres . Sape fidem prodiderat , creditum abjuraverat ; luxuria atque inopia præceps abierat .

II. Honori vero subijcientium divitias exemplum esse possunt Agis & Cleomenes a Plutarcho descripti . Nam cum in civitatem auri argentique admiratio irreplisset , & possessioni divitiarum sordes & avaritia , fruitioni vero & usui luxus , mollitia , & immoderata profusio sese comites addidissent ; Agis indole ductus & magnitudine animi voluptati ac deliciis , quibus enutritus erat , indixit bellum , omnique rejecto sumptu magnifico , sese victu cultuque prodidit Lacedæmonium . Porro suscepto consilio bonorum inter cives exæquandorum ea lege , quam Lycurgus sanxerat ; a matre locupletissima femina obtinuit , ut ejus opibus uti liceret ad laudem & gloriam sibi comparandam eximiam : quippe si , regum ceterorum luxui frugalitate prævalens ac temperantia , bonorum exæquationem constituisset civibus , tum demum sibi regis vere magni nomen ac decus comparatum iri . Quæ cum ei cecidissent improspere , Cleomenes laudis cupidus , magnanimus , ad frugalitatem ac temperantiam egregie natura comparatus , acriter

in id incumbens, quod honestum ei videretur; honestum autem ratus non modo volentibus imperare, sed etiam invitos ac repugnantes ad id adigere, quod rectum esset; ad movendum civitatis statum Lacedæmonios commisit cum Achæis, pecunia vicit Ephoros, ut bellum sibi permitterent, aliosque multos conciliavit adjuvante matre, quæ filii consiliis obsecundans & gloriæ, nummos ei large suppeditabat. Eo demum adducta re, ut æqualitati bonorum obistere nemo posset, aut auderet, primus ipse suum patrimonium in medio posuit:

III. Quæ cum spectent ad opes existimationi, voluptate posthabita, unice addictas, ad utramque referentium exemplum in Plutarchi Demetrio & Antonio videre licet, qui bellicosi, munifici, sumptuosi, lustrisque simul ac vino dediti, Platonis (*b*) effatum comprobarunt, quo is, ut magnas virtutes, sic magna vitia proferri a magna indole tradidit; & quo majora animus sine optimi scientia circa divitias, aut robur corporis, aut aliud ejusmodi conabitur, eo majora ex iis effundi peccata necesse esse; multisque & variis

(*b*) In Alcibiade secundo.

riis artibus ac scientiis ornatum, istius autem expertem scientiæ, dum a singulis aliis ducitur, multa merito tempestate jactatum iri, quippe qui gubernatore carens oberrat in pelago brevi tempore periturus. Demetrius enim, cum oppressam a Cassandro ac Ptolemæo liberare Græciam animo instituisset, in Græcos pro laude & gloria collectas ex præda barbarorum effudit opes. Quamobrem ab Atheniensibus in libertatem assertis, eique immodicos honores decernentibus inter alia scitum fuit, ut quidquid jussisset is, & fas esset apud Deos, & jus apud homines. Contra vero, quam in bello sobrius, tam in pace projectus ad luxum delicias & voluptates erat; & cum Atheniensibus, dum divinis honoribus afficiebatur, imperasset & acerbe exegisset magnam auri vim, Lamiæ præberi jussit: in Macedonia vero nullo exemplo non modo sese, caputque duplici tænia victis ornabat caussis, auroque intertexta purpura, sed & ornatas purpura pura soleas adhibebat pedibus; & chlamydem ad mundi ac siderum simulacrum elaboratam ne gereret, rerum conversio, qua luxus & soluta vitæ ratio pessum ejus fortunam dedit, impedimento fuit. Demum amisso regno, reliquum tempus alea poculisque

tra-

traduxit, sive ut conditionis præsentis vitaret cogitationes, quibusangebatur sobrius; sive quia perspiciebat hanc esse vitam, quam jamdiu captasset, & ab ea temere vecordia & inani ambitione abductus esset, ac multum sibi ceterisque negotii exhibuisset, in armis classibus & castris felicitatem quærens, quæ tum ei sese nec opinato in otio offerebat. Neque enim alium esse regibus terminum non ideo male consultis, quia voluptates tantum venientur ac delicias honesti virtutisque loco, sed quia nec jucunde vivere, neque sese vere oblectare sciant.

IV. Quod autem attinet ad Antonium, liberalitas cum militibus, & amicis nihil astricta tributum & parca manu, præbuit ei magnam ad potentiam aditum, ejusque, cum jam magnus evassisset, majorem in modum amplificavit opes, quas infinita alia vitia pervertebant. Nam bonis invisæ sanisque viris erant intempestivæ perpotationes, odiosi sumptus, volutationes in lustris, comessationes nocturnæ, commorationes in mimosarum & scurrarum nuptiis, mensarum exquisitarum apparatus, pudicorum virorum & matronarum domicilia scortis ad divertendum & sambucystriis attributa. At natura præstantior erat in rebus aspe-

peris , & fortuna pressus improspera germanissimus videbatur bonus vir . Quod videbatur mirum , cum sit quidem commune pressis angustia virtutem agnoscere , verum non omnes ea , quæ in rerum vicissitudinibus approbant , imitari , neque ab iis , quæ improbant , abstinere queant ; immo quidam magis etiam inertia victi concedant moribus pristinis , & rationes apte subductas ignave repudient . Rebus porro commutatis , rursus in vitam perditam atque luxuriosam relabebatur , & in mimos , præstigiatores , assentatoresque violentos argentum acerbe coactum absumebat : homines nobiles facultatibus expoliabat , quas adulatoribus & nebulonibus largiebatur ; amorque demum Cleopatrx multa in eo quieta & abdita vitia excitavit , oppressitque , si quid iis honestatis & virtutis obssisteret .

V. Quæ sane intemperies ex eo manant , quod humani cupiditas animi , quæ cum est ex singularibus omnibus apte quasi composita , tum demum , quæ cum humana natura congruunt , omnia complectitur , & inter omnia recte convenienterque sita est , in iis , qui memorati sunt , carebat elementis quibusdam , quibus ea , quæ aderant , temperari apte oportebat , ob eamque
rem

rem soluta quasi vinculis, quibus in medio retineri poterat ac debebat, ut esset omnium particeps, alternis ad extrema facile prolabebatur; & eo longius a cupiditate aberat expleta partibus omnibus, angustiorque reddebatur, quo longius a centro recedebat, in quo, tamquam in foco radii lente refracti vitrea, universæ cupiditatis cogenda vis est. Quod profecto centrum cum non sit in linea, cujus in altero extremo collocata laus ac dignitas, in altero voluptas est, humanæ cupiditati signa duo maxime exposita, primaque peti solita, sed in linea conjungente centra quasi gravitatis bonorum omnium; ideo, si sese animus ab uno extremo abducatur, ac retro referatur, aliquo forte casu depulsus, aut satiatus eo, quo antea nitebatur, non in centrum incurrit, in quo solo cupiditas imperfecta perfici, seu corrigi & emendari potest; sed eandem dum redit, atque dum progrediebatur, insistens viam, quæ brevissima scilicet, & maxime expedita est, sese ad voluptatem recipit aut ignavam, si solutus omnique disciplinæ rerum bonarum expers; aut ambitionis habentem admixtum aliquid, si splendidus, ac liberalis indolis, & artibus ingenuis expolitus sit, quemadmodum in Lucullo cerni potest.

VI. Is quidem, cum ex adolescentia litterata ac modesta excessisset, Asiæque civitates alta pace præclarisque legibus confirmasset; quo factum est, ut non solum a gentibus affectis ab se beneficio diligeretur, sed carus etiam provinciis esset ceteris, beatos illos ducentibus, quibus is rector & moderator obtigisset; non ita rebus unice bellicis oblectabatur, ut voluptates atque festiuitates negligeret; sed civitates Ephesi residens spectaculis, festis triumphalibus, athleticisque muneribus exhilaravit. Tum autem eadem adductus indole rerum bellicarum gloriæ anteferebat humanitatis laudes atque iustitiæ, quæ placidæ mentis & eruditæ documentum erant, eisque non minus, quam armis, subegit barbaros. At cum fortuna, quæ comes ei fuerat in rebus gerendis, urgere cœpisset omnia, splendorque ab inceptis abesset & gratia, quamquam imperatoris egregii virtus & constantia permanerent, causam ipso afferente, qui neque vulgi militaris animos conciliare studebat, ratus quidquid imperio subiectis adhiberet blandimenti, semen esse dedecoris, & ruinam auctoritatis suæ; neque se principibus ac dignitate paribus præbebat comem, eos contemnens, & nihili præ se faciens; ob eamque rem Pompejo missō trium-

triumphi magis , quam belli , successori non tam res gerendas , quam rerum gestarum præmia resignare coactus fuisset ; ægre impetrato Romæ triumpho , deferuit abdicavitque Rempublicam , & plenus honorum ex multis certaminibus , quæ non undique felicem habuerant exitum , ad elegantem lautam splendidam vitam & luxu disluentem dilapsus est. Quas enim opes ex rebus gestis paraverat ingentes ac splendidas , effudit in substructiones sumptuosas , ambulationum & balnearum molitiones , statuas , tabulas , cœnas insolentes , non modo stragulis purpureis , gemmatis poculis , choris & acroamatis inductis , sed & obsoniorum apparatu bellariorumque singulari & vario suspiciendas , quibus non delectabatur solum , verum etiam gloriabatur . Atque cum in his opulentiae barbaræ quasi captivæ insultaret , in librorum ampla delectaque suppellectile laudabiliores sumptus posuit , quorum usus erat omnibus expositus ; quo fiebat , ut ejus ædes Græcum Prytaneum essent Romam commeantibus , & Musarum hospitium .

VII. Nam ne ipsa quidem ingenia præclara , si cupiditates non apte temperatas & circumscriptas habeant , modum habere possunt . Animi profecto , dum actionibus occupantur , quæ voluptatum sunt

sunt excellentiorum compotes , his retrahuntur a cupiditatibus deterioribus , ac voluptates segniores aut obliuiscuntur , aut e longinquo raptimque respiciunt . At si forte nobiliora , quibus antea retrahebantur , abducta sentiant , ad ea se , quæ perfunctorie perspiciebant , applicant ; & ab iis , quæ desierunt , animum ad ea referunt , quæ supersunt ; perinde ac si egregia facta direxissent ad voluptatem , & rerum gestarum præmium in deliciis collocassent , quippe cum in has tandem extremus actus desinat . Sed eo magni quoque viri nonnumquam recidunt evaduntque , non tam quod eo magnopere delectentur , quam ut doloris lenimentum quærant , & ab insigni aliqua fortunæ offensione avocandum animum occupent ; aut erecti animi captent opinionem , dum læti fortunæ improspere contemnant asperitatem ; aut æmulos ulciscantur , dum sese non ægros ostendunt , & indicant habere se , quo malevolentiae damna faciant ac reficiant ; expletione scilicet alio in genere positæ cupiditatis , & ex diverso bonorum ordine quæsitæ iucunditatis usu . Siquidem homines insensî , stimulisque non modo cupiditatis , sed & æmulationis impulsi , non satis actum putant , si deiecerint ex eo loco alios , quem ipsi tenere student ,

dent, si non sese hi dejectos sentiant, ac dejecti doleant. Illud enim fatis cupiditati facit; hoc autem malevolentia comes æmulationis insuper expetit, & suscepto labori deberi putat.

VIII. Porro non solum pro dissimili animorum indole referri divitiæ solent aut ad honorem, aut ad voluptatem, aut utrumque, aut ab uno delecti ad alterum; verum etiam honori dissimiliter applicari. Neque enim unum honoris spectatur genus. Nam alii sic honorem circumscribunt, ut nihil majus altiusque opinione divitiarum amplissimarum expetant. Quare divitias explicant ut appareant, neque alium, quam ut monstrentur, earum agnoscunt usum, tamquam olim inter Romanos majorum imagines in armariis ordine collocatas; quod hominis inanis omnino vanique est studium. Alii non solum in oculis & conspectu divitias exponunt apte dispositas, hærentesque sua sede; sed & loco movent, ad aliosque transferunt aliquid: damnum autem ut farciant, in ejus, quod ablatum est, locum honorem substitutum volunt. Atque cum honor tribus constet, idea scilicet excellentiæ cujusdam ac meritorum alterius; affectione animi, quæ susceptæ de meritis opinioni respondeat; demum externis indiciis ad
affe-

affectionem animi accommodatis , quibus intus excitatum proferatur studium & in actum educatur , inque scenam prodeat illustris excellensque gratia ; primo expetunt ut egregiam alii de se suisque virtutibus opinionem habeant ; tum autem ut existimationi pares observantiz ; benevolentiz , cultusque sensus animo concipiant ; tandem ut animo sensus imbibitos officiis actisque comprobent. Quæ tametsi , cum æquis finibus inclusa sunt , expeti recte possint ac debeant ; cum existimationis indicia fons & origo sint in societate boni multiplicis ; tamen qui , tamquam ad scopum , ad ea unice dirigat animum , & in iis conquiescendum instituat ; is non tam expendit suffragia , quam numerat , neque tam mereri , quam captare studet : quod animi levis & inanis est , qui tumore quidem bonam habitudinem imitari potest , at parum admodum soliditatis habet ; aut si qua sit , ea dum laude quasi delinitur ac fovetur , eo fere pacto liquefcit ac defluit , quo perihelium ipsa luce , qua gignitur , aboleri solet. Nam cylindri , niveus interior , exteriorque fluidus ei circumfusus , objecti solis radiis uterque tantisper solem imitari possunt , & oculos intuentium illustri specie ludificari , dum lucem , quam

inflexam fluidus permeare finit, incolumi soliditate sua niveus intercipit & reflectit. At niveus hic, dum interea illustratur, sensim liquefactus dilabitur, eoque dilabente, splendor imaginis extenuatur ac vanescit. Quare futilibus hisce ingeniis id adhærere cernitur, ut nihil omnino promovere possint; & cum nihil ad res promovendas conferant, se magnum aliquid in iis, quæ vi suapte accidunt, aut opera ceterorum & industria preparata sunt, egisse censeant, si forte nianum admoverint. Nam ei, qui laudibus irritari potest, animi nervique deficient ad progrediendum, & impedimenta removenda, quibus obseptum est quidquid aliquam amplitudinem aut utilitatem insignem habet. Hinc Baconus (c), cum eo nitendum esse fabro fortunæ monuisset, ut virtus per incuriam justo suo pretio non fraudetur, in virtute æstimanda pretium imminui docet, si quis virtutis suæ fructum in laudibus, plausu, honore, gratia sibi præbitis, cito nimis ac leviter sentiat, in iisque sibi placeat; immemor prudentis moniti, quo cavendum præscribitur,

(c) De Augment. Scientiar. l. 8.

tur , ne quis infuetus rebus maioribus videatur , si re parva sese quasi magna delectatum ostenderit. Quia vero quam ipsi de se sovent opinionem , aliorum suffragiis amplificatam sibi , cum de se cogitant , obijciunt ante oculos ; ideo quidquid ex opinione suarum amplificata virium deduci potest , ad res ab se vere translatus putant , ac de rerum causis eventisque perinde judicant , ac si quod unice virtus & auctoritas eximia prestare potest , afferri ab se potuerit , & allatum sit. Nempe , quemadmodum ab eodem (*d*) animadversum est , ut musca radio rotæ currus insidens apud Aesopum stulto vanoque pertentata gaudio secum ait , *Quantum agito commoveoque pulverem !* sic vani & futiles , cum aut ultro procedit , aut manu potentiore cietur quidpiam , si minimam ipsi rei partem attigerint , continuo machinæ se toti motum indidisse putant .

IX. Ex eadem animi vanitate fluit , ut urbanitati , quæ dicitur , & morum exteriorum elegantiae plus æquo studeant honoris inanis avidi , scenamque traducant in vitam communem : quip-

L 2

pe

(*d*) Bacon. in Sermon. 52.

pe vultu , gestu , sermone , dignitatis aliorum impense studiosi videri volunt , ut alios ad similia referenda cumulatius officia provocent , quibus augeri censent & illustrari dignitatem suam . At in re parva qui nimius est , is valorem sui minuit : nam dum illi curæ sese submittit , angustiis animi nihil ab se magnum comprehendi posse arguit , aut animi perversitate leviora gravioribus anteferre . Id enim ad virtutes solidiores ac res gerendas aditum intercipit , animumque impeditiorem efficit . Multum quidem ad famam & existimationem compositio morum urbana juvat ; sed prudentia regatur oportet , ac decus nativum quoddam præferat ; nam quasi vestis est animi , quæ , si qua sit in animo virtus , eam ornatiorem & magis conspicuam exhibere ; si qua deformitas , occultare seu colorare debet : tum autem cavendum , ne tam arcta sit , ut animum angustet , ejusque motus in rebus gerendis cohibeat & impediatur , quemadmodum eleganter a Bacono (e) traditur .

X. Porro ut inane genus hominum imaginibus ho-

(e) Sermon. ultimo .

honoris inanibus oblectatur, iisque divitiarum
usum & sua vota terminat, quæ sustineri sine
magna soliditate animi possunt; sic honorem quasi
robustiores ii sibi proponunt, qui sunt animo
quasi ponderosiore præditi, magnisque difficultati-
bus oppugnandis pares. Nam hi sparsis in vulgus
opibus augeri potentia cupiunt, atque dum aliis
intervire videri volunt, ut eos obsecundantes ha-
beant, in alios occulte sibi dominatum struunt,
quod est animi plerumque callidi & iniusti, non-
numquam etiam plus æquo sapientis, & imperiti
rerum ac virium cupiditatum, quæ præpollentes
in civitate, neque frangi, neque sapientiæ con-
ciliari possunt; sæpe tandem ab honesto quidem
incipientis, at in prava desinentis est. Nam etsi,
dum rem quis aggreditur multorum adversis stu-
diis impeditam, honesti studio moveri possit;
tamen in progressu sese rerum eventibus ad iram,
ultionem, rapinas, vim ab honesto subinde re-
ferre cogitur; ac dum his implicatur, & in
mæandros, diverticula, flexionesque multiplices
impellitur, honesti obliviscitur, ab eoque diver-
sus abit; eo fere modo, quo lux impedita va-
rieque detorta corporum amfractibus sinuosis, in
his penitus inhærescit; aut si sese expedire possit,

aversam a priore , qua tendebat , consecratur viam. Quare difficultatibus accensus , ac mutuis aut injuriis irritatus , aut obligatus beneficiis animus , cum desistendum esset a re gerenda malis accedentibus idemtidem involuta , quæ bonum commune vitari jubet , manet in incepto obstinatus , ac tandem aut infecta re sibi metipsi parat exitium ; aut ad exitum adducta , magis ulcisci , partaque potentia prægravare fautores æmulorum , quam sese ad institutum initio consilium revocare studet : quorum alterum in Gracchis duobus , alterum in L. Sylla Plutarchus animadvertendum exhibet.

XI. Nemo enim apparatu majore virtutum rem honestam aggressus est , quam Gracchi Cajus ac Tiberius. Etsi ceteros indole anteirent , tamen non tam præclare nati , quam instituti fuerunt ad virtutem. Atque fortitudinem adversus hostes , justitiam erga populares , in obeundis muneribus sedulitatem , continentiam in voluptatibus in utroque fuisse parem. Sed in magna fortitudinis , liberalitatis , moderationis , animique celsitudinis affinitate , magnas in actibus & in Reipublicæ procuratione dissimilitudines extitisse. Vultu motuque blandum Tiberium & compositum , acrem Ca-

Cajum & vehementem : illius orationem suavio-
rem , & magis ad misericordiam comparatam ;
hujus incitatum , ac redundantem affectibus : il-
lius puram & limatius elaboratam ; hujus artifi-
ciosam & splendidam : in victu mensaque fruga-
lem illum & simplicem ; hunc , si cum aliis
compararetur , continentem & restrictum , si cum
fratre , sumptuosum & exquisitum : moribus de-
mum lenem illum & placidum ; confragosum hunc
& fervidum . His instructes præfidiis , cum ager
publicus a locupletibus occupatus , ereptusque te-
nuioribus , quibus exigua pensione conducendus
erat attributus , eo rem adegisset , ut pauperes
detrectarent militiam , & liberorum curam alen-
dorum abjicerent , actioni manum admovisse , qua
restituerentur inopes in possessionem iis antea lege
datam , ereptamque cupiditate divitum . At cum
Lælius , qui studio ductus eodem incommodum
idem emendare adortus erat , tumultus metu , quia
potentes obsistebant , destitisset , ob eamque rem
sapiens appellatus fuisset ; eos , etsi optima indole
præditos , disciplinis imbutos optimis , optimoque
delatos ad rem gerendam publicam instituto , ta-
men in suscepto consilio permanisse , conatuque
neque legitimo neque probò conficere perrexisset ,

L 4

quod

quod honeste aggressi erant , impulsos & irretitos non tam immoderata gloriæ cupiditate , quam excitato non improba causa metu dedecoris . Nam a civibus eximio favore provocatos , tamquam obstrictos ære alieno , frustrari civium expectationem erubuisse . Dum autem egregiis actionibus assidue vincere certabant honores habitos , ideoque colebantur magis , & pari certamine sese erga populum , & vicissim erga se populum inflammabant , imprudentes in eos esse delatos res , ubi jam non erat , quod dici solet : *Rectum licet non sit , desistere tamen inglorium & inhonoratum est* . Quo factum , ut interea dum incepta provehere studebant ad exitum , ad interitum ipsi protrusi sint .

XII. Sylla vero , qui natura jactabundus erat , & , cum ex rei familiaris angustiis humilisque vitæ tenebris emerisset in lucem civium , & honorum cepisset gustum , eo eruperat ambitionis , ut annulo gestaret imaginem Bocchi Syllæ tradentis , ac Syllæ accipientis Iugurtham , de quo re triumphavit quidem Marius , at facti gloriam invidia conflata Mario Syllæ virtuti attribuebat ; ex similitudine , quam cum eo susceperat exercebatque Marius , ansam arripuit ad perturbandam Rempublicam .

blicam ; factisque multis eximiis cum sibi nomen comparasset ducis apud cives magni , maximi apud socios , apud hostes fortunatissimi , subinde autem irritamenta nova , novæque offensiones intercurrerent , opponente sese præ insana gloriæ cupiditate Mario , sibi que munera deposcente , quibus impar erat senio debilitatus , vigoris ac roboris indigentia , eo tandem evasit , ut unus in Republica gerere omnia suo nutu posset. Quo in dominatu corruptum populum , res perturbatas , ægramque Rempubicam , in qua dominus idemtidem aliunde alius exoriebatur , emendare componere constituere potuisset , & immodicæ potentiæ cupiditati non solum excusationem , sed & laudem egregiam impetrare , si sese non permisisset auferendum iræ conflictu rerum excitatæ ; quæ cum insideret in homine magnis æque virtutibus ac vitiis imbuto , vitia magis , quam virtutes , ad erumpendum impulit. Nam dispar moribus & inconstans erat. Rapere multa , largiri plura : honorem habere , & insultare : colere quos utiles arbitrabatur , morosus in eos esse , qui peterent quidpiam ; ut fastidiosior esset , an blandior natura , nescias : levem ob causam obtruncare homines , contra maxima facinora ferre leniter : offensionibus gravissimis

mis dare facile veniam , exiguas persequi cædibus : ut appareat , eum quidem ingenio iracundo fuisse , & ultore animo ; sed , cum esset ex usu , sese cohibuisse , convenientemque tempori statuisset acerbitati modum . At rerum potitus , omni simulandi causa exsolutus , inussit eam magnæ potestati labem , ut existimari vulgo soleat , invertere mores , atque animum ad arrogantiam vecordiam & inhumanitatem adducere ; sive id motio sit & conversio naturæ quam fortuna cecat ; sive impotentia detectio & explicatio pravitatis insitæ . Quare cædibus inundata civitate , gloriatus est , a nemine se neque amicorum beneficiis , neque inimicorum injuriis superatum .

XIII. Itaque procul abest ejusmodi ambitio a generosa indole , cujus indicium esse , Baconus (f) ait , si quis honoribus emendetur ; quippe cum honor sit aut esse debeat quasi locus , qui a natura virtuti attributus est . Atque ut corpora , cum ad locum rapide moveantur , in loco placide moventur ; sic esse quidem virtutem in ambitu posse violentiorem , at sedatiorem esse debere , simul

(f) Serm. 11.

mul ut in honore constituta fuit. Ascensum omnem ad fastigium dignitatum per abrupta flexuosa ancipitia impedita fieri: at ubi quis id assequutus fuerit, par esse tandem, ut ad æquilibratam sese referat. Sed æquilibras hæc impeditur in acris animis ipsa vi, qua de statu dimoti, diuque iactati sunt. Nam quo vehementius ipsum se quidque ciet, præsertim si ponderosum sit; eo difficilius ad quietem induci potest; actumque diuersum, & varie quasi percussum impeditis ipsis, etsi sumnota sint ea, porro diu conservat impressum impetum, urgetque perturbate circumiecta omnia. Hinc etsi finis in re suscipienda possit honestus esse, tamen in exitu frequenter inhonestus est, ut ut magnis virtutibus aut virtutis imaginibus promotus sit; nisi quis honesti studio sic imbuatur, ut id elui nulla perturbatione possit.

XIV. Eo cum ipsa honesta incepta definant, quo tandem ea sunt evalura, quorum est ipsa per se prava indoles, quæ nimirum eo consilio suscipiuntur, ut aut immodicæ potentæ cupiditas expleatur, aut aliorum infringatur auctoritas, quæ virtute parta, legitimisque circumscripta finibus, civitati salutaris est? Præsertim cum incepta eijusmodi vehementius urgeri, longiusque porrigi

lo-

soleant ; quippe quæ nullum , undecumque suppetatum sit , adminiculum respuunt. Nam qui ducti virtute , bonique communis incorrupto studio , suscipiunt aliquid ; ii multis retinentur , impetumque remittunt animi , qui difficultatum incurrentium ictu quasi compressus , latius vicissim insito conatu se explicare nititur. Dum enim verentur , ne iusti & æqui prætergrediantur limites , ne re magis urgenda , quam par sit , excitatæ perturbationes & incommoda superent utilitates ex iis redundaturas civibus , licere sibi pauciora putant ; neque prosperos eventus eo promovent , quo vis eorum promoveri posset , neque tam ex virtute prudenter ad rerum gerendarum naturam applicata , quam ex notione virtutis , seorsum ipsa per se spectata , universali & absoluta , quatenus & quo pacto rerum casibus uti debeant , æstimare solent. Quo fit , ut interea dum laude moderationis intempestivæ allici sese plus æquo sinunt , a laude prudentiæ scientiæque rerum opportunitatis excident ; & quamquam multa moveant , & progressus animo respondentes identidem iis obveniant , exitum infortunatum habeant , ut in Bruto , Catone minore , ac Dione Plutarchi licet animadvertere .

XV. Nam Dion, cum virtus & fortuna in ejus potestatem redeissent Heraclidem, qui statum civitatis corruptum fovebat, impediēbatque, mulcenda plebe licentiæ blandimentis, libertatem æquis temperatam astrictamque legibus, emisit assentatorem populi, corruptoremque nervorum legitimæ potestatis, e manibus; intempestive philosophatus, ubi res non excelsa & magnifica, sed cauta & salubria consilia postulabat. Dum enim ab amicis monebatur, ne parceret improbis ac malignis, sed plectendos militibus permetteret, extirparetque popularem ambitionem, æque Reipublicæ perniciosam, atque tyrannidem; duces, inquit, alios in armis & bello meditationis ponere consuevisse plurimum, sese vero in Academia multum in id incubuisse, studii que contulisse plurimum, ut invidiam & æmulationem vinceret; ejusque victoriæ documentum esse, si sese non moderatum in amicos & bonos, sed placabilem injuriam inferentibus, & peccantibus lenem præbeat. Velle se non tam opibus & prudentia, quam clementia & justitia videri superatum Heraclidem; quippe veram in his excellentiam esse virtutis, bellicis contra in victoriis a fortuna partem eripi virtuti, sibi que vindicari maximam.

Non

Non decere , Dionem inurere virtuti maculam , si nequam Heraclides & infidelis ex livore sit . Nam etsi , justius esse pœnas expetere injuriæ , quam injuria provocare , lege definitum sit ; utrumque tamen ex eadem imbecillitate naturæ proficisci . Hominis improbitatem , etsi asperam , non esse tamen adeo morosam ac feram , ut mitescere viâta crebris beneficiis , & emendari nequeat . Sed umbratilem sapientiam , & ad eandem normam quod in privatis injuriis decorum est & civitati salutare , res plane dispares , exigentem exitus improbavit . Nam qui rerum infesto perturbatore civitatem opportuno tempore , civibusque probantibus , liberare potuerat ; ut is alieno magna cum offensione populi summoveatur , annuit . Quod ægre deinceps ac moleste ferens , tamquam vitæ rebusque gestis aspersam labem , sese Callippo familiari suo facile decipiendum , conjuratisque opprimendum exhibuit , oppressusque proditori Syracusas occupandi concessit locum .

XVI. Brutus autem , cum & doctrina præceptisque philosophiæ mores imbuisset ac roborasset , & motu negotiorum solidam excitasset ac lenem indolem , ad virtutem optime comparatus erat . Sed

eadem hanc , quæ Dionem , ad Remp. applicata non ex usu rerum sapientia nimis exquisita diversum abstulit a via , quam ingressus insistere debuisset. Nam cum omnes , qui consilii reipublicæ restituende participes erant , interfecto Cæsare , simul Antonium e medio tollendum arbitrarentur , improbum hominem dominandi cupidum , qui multum usu pollebat apud milites , & consularem dignitatem ad nativam audaciam ambitionemque tum temporis adjunctam obtinebat ; iis obstitit Brutus , Antoniumque servavit , tum iustitiam obtinens , tum autem mutationis spem. Neque enim fore desperabat , ut ambitiosus vir & gloriæ cupidus , allectus ab se virtutis æmulatione , ad libertatem patriæ conniteretur. Verum conjuratis hostem objecit gravem ac durum. Quare dominus mutatus est , sublato Cæsare , non extincta servitus ; quippe cum adversus Antonium erectus Octavius a senatu , libertatem , oppresso Antonio , funditus exturbarit , viribus , quæ adversus alienam potentiam ei commissæ fuerant , pro sua usus. Quare Tullius Attico (g) , ne Idus Martiæ

(g) Epist. 12. ad Attic. l. 14.

tia nihil præter lætitiā , & odii pœnam ac doloris dedissent , vereri sese , ait ; & (*b*) rem illam actam animo virili , consilio puerili ; nam regni hæredem relictum . Alia vero ad eundem epistola (*i*) , *Quæ quidem* , inquit , *nostris amicis divinis viris aditum ad cælum dederunt , libertatem populo Romano non dederunt* . Atque ad Brutum ipsum ita scribit (*k*) : *Magna pestis erat depulsa per vos ; magna populi Romani macula deleta , vobis vero parata divina gloria ; sed instrumentum regni delatum ad Lepidum & Antonium , quorum alter inconstantior , alter impurior , uterque pacem metuens inimicus otio* .

XVII. Cato demum , qui a prima ætate voce vultu lusibusque mores in omnibus inflexibiles infractiones stabiles præ se tulit , & ad omne genus virtutum afflatu quasi quodam raptus , iustitiam præsertim rigidam & inflexam ad benignitatem aut gratiam adamavit ; inque castris exiguum decus arbitratus explicare suam unius virtutem , nisi ceteros redderet sui similes , ob eamque rem non metum imperio detrahens , sed rationem adjiciens ,
quæ

(*b*) Epist. 21. (*i*) Epist. 14. (*k*) Epist. 15.

quæ doceret ac persuaderet , honore ac pœna comite ; milites eo compulit , ut sese præberent hostibus formidabiles , mansuetos sociis , timidos dedecoris , ad laudem acres. His moribus cum prodesse reipublicæ maxime vellet , enixeque contenderet , multa movens promovit nihil , instituta sequutus a ratione temporum abhorrentia ; quippe cum inflexa severitas , ubi vi corruptelisque geruntur omnia , non intempestiva modo , sed & odiosa sit , eorumque robur ac vires augeat , quos infringere instituit , obistendo machinis a cupiditate , quæ in civitate dominatum occupavit , dissentaneis . Quare culpat eum Tullius , quod cum Respublica Catonem desideraret consulem , in gravitate maluerit morum suorum dignitatem retinere , quam amplitudinem adipisci consulatus , ipse per se parum ad ambiendum appositus , eaque prohibens amicos facere , quibus multitudo capi ducique solet ; quippe cui certum erat & constitutum , aliorum gratia non immutare mores , neque remittere de severitate quidquam , ut cives ad utendum opera sua suisque consiliis alliceret . Quo factum est , ut neque Cæsaris impendentia libertati consilia , quæ longe antea prænuñciarat , impedire potuerit , inanes in senatu conciones oppo-

M

nens

nens factionibus potentium , & largitionibus , quibus erat corruptus populus ; neque Pompejo , cui ut rerum summa permetteretur , auctor senatui fuerat , usum , quem decebat , asserre ; quippe cum is Catoni fideret , unaque timeret . Nam victore sibi firmissimum omnium , victori præsentem non permissurum , ut rebus ad nutum uteretur ; sed arma ponere legibusque obsequi coacturum , prævidebat . Extincto Pompejo , cum ei deferretur imperium , idque non tempora modo , sed & militum studia postularent , & Scipionis temeritas & pervicacia faciendum esse persuadere debuisset ; negavit convulsurum se leges , quarum causa convellentem oppugnarent , neque se prætorem præsentem proconsule imperaturum . Quod eventus docuit inconsulte factum , & antea prudentia salutisque publicæ ratio , ne fieret , prohibebant : nam intelligi facile poterat , neque recte bellum administraturum eum ; neque , si præter spem successum habuisset , usum victoria moderate in cives , quibus jam tam graviter & superbe minitaretur . Rebus demum fractis , cum non tam suas maculaturus , quam Cæsaris laudes illustraturus esset , si a Cæsare tulisset incolumitatem accipere ; fœdum putavit , ab hoste salutem expectare , a
quo

quo permanſiſſet inuictus ; immo victor ejus eſſet , nam ſeſe virtute ac juſtitia ſuperare , contra victum captumque Cæſarem , qui jam convictus eorum eſſet , quæ moliri ſeſe jamdudum in patriam inficiatus erat. Quare dum in res turbidas invehere ſapientiam intempeſtivam Cato conatus eſt , auxit eorum potentiam , qui rerum caſibus perturbatis ac temporum uti callide noverant ; uſumque virtutis , qui maximus eſſe potuiſſet , ſi virtutem prudenter ad mores hominum accommodaſſet , omnino ſuſtulit , ab ſeque diſſociavit eos ipſos , quibus favebat : quippe cum ipſe non hominibus , ſed hominum ſtudiis adverſaretur ; illi contra non ſtudia , ſed homines odio proſequerentur , quod immodica cupientes ab iis impediabantur. Ob eamque rem , cum omnia cupiditas adminiſtraret , exquiſita virtus æque omnibus impedimento erat , neque cum hominum conſiliis in civitate permiſceri componique poterat , niſi cupiditas & ſapientia , tamquam extrema duo frontibus adverſis inter ſe pugnantia , longa ſerie quaſi mediorum quorundam proportionalium a cupiditate ſenſim ad virtutem aſcendentium , inter ſe conciliatæ providenter atque colligatæ non invitæ forent.

XVIII. Quod ſi non adeo congeſtæ undique vi-

res a cupiditate valeant , ut integra & incorrupta consilia virtutis impediatur , & abrupta concidant , sed , in angustum adducta cupiditate , felicem virtus exitum habeat , impulsosque manifesto periculo , vel utilitatis opinione tempori communique constitutioni animorum accommodatæ , multos obsecundantes nacta sit ; raro tamen accidit , ut sese tueri diu , mansuraque dignitate & gratia florere queat . Nam cum utilitatem communem , quam spectat , ex præceptis sapientiæ definiat , eoque omnia dirigat , ut sapientiæ regnum in civitate communiat ; gravis est ea domina populo , qui dissimiles utilitates expetit . Quare colitur in periculis , ac tamdiu fautores habet , quamdiu metuendi causa permanet ; quippe , ut verbis utar Tullii (1) , *nescio quo modo facilius in timore benigni , quam in victoria grati reperimur* . At summa necessitate , facile deferi solet , objicique calumniantibus , quorum plus assentatrix populi multiplex ac versuta malitia , quam adversa populo virtus aperta simplex & sincera potest ; præsertim cum qui spectat honestum unum , is affectiones ,
quasi

(1) Epist. 15. ad Brutum .

quasi gestus animi , variare facile nequeat , & accommodare , quantum usus postulat , ad aliorum mores ; at severus ac rigidus immutabilem & in omni vitæ rerumque casu similem eundemque se præbeat. Quod Dionem , fecisse narrat Plutarchus (*m*). *De severitate in congressibus , & rigore adversus populum , nihil enitebatur detrabere vel relaxare , quamvis res ejus civilitatem requirerent , eumque Plato reprehenderet , eique scriberet , solitudinis pervicaciam contubernalem esse . Sed natura videbatur abhorruisse a comitate , & Syracusanos intendere laborasse nimis solutos ac delicatos .* Quocirca philosophi constantiam & multitudinis levitatem , res dissociabiles , adhibito nullo communi vinculo recusantes inter se consociare student. Quo fit , ut vir moribus integer , incorruptaque vita , etsi maxime dignus honoribus & potestate censeretur debeat , non undique tamen ad alliciendas hominum voluntates & continendas comparatus institutusque sit ; quippe qui non modo respuit auxilium , quod ab humanis affectibus , & bonis expeti solitis obtinere posset , si machinis a

M 3

na-

(*m*) In Vita Dionis.

natura datis uti vellet ; sed etiam , dum affectus improbat , & irrito conatu vel extirpare , vel ad obruffam virtutis exigere nimis accurate nititur , vim eorum obfiftentem auget , & armis ad erumpendum instruit . Quare cedat oportet iis , qui callide virtutis imagines , aut virtutis gradus , qui ferri poffint a multitudine , cum motibus animi , quibus ea ducitur , aliquo fœdere copulare fciunt , armisque populi populum adoriuntur ; & inefcatum commodis ei consentaneis , ipfum facilem , ac non modo non repugnantem ad incendendum , fed & ultro quafi feſe demittentem habent . Horum igitur honores tum populi voluntate pellecta , tum affectantium afſu vi roborata , diuturniores eſſe , quam undique proborum ſolent . Magis enim cum moribus honores deferentium , aut præripi permittentium , mores honoribus affectorum congruunt , cum varii ſint & multiplices , & inconfiantiam multitudinis imitentur .

CAPUT XII.

Quo consilio veterum philosophorum sententias de vita & moribus ex cujusque principiis ductas in septimo Ethicæ suæ libro exposuerit.

I. **S**ystemata veterum philosophorum de vita & moribus ex principiis apta cujusque propriis exposuimus, ne quæ dicta sunt a diversis re convenire putarentur, quia verbis congruunt; quod iis accidit in primis, qui ex consensu philosophorum quidpiam confirmandum suscipiunt, ut in magno Cudvortho videre licet: sed ex natura principiorum, ex quibus fluunt, definitus esset & circumscriptus sensus, qui variorum hominum effatis eisdem in speciem attribuendus sit. Nam Deum exempli causa sequi commune Stoicis erat ac Platonicis: ac si quis hæreat in cortice, facile existimabit, eundem esse finem ab utrisque propositum homini; verum si dispiciatur quod intus est, nihil esse dissimilius intelligetur, quam finem hominis Stoicum ac Platonicum. Nam Deum sequi Stoicis nihil erat aliud, quam ordini causarum indeclinabili non

adversari ; quodque necessario ferendum est , & ordo rerum invehit , ultro , constanter , alacri animo , sine perturbatione ferre . Platonici autem erat , prudentia iustitia sanctitate Deo similem effici , qui virtutem quidem non habet , at omni virtute longe præstat ; veri denique contemplatione , qua fit , ut rebus humanis altius euectus animus assidue versetur in eorum intelligentia , quæ mente dumtaxat attingi possunt . Qui cum ejusdem effati sensus tam inter se discrepent , mirum non est , si consecutaria ducta sint ex eo tam inter se dissimilia . Nam ex sensu Platónico sequitur , mentem hominis , etsi contendat quantum potest ut efficiatur Deo similis , numquam tamen ei sese exæquare posse : contra ex sensu Stoicorum elicitur , sapientem , ut ait Seneca (*a*) , gaudio plenum , hilarem , placidum , inconcussum cum Diis ex pari vivere ; nulla parte meliorem , ut ait Chrysippus apud Stobæum (*b*) , optabilior , angustior illam Iovis felicitatem hac humana esse ; Iovem , ut ait Sextius apud Senecam (*c*) , plus non posse , quam bonum virum ;

plu-

(*a*) Epist. 59. (*b*) In Eclog. Eth. (*c*) Epist. 73.

plura quidem Ioyem habere , quæ præstet , sed inter duos bonos , non esse meliorem , qui locupletior est. Quemadmodum ex duobus sapientibus , qui senior decessit , hunc non esse beatiorem eo , cuius intra paucos annos terminata virtus est ; sic Deum non vincere sapientem felicitate , quamquam ætate vincat. Immo vero quidpiam esse dicitur a Seneca (*d*), quo sapiens antecedit Deum : nam illum naturæ beneficio , non suo , sapientem esse ; quare magnam rem esse imbecillitatem habere hominis , securitatem Dei. Rursus id etiam esse , quo Deum sapiens antecedit , quod ille extra patientiam , hic supra patientiam malorum est. Quæ si conferantur cum Platonicis , non inopia modo , sed & inana sunt : in his vestigia videas animi tenebricosi ac turbulentis exhalationibus agitati ; videas in illis indicia mentis in puro sinceroque lumine constitutæ , quæ novit , ut ex doctrina Pythagoræ tradit Archytas (*e*), in eo differre a Deo virum bonum , quod ille non tantum sinceram & omnis humanæ perturbationis expertem virtutem habet , verum etiam tranquillam

& li.

(*d*) Epist. 53. (*e*) Apud Stobæum in Floril. Serm. 1. de Virtute.

& liberam virtutis facultatem pro factorum æternorum maiestate & magnificentia possidet ; homo vero non tantum pro conditione naturæ humanæ virtute minore fruitur , sed etiam ei sæpe neglectu bonorum , consuetudine , prava natura , causisque aliis aditus ad veri boni fastigium interclusus est.

II. Porro non modo , quæ vis effatis philosophorum pro varietate principiorum , e quibus nexa sunt , attribui debeat , e recensione systematum eruitur ; sed etiam manifestum fit , exhaustas esse a veteribus eas compositiones omnes , quas principia seu vera seu falsa morum rationis humanæ viribus inveniendæ seu fingendæ suppeditare possent. Nam cum in homine quæcumque sunt , ad mentem , ad sensus , ad animum , animique motus , ea referri necesse sit ; tum autem homo , vel per se , vel cum aliis consociatus spectari possit ; demum prospici vitæ hominis aut præsentis dumtaxat , aut etiam futuræ , si pars ejusdem nobilior interitura numquam existimetur , & antea vitæ respondere vitam ex æquo debere , quæ subsequutura sit , nihil horum relictum a philosophis intactum est. Nam alii mentem unice perficere studuerunt ; alii sensuum voluptatibus providere ; alii
ani-

animi seu firmitati seu tranquillitati consulere , animique motus seu componere , seu prorsus evel-
lere ; alii sic ab suis ad communia transferre
quemque , ut non aliam ob rem de se sollicitus
esse sineretur , quam ut societatis utilitatibus &
commodis aptius inservire posset ; alii abs rebus
communibus avocare quemque ad suas , ut non
aliam ob rem societatem colendam , aut non tur-
bandam ei præciperetur , quam ut sibi tutius pa-
rare præsidium posset , ac vita securiore frui . De-
mum alii eo referre omnia , ut ex suo quisque
sensu bene beateque vitam agerent , perinde ac si
nihil ultra metuendum aut sperandum esset ; alii ,
qui suere paucissimi , eo collineare præceptiones
suas incorruptas expeditasque , ut animus ex di-
verforio corporis defæcatus agilisque traduceretur
ad mundum intelligibilem , qui natale solum ac
domicilium sempiternum animorum est . Quare
nihil aliud posterorum curis & cogitationibus re-
liquerunt , quam ut ab se propositorum systema-
tum , quod quisque ceteris anteferendum , inge-
nioque suo sive sincero , sive præjudiciis infecto
magis accommodatum arbitraretur , id sibi perpo-
liendum , recoquendum , novisque coloribus exor-
nandum sumeret .

III. Ac Saphtesburius quidem illud ex antiquo penu prompsit & excoluit, quod hominem ad hominum conjunctionem dirigit, ac nullam agnoscit virtutem, quæ non referatur ad societatem; nec quidquam esse concedit natura jucundum ac bonum, quam quod ex conscientia animi præclare de societate meriti proficiscatur. Quæ dum ingeniose persequitur, etsi nonnumquam veri transgrediatur ac rationis orbitam, ut ii solent, qui feruntur in extremis, ante oculos habuisse censendus est eximium Hippodami Pythagorei (f) locum, qui nobis a Stobæo conservatus est (g). *Cum sit homo societatis pars, perfectus sit, si non modo socium sese præbeat, sed & probum socium. Nam sunt quæ in pluribus, non in uno, fieri queant: sunt rursus quæ in uno tantum, non in pluribus; sunt demum, quæ tum in uno, tum in pluribus, ideoque in uno, quoniam & in pluribus. Nam concentus, numerus in pluribus locum habent; quippe cum horum pars nulla sit, qua totum effici possit. Visus auditusque præstantia tantum in uno est, at felicitas, animique virtus, &*
in

(f) Ex libro de Felicit. (g) Serm. 101. de Felicit.

in uno, & in pluribus, inque toto & universo cernitur; ideoque in uno, quoniam in pluribus; ideoque in pluribus, quoniam in toto & universo inest. Nam & uniuersæ naturæ perfectio singulas partes perficit; ac rursus perfectio singulorum totum & uniuersum explet. Id autem inde fit, quod natura prius est parte totum, non toto pars. Nam si mundus non sit, neque sol, neque luna, neque stellæ vagæ inerrantesque erunt. Sunt autem singula, quia mundus est. Porro ut se totum ad partes, sic virtus totius ad partis virtutem habet. Siquidem sine sanitate animantis neque pes neque manus roboris esse potest ac valetudinis particeps. Partes autem totius referuntur ad totum singulæ. Nam & oculi cernunt causâ corporis, & partes reliquæ totius atque uniuersi causâ constitutæ sunt.

IV. Ex hisce fundamentis Saphtesburius excitat doctrinam suam. Nam libro primo (*b*) præstruit, ex ipsa natura singulorum hominum elucescere, non esse quemque totum aliquid absolutum & expletum, sed partem systematis sui generis; systemata minora partes amplioris; ampliora denique par-

(*b*) Disquisit. in Virtutem part. 2. sect. 2.

partes amplissimi & universi. Ordinem postulare , ut systema alterum alteri subserviat , & in unoquoque systemate sive genere singula quidpiam ad incolumitatem generis conferant ; in eoque tum ipsorum generum , tum singulorum in unoquoque genere bonitatem esse constitutam. Quamobrem in hominum generis systemate id natura bonum esse dicendum , quod societati prodest ; tumque secundum naturam constitutum esse animum , cum sic affectus est , ut ad bonum systematis , quod continetur , ultro deferatur , & abhorreat ab iis , quæ nocere possunt. Virtute vero præditum appellari , si bono communi consulat non modo naturali affectione ductus , sed allectus etiam ipsa rei pulchritudine , quæ mente ac ratione percipitur. Nam in natura , quæ generalium capax notionum est , non modo res externas , quæ sensibus obversantur , sed facta etiam ac studia , quæ spectant ad humanitatem , benignitatem , gratum animum , cum sese menti sistunt , & intelligenda offerunt , eandem sibi conciliare , ac sensu novo afficere ; eoque sensu reflexo intercedente fieri , ut erga ipsa studia excitetur novum studii genus , eaque diligantur. Demum rebus intelligentia percipiendis id omnino , quod rebus sensu attingendis , obvenire.

Nam

Nam ut harum figuræ , motus , colores , partium compositiones , cum sese per oculos in animum inferunt apte inter se temperatæ , pulchritudinis in animo sensum excitant , animumque delectant oblata specie ; sic iuste benigne comiterque facta venustatem quamdam intelligentiæ spectandam exhibere , quæ oritur ex consensione iustitiæ , benignitatis , comitatis cum universa natura hominum . Quapropter insignitam in animo sui notam imprimere , neque pati eum indifferentem esse , sed sibi benevolum aut invenire aut efficere ; ut nullo modo non probari , non diligi , non affici honore possint , si sanus animus ac sincerus sit . Quæ de rerum intelligibilium pulchritudine dicta sunt hactenus , ex Plotini libro de pulchritudine præsertim hausta sunt omnia . Cum igitur virtus sit animi affectio , qua fit , ut animi propensiones , consilia , studia cum bono communi congruant ; nihil fore a virtute alienius , quam amorem cuiusque sui , quo fit , ut a societate abductus quis ad se omnia referat . Quamobrem ita suis commodis servire , ut ex his quid ad ceteros perventurum sit , omnino negligatur , hominis esse a natura abhorrentis , & in systemate , cuius pars est , incommode perversequæ constituti . Nam , qui id faciat , perinde fa-

facere, ac si membrum corporis aliorum incolumitati necessarium suum iis officium denegat; quippe cum non minus homini a natura attributum sit ad dictumque boni communis studium, quam concoquere stomacho delapsos ex ore cibos, glandulis excernere succos varios, pulmonibus aerem ducere ac reddere.

V. His constitutis auctor deinceps in eo totus est, ut ostendat, quo tandem pacto tum affectiones, quæ vergunt ad commune bonum, tum quæ bono cujusque prospiciunt, apte inter se componi debeant, ne nimis illæ infirmæ ac debiles, hæ contra nimis vehementes sint. Nam aliis consilere recte posse neminem, qui sese prorsus negligat; iccirco vero de se cuique curam habendam, ut ceteris utilis esse queat. Demum eum infelicem esse, qui studeat uni sibi, suæque voluptati præsidium undique comparet; hominisque felicitatem in eo versari, ut optime de omnibus mendi studio incensus sit. Nam cum voluptates animi puriores ac diuturniores sint corporis voluptatibus, eas ex benigne juste fortiterque factis uberioribus amplioresque percipi. Non enim solum ex animi recte constituti conscientia fundi, sed etiam ex prædicatione communi bonorumque omnium approbatione ac laudibus augeri multiplicatas.

CA.

CAPUT XIII.

Philebi, Platonis Dialogi, qui de voluptate est, Epitome.

I. **L** Ibrum Ethicorum decimum explicaturo, qui de voluptate ac vita beata est, nihil se mihi potius objecit, a quo rem auspicer, quam eximia Platonis & elaborata summa industria disputatione, quæ de voluptate ac summo bono inscribi solet. Hujus enim objecta menti comprehensa paucis & continuata series id utilitatis afferre potest, ut in uno conspectu posita multa videri possint; & qua ratione rerum abditarum investigatio institui oporteat; quam incertæ confusæque sententiæ de voluptate fuerint, antequam ejus a Platone formæ variæ ac multiplices evolverentur; & quæ natura voluptatis universæ sit, quæ sint ejus species, quam dissimilem ortum habeant, & in bonorum systemate qui tributus a natura sit cuique gradus.

II. In Dialogo, qui Philebus inscribitur, res est Socrati cum Philebo adolescente cupiditatibus implicito sensuum ambitu circumscriptis, & e

N

scho-

schola sophistarum emissio Protarcho, qui more sectæ, qua fuerat institutus, inscius elementorum, ex quibus apta rei definitio efficitur, magis errore mentis, quam animi perversitate, a vero & bono abducebatur. Ac cum in quæstione de voluptate cupiditatis æstus inquirendæ veritati pertinacius obstitit quam inscientia, propterea Plato, misso Philebo, qui contendebat obstinato affirmatoque animo voluptatem summum animantibus omnibus esse bonum, eamque opinionem ab se umquam extorqueri posse pernegabat, disputantem inducit Socratem cum Protarcho, qui continuationem ordinemque notionum a Socrate propositarum sequi constantius & incorruptius æstimare poterat; quippe qui magis inopia principiorum, quam ulla corrupta cupiditate, a recta veraque sententia distinebatur. Qua in re se maxime prodit exquisita prudentia, qua vario delectu personarum uti Plato solet pro varia Socrati objecta differendi causa. Cum enim in actum educat Socratem, ut opiniones aut evellat insitas, aut novas inferat; aut reflectat devios, aut arrogantes reprimat, aut ingenuos exciter ad sapientiam; aut sapientiæ recludat abditos ac remotos ab intelligentia populari sensus; eapropter urbano sapientique seni non omne

omne hominum , quibuscum fermocinetur , obicit indiscriminatim genus ; sed , observata decori lege , liberales adolescentes , aut viros graves , aut pervicaces elatosque disputatores , aut ex horum ludo profectos & inaniis imbutos juvenes , aut bonorum usu receptorum illecebris allestos abductosque homines. Quo fit , ut quod est in dramate præcipuum , sententiarum atque dictorum convenientia , rerumque in scenam afferendarum ad affectiones animi personarum accommodatio , nullo in poeta , quam in Platone , pulchrius accuratiusque sese visendam offerat.

III. Cum itaque controversia de voluptate duplex impedimentum in Philebo nancisceretur , quorum alterum inscitia mentis , alterum impotentia animi objiciebatur ; iccirco sermonis , qui antea cum Philebo habitus a Platone innuitur , is exitus fuit , ut opinioni quisque suæ mordicus adhereret , ac Philebus gaudium , voluptatem , oblectationem ; & quæ sunt hujus generis , extremum bonorum esse præfracte contenderet ; Socrati vero sapere , intelligere , meminisse , & , quæ sunt his cognata , recta opinio , & ratiocinationes veræ voluptate meliores iis omnibus , qui harum participes esse possunt , eisdemque maximas

utilitates afferre videri pergerent. Quare Protarcho assumpto, eoque certamen non detrectante, Socrates, qui eo nitebatur, ut certi quidpiam definiret de bonorum gradibus, & voluptatem eo contentam esse gradu cogeret, quam ipsi natura non opinio cæca tribueret; iccirco quid uterque sibi propositum esse velit in disputando quærit, & assentientem Protarchum habet, id utrique propositum esse consilium, ut eam affectionem animi proferre conetur, quæ tribuere possit hominibus æque omnibus vitam beatam. Atque cum affectionem hanc esse τὴν χαίρειν Protarchi secta contenderet, Socrates autem esse τὴν ὀρεσθῆν affirmasset antea generatim, ubi res minus accuratam definitionem postulabat, quippe voluptati de gradu summo deijiciendæ satis erat si voluptate præstantius quidpiam ostenderetur; modo Socrates, cui rem universam complecti constitutum est, huc animum intentum habens, ea lege communi consensu pugnandum ait, ut si qua affectio præstantior utraque comperta fuerit, confiteatur uterque depelli se quidem a felicitate, quam ille in voluptate, ipse in sapientia positam opinantur; at si affectio, quæ se dedit in conspectum, voluptati cognatior appareat, a volupta
pta

ptate sapientiam superari ; sin sapientiæ , vinci a sapientia voluptatem .

IV. Præstitutis his , quæ disputationis limites & progressum constituunt & adumbrant , ex interiore natura voluptatis efficitur a Socrate , voluptatem abesse longius a boni finibus . Itaque voluptatem esse varium quiddam & multiplex ; ac licet unum quid esse videatur , si nomen spectetur , re tamen formas habere omnigenas , & contrarias inter se quodammodo : quippe cum temperans & intemperans , sapiens & insipiens affici voluptate vulgo dicantur , quæ plane dissimilis est in affectione animi plane dissimili .

V. Quæ cum facile disturbari posse Protarchus existimaret , si reponeret , non voluptates inter se , sed res , ex quibus existunt , esse contrarias ; nihil enim esse voluptate voluptati similis ; ea contendendi causa posse , respondet Socrates , neque colorem esse colori , nec figuræ figuram dissimilem . Verum etsi color omnis omnisque figura sint unum genere , tamen partes subiectas generi alias contrarias , alias plane diversas esse . Voluptates autem voluptatibus esse contrarias , ex eo patere , quod aliæ bonæ sint , aliæ contra malæ . Regente vero Protarcho , numquam ab illo concedi

id posse, qui voluptatem esse bonum statuatur, neque voluptates inter se dissimiles esse, quatenus voluptates; instat Socrates, ea ratione concludi omnia posse, tametsi maxime repugnantia, si dissimillimum dissimillimo simillimum esse concedatur. Nam ab se, qui statuerat initio sapientiam & intelligentiam esse bonum ei, qui scientias & multas & dissimiles & contrarias asserat, æquo jure responderi posse, non esse scientiæ scientiam dissimilem; eamque viam evadendi prorsus imperiti stultique ratiocinatoris ab eo, qui contra sentiret, existimatum iri. Quare partium esse deponendum ab utroque studium, neque contendendum, ut sive jure sive injuria quæ sentiet alteruter, ea primas teneant; sed ei, quod verissimum sit, ab utroque collatis viribus auxilium opemque ferri oportere.

VI. Missa itaque velitatione, quæ sophisticæ scholæ discipuli turbavit imperitiam, ostenditque, nihil ab eo sani expectari solidique posse, qui nulla notione certa & ordinata imbutus ab se responderi apte putat, si confusi quidpiam obtrudat magis ad inanem ostentationem ac fucum faciendum imperitis, quam ad rem evolvendam accommodatum; idearum doctrinam, quæ fons est incor-

corruptæ germanæque scientiæ, Socrates aggreditur, ut quæ de bono bonique gradibus dicenda sunt, ea duce persequatur & inueniat. Quæ cum doctrina prorsus hospes esset inter vulgares philosophos, neque paratos instructosque animos ad intelligendam vim suam omnem nancisci posset; obiecta proponitur a Socrate forma illa & specie, quæ tametsi pugnare secum ipsa videatur, tamen postquam in Eleatica schola prodiisset, doctorum circulos pervagata erat, exedrisque sæpe confederat. Ait enim, esse mutuo consensu firmandum sermonem, qui turbare consuevit homines, asseritque, unum multa esse, & multa unum. Protarchus cum usu protrita vulgares inter philosophos ea de re disceptantes obtrudi repetique arbitraretur, & eo sensu dici, quo compositum quidpiam unum dicitur, si totum ipsum; & multa si partes, quibus constat, in censum veniant, quæ tamquam puerilia, salebrasque disputanti creantia, prorsus abjicienda ferebantur & obsoleverant; inconsideratam Socrates & alienam abs re Protarchi notionem corrigens ait, unum illud, de quo sermo ab se institutus est, non esse querendum inter composita, quæ oriuntur & intereunt, verum de uno illo intelligendum esse, quo

dicitur unus homo, pulchrum unum, unumque bonum. Qua in re primo quæri oportere, num esse revera quasdam τοιούτους μονάδας existimandum sit: secundo quo pacto singulæ una sint eademque semper, experique ortus & interitus, ac simul unum id, quod firmum & constans est, aliisque firmitatem atque stabilitatem tribuit: postremo num in iis, quæ gignuntur & infinita sunt, divisa & facta ex una multiplex, an tota seorsum in singulis ponenda sit; quod abhorrere maxime videtur a populari sensu, idem nimirum & unum in uno simul & multis esse.

VII. Quia vero non omnis explicanda natura tunc idearum erat, sed id solum, quod ad earum usum in pervestiganda veritate pertinebat; ideo subsistit in primo capite, reque ipsa formas esse quasdam & species ostendit, in quas intueri mens debeat. Vnum igitur & multa, sua singula ratione genita, pervagari omnia, de quibus internus externusve sermo instituitur; idque neque nunc incepisse, neque desitutum umquam; sed insitam quamdam ac numquam senescentem rationum harum affectionem & impressionem in nobis esse; quam qui gustarit adolescens, tamquam sapientiæ thesaurum nactus, præ voluptate gessit,

ac

ac modo diuerſa congerit in unum quiddam, modo unum evolvit & in partes tribuit. Vnam hanc eſſe veritatis aſſequendæ viam, quam explicare quidem non admodum difficile ſit, uſu vero pertractare difficillimum; ejuſque beneficio comper- tum eſſe quidquid arti cognatum hæcenus umquam fuit. A diis eſſe datam & impertitam, & a priſcis hominibus, qui diis propiores erant, ad poſteros tranſmiſſam prædicantibus ex uno & multis eſſe, quæ ſemper eſſe dicuntur, inque ſemetiſſis inſitum habere finitum & infinitum. Quæ cum ita ordinata ſint, ipſe per ſemetipſum legem ſtatuit, quæ Platonice diſciplinæ fundamentum eſt, jubetque ſemper in omni re perveſtigandam unam ideam, quæ numquam inveſtigantem fugiet ac latebit. Vna comperta, quærendas eſſe porro duas, tres, aut certum alium quemdam numerum; & quod in hiſ ſingulis unum eſt, eſſe ſimiliter dividendum, quouſque intelligatur, non modo unum initio poſitum, unum & multa & infinita eſſe, verum etiam quot & qualia multa ejuſmodi & infinita ſint: neque ideam infiniti prius adjungendam ad multitudinem eſſe, quam inter unum & infinitum interjectus numerus multitudinis exploratus ſit. Quo explorato, tum demum unum, quod

quod est in omnibus , in infinitum abire sinendum atque dimittendum esse , secus atque sophistarum mos erat , qui sapientes haberi vulgo cœperant . Nam unum temere ponebant , & multa citius aut tardius quam par erat , & post unum infinita continuo statuebant , mediis prætermis-
sum genus est universale primumque unum ; ei subiectæ species , interjecta multitudo sunt inter unum & infinitum ; individua singularia , quorum nullus est certus numerus , infinita sunt , ad quæ cum deventum est , tum demum inquisitio conquiescit . Quod eo recidit , ut summum ac primum genus , eique subiectæ species , quæ naturam unius referunt , ac , nisi rite definitæ sint , neque definitio neque divisio prorsus obtineri possunt , definiantur : hujusque rationis & viz luculentum a Platone exemplum in Politico allatum est ; cum is dialogus in eo maxime versetur , ut artium atque scientiarum series explicata oculis exhibeatur . Hic autem indicatur ea res exemplo sonorum , & corporis motuum . Vox enim una simul & infinita est , ejusque sonum gravem , acutum , & æquitonum qui non distinguat , etiam musicæ prorsus imperitus sit , non iccirco tamen peritus est qui tantum id noverit . At peritus erit
qui

qui perceperit , quot & qualia sint intervalla vocis , & intervallorum terminos , & systematum numerum , quæ ex intervallis fiunt ; inque gestibus corporis inditas affectiones alias ejusmodi , quæ numeris demensæ rhythmī & metra appellatæ sunt . Has investigari agnoscique debere : secus enim infinitum singulorum , & in singulis multitudo hominem efficit intelligendi , ratiocinandi , numerandique imperitum , quippe qui mente nulla in re certum ullum numerum affecutus sit . Sicut autem , objecto uno , non continuo respiciendum est ad infiniti naturam , sed ad numerum aliquem ; ita si contra initio oblatum infinitum est , non in unum continuo , sed in aliquem numerum , qui multitudinem aliquam habeat , intendenda mens , eoque perspecto , tum esse ex omnibus in unum demum definendum ; ut is fecit , qui primus , si-ve homo si-ve Deus quis , in voce infinita litteras vocales , liquidas , mutas distinxit ; singularum numerum definivit , omnesque & singulas communi vocabulo elementa appellavit : & cum videret , ne unum quidem ipsum per se percepturum quemquam , qui non omnia perciperet , arti , quæ una omnia complecteretur , Grammaticæ nomen indidit .

VIII. Cum , ea quorsum evaderent , Philebus

a So-

a Socrate quæreret , & quid ad rem propositam faceret , jamdiu ab se & Protarcho expectari diceret ; imperitiam utriusque Socrates occulte carpens , ab utroque respondet id jam tum quærendum esse , cum disputationis initio de voluptate & prudentia sermo institutus , & utra esset eligenda peruestigari cœptum est. Nam cum unum quiddam esse utraque diceretur , investigari continuo debuisse , quo pacto unum esset & multa simul utraque ; & quo pacto non infinita continuo ponenda sint , sed numero aliquo certo comprehendenda , antequam in infinitum abeuntia dimittantur.

IX. Protarchus nunc demum intelligens , esse quæstioni primæ secundam implicitam , ideoque rem magnæ indaginis esse , quam antea facilem & expeditam arbitrabatur , quærendum enim esse , num voluptatis & prudentiæ species plures sint , tum quot & quales ; iccirco neque se respondendo parem futurum prospicit , neque ab alterutro non responderi probro vacare putat. Itaque rogat Socratem , ut , abjecto interrogandi respondendique more , sermone non abrupto plane explicet , quid in rebus humanis optimum sit. Neque enim esse disputationis institutæ finem dubitationum laqueis audientes involvere , quem Socratis esse morem

rem ait interrogationes cumulantis , quibus interrogati sunt respondendo impares. Eorum enim in censu sese collocat , qui suam agnoscunt imbecillitatem , quo nihil est a sophistarum vanitate remotius , neque ad discendum aptius. Quare pulchrum ait esse cordato viro nosse omnia ; secundam autem esse navigationem si quis non ignoret semetipsum.

X. Socrates igitur , discendi cupidum & aptum ad discendum auditorem nactus , rem non ut ante refutandi causa principiis obliquis usus turbat , sed ex directis explicat , universamque referat. Proponit initio neque voluptatem , ut Protarchus & Philebus contendebant ; neque prudentiam , quam ipse turbaturus utrumque voluptati opponebat ; sed aliud quiddam , & utraque melius esse summum bonum. Quod ut evinci possit , assentiente Protarcho , statuit , boni conditionem esse perfectissimam absolutissimamque omnium , ipsumque bonum satis esse sibi metipso ; quo fit , ut qui norit ipsum , invictè expetat , & quæ nihil ad illud explendum conferant , omnino negligat. Quo ex loco patet , Socratem Platonis , aut ipsum Platonem ea specie tectum , induci non semper Scepticum , sed & aliquando Dogmaticum. Nam Tullius , etsi asserat Platonis in libris nihil
af.

affirmari (*a*), & in utramque partem multa differi, de omnibus quæri, neque certi afferri quidquam; alibi tamen cum ait (*b*) reliquisse perfectissimam disciplinam, Peripateticos & Academicos, nominibus differentes, re congruentes. Quæ prima fronte pugnancia conciliandi viam Varburtonus (*c*) expeditam obtulit: duplicem enim in Platone personam esse spectandam ait; nam considerandum esse tamquam Socratis discipulum, & Xenocratis Aristotelisque magistrum, & veteris Academix conditorem. Discipulum Socratis esse scepticum, Academix vero conditorem esse dogmaticum; cum Tullius ipse nihil inter Peripateticos & Academiam illam veterem differre doceat. Ex ea duplici persona non animadversa fluxisse vir doctus ait, ut & veteres in definiendo charactere Platonis abierint in diversa; cum, ut est apud Laertium (*d*) & Empyricum (*e*), eum alii Dogmaticis, alii Scepticis adnumerarent; & recentibus in explicando Tullio aqua hæserit. Immo res eo adducta fuit, ut, nisi depravaretur

emen-

(*a*) Academic. Question. lib. 1. (*b*) Ibidem l. 2.

(*c*) In Divina Mosis Legation. l. 3. sect. 3.

(*d*) Lib. 3. segm. 51. (*e*) Lib. 1. c. 33.

emendatione falsa quod optime scriptum est , intelligi , sanumque sensum habere non posse , existimatum sit. Ad illud enim in Officiis (f), *Nostra legens non multum a Peripateticis dissidentia* , quoniam utrique & Socratici & Platonici esse volumus , observat Grævius : *Qui dicere potest , se utrumque esse voluisse Platicum & Socraticum , perinde est ac si scripsisset , utrumque se velle esse , Peripateticum & Aristotelicum.* Quæ cum absurda sint , esse Stoicos a Socraticis deturbatos restituendos , persuasum illi est. At Plato non alienus modo , sed & suus est. Dum personam agit alienam , nihil affirmat ipse , refutat alios ; dum suam , aperte docet ac decernit.

XI. Ea natura constituta boni , quasi signo quo collineandum est , primo seorsum voluptariam , tum prudentem expendit vitam , ut aperte perspiciatur , in neutra boni conditiones antea positas inveniri. Atque vitam voluptariam omni prudentia destitutam examinans ostendit , nullo genere maximarum voluptatum humani animi appetendi vim exæquari , sed expetenda multa super-

(f) Lib. 1. sub init.

pereffe , quibus ablatis ne voluptas quidem omnino percipi potest. Superesse cupiditatem intelligendi , ratiocinandi , atque his affinium , aut omnino perspicendi quidpiam . Quæ cum non concederet Protarchus , quippe cum habeat omnia qui voluptatem habet ; id evincit ex eo Socrates , quod ipsa voluptas iis adjumentis egeat , earumque necessario desideret. Nam qui mente caret , ignoret oportere ipsum hoc , an gaudeat. Qui memoria destitutus est , ei necessario obventurum , ut neque recordetur , an umquam antea voluptatem ullam ceperit ; atque , si qua præsens adsit , eam adfuisse e vestigio recordaturus sit. Qui rectæ opinionis atque ratiocinationis expertus est , eum nequo opinari gaudere se dum gaudet , neque conjectura assequi posse quo pacto deinceps gavisurus sit. Quæ profecto vita non hominis esse , sed ostreorum , a Protarcho. sponte conceditur. Quod voluptati accidit , ut ipsa sibi non sufficiat , ablata mente ac prudentia , id evenire menti ac prudentiæ , dempta voluptate , paucis efficit. Neque enim quemquam eam vitam optaturum , quæ cum rerum omnium scientiam ac memoriam in potestate habeat , ab omni undique voluptate disjuncta sit. Si neutrum vitæ genus seorsum ab al-

te-

tero vitam beatam explet , proximum erit , ut expendatur , an ex utroque mixta media quædam id præstare possit ; & mens ne cognatior ac similior quam voluptas ei sit , quod vitam mixtam expetendam ac bonam efficit .

XII. Vt autem ratio mixtionis eniteat , eorum , quæ sunt in universo , aliud infinitum , aliud finitum , aliud ex utroque commixtum ait . Quartum autem genus addendum esse , quo causa commixtionis mutæ continetur . Ac finitum & infinitum in multa divulsum ac dispersum esse , quæ rursus ad unum adducenda sunt ; ut frigidius atque calidius infinita esse . Nam magis aut minus , dum in iis inest , ea finem habere nullo pacto finit . Quod vehementer ac remisse pronunciatur eandem habere vim , quam magis & minus habent , nam ubi sunt , haud sinunt esse quantum unumquodque : nam si non delerent quantum , sed ipsum atque moderatum enasci sinerent in ea sede , quam occupant ; ista e regione , in qua inerant , extemplo diffugerent , quippe quæ , suscepto quanto , neque calidiora esse , neque frigidiora , neque vehementiora , neque remissiora possent . Non enim consistit umquam , sed usque progreditur calidius atque frigidius ; quantum au-

O

tem

tem perstat & progredi desit. Quidquid itaque magis & minus suscipit, calidius, frigidius, siccus, humidius, tardius, velocius, majus, minus, ad infiniti genus, tamquam ad unum, esse redigenda omnia. Quæ vero contraria suscipiunt, ut æquale & æqualitatem, tum autem duplum, & quæ referuntur ad se invicem, ut numerus ad numerum, & mensura ad mensuram, omnia finiti genere contineri. Ad finiti naturam pertinere pariter æqualis ac dupli sobolem, & quæcumque perficiendi vim habent, ut inter se pugnare contraria desinant; ipsaque reddens dimensa & consona numerum efficit. Ex progenie finiti cum infiniti natura permixta γένεσις oriri multiplices; quippe cum utriusque recta inter se communitio in morbis sanitatem, in tardo ac celeri, acuto & gravi infinitis, indita finiti natura, perfectionem omnem harmonicam; in calore & frigore, sublato nimio, mensuram & commensum pariet. Ex eadem apta permixtione temperiem anni, pulchra demum omnia, conjunctum cum sanitate robur in corpore, virtutes in animo ingenerari; petulantia siquidem universaque improbitas, quibus voluptatis nullus inest expletionisque terminus, a natura finiti modum & ordinem

nem

nem terminumque habent , quo non infici & extenuari , ut aiebat Philebus , sed expoliri feruarique voluptatem asserit. Cum hæc a Protarcho sic intelligerentur , ut aliquid in iis , quæ tertio generi subijcienda sint , relinqueretur scrupuli , rem paucis expediens Socrates generatim ait , progeniem omnem , quæ referatur ad genus tertium , esse γένεσιν εἰς ὁμοίαν *generationem in essentiam* , seu quidquid ita gignitur , ut naturam certam habeat ex mensuris termino definitis. Quæ vero gignuntur , ab aliqua causa gigni necessario debere omnia , & unum idemque esse causam , & quod efficiens est , etsi nomine discrepent. Porro causam esse naturam priorem eo , quod efficitur , & causæ servit εἰς γένεσιν. Quare tribus positis , nimirum iis , quæ gignuntur , & iis , ex quibus gignuntur omnia , quartum esse ponendum opificem universorum . Itaque genus primum esse ἀπρόπυον ; secundum πέρας ; tertium ὁμοίαν , quæ gignitur ex duobus ; quartum mixtionis & generationis αἰτίαν. His enucleatis , expeditum & facile intellectu est , vitam ex voluptate & sapientia mixtam , quæ utrique simpliciter anteferenda visa jam erat , partem esse tertii generis ; mixtam enim ex infinitis omnibus esse termino colligatis ; nam voluptas plus

ac minus suscipit: immo Philebus id esse necessario sibi concedendum ait, quippe cum voluptas esse non posset omne bonum, nisi multitudine simul & intentione infinita suapte natura esset; quare infiniti genere continetur. Sapientiam autem ac mentem in quo genere poni oporteret, cum Philebus ignoraret, & Protarchus respondere non auderet; ut id ostendat Socrates, assentiente Protarcho, statuit a majoribus esse vere pronunciatum, universum hoc administrari non experte rationis aliqua potestate, sed mente quadam & sapientia admirabili ordinatum regi; dignamque sole, luna, sideribus, eorumque motibus, ejus esse sententiam, qui asserat, exornari a mente omnia. Atque ut cujusque corpus decerptum est ex mundi corpore, quo continentur elementa sincera magis & incorrupta; sic mentem esse progeniem causæ, quæ peperit & continet omnia: quo fit, ut in quo genere ponenda sit, a Protarcho dubitari nequeat; mentem enim esse causæ cognatam, ejusdemque pene cum ea generis; cum voluptas ex adverso infinita sit, ejusque generis, quod principio, medio, fine suapte natura caret.

XIII. Quia vero definienda natura voluptatis est, ex qua recte cum sapientia commixta vita

media efflorescat , varias voluptatis species enumerat & expendit , ut quæ vera , quæ pura , quæ sincera sit , ubi perspectum fuerit , in qua mixtione quæri bonum debeat , agnoscatur. Naturam itaque voluptatis & originem evoluturus expendit id primo genus , quod antecedentem dolorem sequitur , & seorsum a dolore satis examinari non posse dicitur . Nam harmonia soluta in animata specie , ex infinito ac termino mixta , dolor ; restituta vero , voluptas oritur ; ideoque naturæ corruptio , dolor ; regressus autem ad naturam , voluptas est. Genus alterum voluptatis ac doloris est animi proprium , affectionum ejusmodi expectatio jucunda quidem & animosa , quæ voluptaria ; tristis autem & formidolosa , quæ molesta antecedit. Affectio tertia quædam animantis est , cum neque corrumpitur in eo quidquam , neque restituitur , ideoque dolore pariter ac voluptate caret , qualis est ejus affectio , qui contemplationis vitam eligit. Genus autem voluptatum animi proprium omne memoria constare ait ; memoriam autem esse conservationem sensus , ac sensum motum esse , qui fit in passione communi corporis atque animi ; quippe corporis passiones aliæ prius extinguuntur , quam transfluant in animum ; aliæ

per utrumque diffusæ quamdam utrique concussionem inferunt. Ex memoria porro cupiditatem oriri; quo fit, ut eorum, quæ patitur, contrarium quid appetat qui vacuus & exhaustus est, nam impleri cupit. At id appetere non potest corpus, cum exhaustum sit, neque sibi metipsum contrarium esse possit. Reliquum est igitur, ut appetat animus intercedente memoria, quæ passionibus est contraria corporis; ob eamque rem animi proprius est omnis conatus & cupiditas. Rursum in vacuitatis & expletionis medio constitutum hominem dolere simul ac lætari; nam vacuum angere, lætari vero spe repletionis; sin autem desperet, oriri passionem circa dolores duplicem. Ex his efficit, voluptates ac molestias alias esse veras, alias falsas, quemadmodum timores, expectationes, opiniones aliarum veræ sunt, aliarum falsæ. Cui cum Protarchus assentiri detrectaret, cum ne dormientibus quidem neque furentibus accideret, ut lætari se credant, ac non lætentur; a Socrate multis eo adigitur, ut manus det. Nam ut qui opinatur aliquid, etsi revera quidpiam opinetur, falso tamen opinari potest; quia quemadmodum ut vera sit opinio, non opinio tantum, sed qualis quædam esse opinio debet, cum esse de

re

re una multæ variæque possint ; sic etiam si quis reapse gaudeat , gaudere falso potest , quia voluptas pariter , ut vera sit , esse debet qualis quædam ; cum magna , parva , remissa , vehemens esse possit ; cui si pravitas accedat , prava ut opinio , sic etiam voluptas erit . Atque cum sæpe voluptas ex opinione non vera , sed falsa nobis oriatur , esse falsa potest . Quod cum nondum Protarchus confiteri vellet , id extorquet ab eo Socrates , ut fateatur , interesse multum inter voluptates , quæ rectam opinionem ac scientiam , & voluptates , quæ falsam opinionem & inscitiam consequuntur . Porro cum ex sensu & memoria pendeat opinio , & ipsum opinari posse , sensus autem falli possit , & memoria rerum falsas imagines conservare ; neque solum id præsentibus ac præteritis , sed etiam futuris accadat , quippe picturæ animis imprimi possunt rerum etiam futurarum ; voluptates autem ipsius animi propriæ , voluptates corporis antecedant , cum is ob futura prægaudere queat ; ex his efficit Socrates , non minus voluptates , quam opiniones , esse posse falsas ; atque ut falso quis opinatur , cum id opinatur , quod neque fuit , neque umquam erit , sic falso lætari , cum quis ob ea lætatur , quæ nusquam aut fuerunt , aut sunt , aut erunt .

XIV. Præterea cum sine passionibus animi passione corpus occupari possit, interea dum quæ dicuntur cupiditates in nobis seorsum insunt, & animus appetat contrarium corporis habitum, corpus autem dolorem excipiat, ideoque voluptates ac dolores, & eorum sensus, quæ sunt contraria, simul convenient; tum autem voluptas ac dolor quod magis & quod minus est suscipiant; quod accidit in magnitudinibus, quæ coninus aut eminus aspiciuntur, ut oculi varia positio debeat veritatem, etiam in voluptate ac dolore accidit, si dolor cum dolore, voluptas cum voluptate, cum voluptate conferatur dolor; nam voluptas cum dolore collata major videtur, ac dolor cum voluptate minor. Quamobrem ea pars, quæ, cum non sit, apparet, apparere falso dicenda est, neque pars esse voluptatis ac molestiæ vera potest.

XV. Demum eo Socrates tandem evadit, ut occasione capta ex eorum sententia, qui rerum naturam optime callere crediti voluptates esse negabant, & quæ a Philebi affectis appellabantur voluptates, omnes esse effugia dolorum contendebant, atque tum gaudere se dicebant, cum omnis esset ablata dolendi causa; ostendat ex eo in depravatione tum animi tum corporis voluptates esse.

esse positas , quæ maximæ vehementissimæque censerî vulgo solent . Nam eas esse voluptates acriores , quarum acriores cupiditates sunt ; cupiditates autem acriores sunt ejus , quo magis quis indiget ; affecti vero morbis homines indigent magis ; quare non in sanitate , sed in morbo , constitutas esse voluptates vehementissimas & acerrimas , & ex voluptate ac dolore , vel æquali utroque , vel alterutro superante mixtas : quod ex iis probat , quæ in communibus corporis passionibus extrinsecus intrinsecusque miscentur , tum ex iis , quæ miscentur in animo , tum ex iis demum , quæ ipse in se ipso suscipit animus . Nam iram timorem desiderium æmulationem invidiam esse dolores quosdam animi , miris quibusdam voluptatibus implicitos : quem voluptatis ac doloris congressum in animo cum ipsæ tragœdiæ comœdiæque patefaciant , explicat in invidia fuisse Socrates , qua fit , ut non modo in fabulis , sed in universæ vitæ tragœdia comœdiaque voluptates doloribus immisceantur . Invidiam enim in amicis pariter habere locum . Quod ut evincat , animadvertit , esse commune malum inscitiam rerum suarum ac sui ; sibi que plus , quam deceat , opinione falsa arrogare homines in iis , quæ ad externa , ad corpus animique

do-

dotes pertinent. Atque si qui sibi plus arrogant, in his, quæ sibi arrogant, robusti sint; odiosos esse, cum proximis noxii sint, sin imbecilles, haberi & esse ridiculos. Nihil autem accidere crebrius in congressionibus hominum, quam amicos videre, qui cum imbecilli sint, sapientiæ pulchritudinisque sibi plus arrogant. Risum autem esse lætitiā, ignorantiam malum, lætitiā ex alieno malo ab invidia proficisci, quæ tristitia quædam est. Quare voluptatem ac dolorem inter se misceri in usu vitæ quotidiano.

XVI. Cum hætenus & animum sine corpore, & corpus sine animo, & utrumque simul in perturbationibus voluptatis ac doloris implicari posse demonstrarit Socrates, ad immixtas ac puras voluptates animum applicat. Neque enim voluptatem omnem esse dolorum sedationem, etsi pleræque videantur esse voluptates, neque sint; aliæ magnæ videantur & multæ, quæ mixtæ tristitiæ sunt & ingentium dolorum sedationibus. Puras autem voluptates esse, quæ capiuntur ex pulchris coloribus, figuris, sonis, & ex iis, in quibus defectus est quidem, sed non sentitur nec lædit; impletio vero suavis est, & sentitur, ac dolore vacat. Pulchra autem intelligit ea, quæ sunt sua-
pte

pte natura pulchra semper , ac voluptates inſitas & a motuum oblectationibus abhorrentes habent. Ad has adiungit voluptates diſciplinæ , quæ doloris expertes ſunt. Purum autem ac ſincrum quod appellat , a maximo & plurimo longe diſſerre monet. Quare voluptatem omnem ſeu magnam ſeu parvam , ſeu paucam ſeu multam , ſi dolore careat , ſuaviorem eſſe , veriorem , & pulchriorem , quemadmodum album illud eſt pulcherrimum , quod ita ſincrum eſt , ut nihil alterius coloris immixtum habeat.

XVII. Conſtitutis generibus voluptatis , ut in quo gradu bonorum collocanda ſit , definiri poſſit , eam eſſe voluptatis indolem , animadvertit Socrates , ut ejus generatio ſemper , eſſentia vero nunquam omnino ſit. Eſſentiam eſſe quod ipſum per ſe eſt , generationem autem ſemper quiddam aliud appetentem . Alterum ſemper eſſe propter aliud ; alterum id eſſe , cujus gratia ſit quod eſt propter aliud. Voluptatem igitur , cum generatio ſit , ad aliam referri , quam boni ſortem , oportere ; cum id ſit in boni ſorte poſitum , cujus gratia ſit quod eſt propter aliud. Præterea cum generatio corruptionem involvat , ab eo , qui amat quod gignitur ſemper ac nunquam eſt , expeti corruptionem ,

nem , non vitam illam tertiam , quæ lætitia quidem ac tristitia caret , at intelligentiæ compos est , quæ maxime pura ac sincera potest : & absurdum esse , cum nullibi , præterquam in animo , bonum sit , in eo voluptatem unam bonum existimare ; fortitudinem autem , temperantiam , intelligentiam , & alia , quæ bona sortitus est animus , e boni delere censu penitus ; hominemque voluptatis expertem , affectumque dolore , dum dolet , arbitrari malum , etsi sit optimus ; voluptatibus autem delinitum , quo gessit & furit magis , eo præstantiorem virtute dicere .

XVIII. Etsi vero scientia bono propior quam voluptas sit , in illa æque tamen ac in voluptate varios esse puritatis atque sinceritatis gradus . Nam artibus , quæ imaginatione , sensuum experientia , & exercitatione conjecturisque nituntur , ut obscuritatem plurimam , ita stabilitatem minimam admixtam esse . Numerandi contra , metiendi , ponderandique peritiam , ut evidentia , sic firmitatis habere plurimum . Numerandi artem intelligit non vulgarium , sed philosophorum ; nam a vulgari-
bus unitates inæquales adhiberi , eisque minima pariter & maxima designari . Quamquam autem veritate atque sinceritate maxime præstent aliis

ar-

artibus numerorum & mensurarum scientiæ , multæque facultates aliæ , quæ sunt harum comites ; tamen esse longe verissimam omnium cognitionem eam , quæ versatur in eo , quod est , & vere est , & semper eodem modo se habet ; quippe quæ non invitos sed volentes animos hominum sibi subiectos habet , & artium omnium optima est atque utilissima. Obstrepente Protarcho ex mente Gorgiæ , persuadendi facultatem artibus antecellere longe omnibus , id non agi nunc , reponit Socrates , ut statuatur , quid in artibus maximum optimum & utilissimum , sed quid perspicuum sincerum ac verissimum sit ; atque præstantiam utilitatis , aut in vulgus commendationis arti Gorgiæ concedi posse , veritatis autem excellentiam ei tribui oportere facultati , quæ sempiterna contemplatur , eamque vim explet animi , quæ ut natura sua veritatis amans est , sic ejus gratia cuncta movet & agit. Atque ut firmum purum verum sincerum vel est in eo , quod eodem semper modo se habet , estque simplicissimum , vel ei maxime cognatum est ; cetera vero omnia secunda censerī debent ; ita , quæ in eo versatur , intelligentiam , eximio mentis & sapientiæ nomine debere insigniri.

XIX. Investigatis expensisque voluptatis generibus & scientiæ, tum autem sinceritatis ac veritatis gradibus, quibus absunt a genere principe quæque suo partes utrique subiectæ generi dissimiles ac multiformes; reliquum erat, ut Socrates ad voluptatis & scientiæ mixtionem inter se congruentem, & mixti suiue primo conservatricem accederet. Quidquid enim ex disparatis coagmentatum sit, ob eamque rem insita principia dissolutionis habeat, cum permanere diu non possit, a natura boni longius abest, quam ut ejus esse progenies, ab eoque participare possit. Quoniam igitur ipsa per se voluptas & scientia seorsum esse non possunt, & haberi perfectum id & omnibus expetendum, & undique bonum, quod in fastigio summoque loco natura suapte constitutum est; capropter ut inveniatur, quid in secundo gradu ponendum sit, esse perspectum ait oportere vel ipsum bonum, vel aliquam boni speciem & imaginem. Atque cum boni domicilium in vita non simplici, sed mixta, positum esse demonstratum sit, domum compertam ad habitatorem inveniendum afferre plurimum adjumenti posse monet. Nam si bonum in mixto est, in eo sese manifestius illustriusque videndum offeret, quod pul-

pulchre mixtum est. Itaque cum voluptates & scientiæ sinceriores aliis aliæ verioresque sint, non omnis voluptas cum omni scientia misceri potest. Quippe quod ad scientias attinet, quarum alteræ contemplantur ea, quæ gignuntur & intereunt, alteræ sempiterna, quæ vere sunt eademque perpetuo, portiones utriusque verissimæ commisceantur oportere tradit. Neque enim sapienti consultum satis ad vitæ humanæ commoditates, si circuli sphaeræque divinæ rationem exploratam habeat, humanam autem sphaeram hanc ignoret, & circulos hos humanos, artesque innocuas ac vitæ utiles. Quare non modo norit oportet, quid ipsa iustitia sit, & rationem intelligentiæ comitem habeat, & reliqua omnia, quæ sunt, æque calleat; sed etiam artibus iis instructum & expolitum esse prodest, quæ tametsi conjecturis, exercitatione, sensuum experientia nitantur & egeant, opportunitates humanæ societati plurimas afferunt. Quippe scientiis aliis, etsi deterioribus, lædi non potest is, qui primis ac potioribus imbutus omnino sit. Quod autem ad voluptates attinet, admittendas eas esse primo, quæ veræ ac sinceræ sunt, & menti ac scientiæ familiares atque domesticæ; tum autem eas adhiberi posse, quæ cum

cum sanitate ac temperantia sponte conjunguntur, & virtutis universæ quasi famulæ sunt ac pedissequæ. Ex dementia vero fusas, & cum alia pravitate conjunctas, absurdum esse si menti sapientiæque admisceat is, qui temperiem concordem intueri velit, & intelligere, quid in homine atque universo natura suapte bonum sit. Nam ut voluptas omni scientia adjuvatur & exporrigitur, cum ex omni digna homine libero cognitione pura quædam oblectatio efflorescat; sic mens & sapientia voluptate omni acerrima nimisque motibus implicata perturbantur, & impeditæ latent. Sic enim a Socrate interrogatæ respondentes inducuntur: *Quò pacto feramus, esse nobis contubernales voluptates eas, quæ multa nobis impedimenta afferunt? Nam motibus turbulentis animos agitant, quos incolimus, neque nos in ortu ipso repressas erumpere sinunt & adolescere, neque sobolem nostram augeri ac perfici; sed, injecta socordia, immissaque oblivione plerumque corrumpunt ac prorsus obruunt.*

XX. Comperto genere voluptatis, quod apte cum mente ac scientia misceri decet, in boni vestibulo sese jam demum insistere Protarchus, indicante Socrate, intelligit; ac si præterea perspi-

spiciatur, quid in mixtione præcipuum, & caussa sit, cur ea constitutio pergrata sit omnibus, perspectum iri, num id voluptati cognatius, an menti statui debeat. Causam autem esse bonum, quod si consequi non omnino licet, una tantum idea trium ambitu circumscribi comprehendique posse tradit. Has autem esse pulchritudinem symmetriam ac veritatem (g). Nam si qua mixtio, mensuræ naturæque commensus expers sit, ea tum mixta, tum se ipsam perdit; non enim temperies possidentibus est, sed intemperata calamitas. Modus autem & commensus ubique virtus & pulchritudo fit. Cui demum veritas non admiscetur, id vere neque fit umquam, neque factum est.

P

XXI.

(g) Omnis mixtio, si recte fiat, his tribus indiget, pulchritudine, veritate, symmetria. Neque enim, si turpe quidpiam irrepserit, mixtionis rectam rationem præbet, cum immoderata & inordinata cupiditatis caussa sit; neque segregata veritas ex puris & vere possessis commixtionem fieri sinit; sed inani similitudine, & eo, quod non est, replet ipsum totum; neque sine symmetria communio conjunctioque congruens elementorum erit. Opus est igitur symmetria quidem ad eorum, quæ commiscuntur, unionem & consensionem aptam, veritate ad puritatem, pulchritudine ad ordinem, quod & ipsum totum amandum efficit. Nam ex eo quod in mixtione convenientem unumquodque locum & elementa habeant, fit, ut quod ex ipsis ordinatum est, pulchrum appareat. Symmetria itaque caussa mixto est ut sit unus; veritas, ut vere sit, pulchritudo ut mente percipi possit, ac perceptum sit. Proclus in Theolog. Platon. l. 3. c. 11.

XXI. Veritati vero , mensuræ , pulchritudini propiorem esse mentem , quam voluptatem , animum etiam oscitanter adhibenti patet. Mens enim aut ipsa veritas est , aut veritati simillima ; voluptas autem cæca præceps inconsiderata , præsertim ea , cui pejeranti solere a Diis ignosci dictum est , intelligentiæ nimirum & consilii prorsus impoti. Porro si mensura spectetur , nihil ut mente ac scientia moderatius , sic immoderatius esse voluptate constat. Demum quod spectat ad pulchritudinem , nemo umquam mentem ac sapientiam deformem vidit aut finxit ; voluptates autem propter aut levitatem , aut habentem offensionis plurimum turpitudinem , os efferre non audent , ac latebris delitescunt. Quare voluptati neque primum esse locum , neque vero secundum a natura datum ; sed in summo positam esse mensuram & moderatum , & quidquid naturam est sempiternam nactum : in secundo quod ad mensuram exactum & pulchrum & perfectum & sufficiens est ; in tertio mentem & sapientiam ; in quarto quæ sunt animi propria , nempe scientias , artes , opinionesque rectas , cum bono cognatæ magis , quam voluptas , sint ; in quinto voluptates a dolore segregatas ac sinceras , quæ
pu-

puræ sunt ipsius animi scientiæ sensibus interpositis excitatæ. Reliquas autem voluptates, quæ dolorum sedationibus admixtæ sunt, & in depravatione magis, quam in sanitate, locum habent, extra censum bonorum ejicit; quippe cum ortum antegressæ corruptioni naturæ debeant, ac, si non solutus in animante concentus sit, non modo nihil habeant, quo veræ voluptatis imitentur speciem, sed ne stirpem quidem, ex qua fundantur, & qua fusæ nitantur, invenire possint.

XXII. Vt autem scientia bono propior, quam voluptas, in Philebo a Socrate demonstrata est, sic in Protagora rerum omnium humanarum esse potentissima dicitur, & in homine dominari; neque si bona non agat animus, id a voluptate seu dolore superante, sed ab inscitia proficisci. Scientiam enim esse quiddam robustum, & ad regendum imperandumque natum; & alienum a vero prorsus esse, quod vulgo fertur, superatos voluptatibus homines optima recusare, quæ norunt, & assequendi potestatem habent; idque refellit ipsis ita sentientium principiis usus. Nam etsi voluptate prior sit natura boni, quæ ipsa per se est, antequam referatur ad voluptatem ex boni communicatione fusam, ob eamque rem aliud bonum,

aliud voluptas sit, itemque malum, ac dolor; tamen qui voluptate seu dolore victos homines a bonis amoveri asserunt, ideo solum jucundum aliquid esse concedunt non bonum, quia dolores in posterum acerbiores asserre solet; injucundum autem bonum, quia voluptates ex eo suaviore educatione consecuturæ sunt; eoque tandem recidunt, ut existiment, aliud nihil esse bonum, quam voluptatem, ac malum quam dolorem. At ineptum esse, reponit Socrates, qui statuatur explorata & perspecta bona quæpiam ab se rejicere voluptate victum. Nam si quis voluptate victus bonum recuset, ac malum suscipiat, perinde est ac si bonum respuat bono victus, & bono victus malum eligat, cum idem voluptas ac bonum esse ponantur, alterumque alteri substitui possit. Quod quidem absurdum est. At si bonum aut malum a bono vincitur, ab eo vincitur, a quo vinci non æquum est. Secus enim haud errasset is, qui dicitur a voluptate victus. Iniquum autem esse superari non alia causa potest, quam quod majora a minoribus superata sunt. Quare superari nihil est aliud, quam mala majora seu dolores, bonis minoribus seu voluptatibus anteferre. Si quis autem inter se longe differre voluptatem ac molestiam præsentem & fu-

& futuras regerat ; non alia re differre posse , quam ipsa voluptate ac molestia , respondet Socrates : quo fit , ut a prudente rerum æstimatore , tamquam a ponderandi perito , voluptates ac molestiæ , siue propinquæ siue remotæ sint , expendi trutina collectæ debeant ; ac si voluptaria cum voluptariis comparata majora eligantur , molestia cum molestis minora ; voluptaria comparata cum molestis , si superent , admitti ; si superentur , omnino repudiari . Id igitur obtingere voluptati ac molestiæ , quod magnitudini cominus et minusque visæ , cum & ipsæ longinquiores esse propioresque possint . Vt autem ad æstimandam magnitudinem arte metiendi , sic ad expendendam voluptatem opus est vi quadam analoga . Nam ars metiendi speciem offusam oculis a varia positione variam eluens , expeditam ab omni fallacia veramque magnitudinem oculis animoque perspicendam exhibet . Itaque cum in recto voluptatis ac doloris usu , seu pluris & paucioris , majoris & minoris , propinquioris & remotioris delectu magnum vitæ positum momentum sit ; vis excessus ac defectus & æqualitatis consideratrix haud esse alia quam scientia potest , quæ vi suapte pollet plurimum , obtinetque , cum adest , imperium

in voluptatem ac reliqua omnia. Cum ergo dicitur voluptas etiam scienti dominari, id imperiti ratiocinatoris esse; nam inopia scientiæ peccant ii, qui peccant in electione voluptatum ac dolorum. Quare superari a voluptate nihil est aliud quam inscitia maxima, ac falsas opiniones habere, fallique in magni momenti rebus ac decipi: atque ut se ipso inferiorem esse nihil est aliud quam inscitia, sic esse se ipso superiorem nihil aliud, quam sapientia est.

CAPVT XIV.

Cur Aristoteles, cum libro Ethicorum septimo fuso de voluptate disputaverit, de eadem libro decimo rursus differat.

I. CVM in libris superioribus Aristoteles affectiones animi, seu virtutes explanarit, quarum est in vita civili permagnus usus, quippe quæ multiplex officiorum genus inter se hominum administrant, aut homines ad ea præstanda paratos instructosque reddunt; libro ultimo de voluptate ac vita beata sibi disferendum esse censuit. Cur autem a Philosopho lo-

locus fuerit voluptati datus , cum ea de re fufe libro feptimo difputatum fit , interpretes inter fe magna in varietate ac diffenfione conftituti funt . Nam haud aliam ab fe cauffam inveniri Giphanius aperte confitetur , quam quod in libris , qui extant Ariftotelis , eadem inculcari ſæpe ſoleant . Barbeyracius in Præfatione , quæ philoſophorum antiquorum ſyſtemata de vita regenda , tuendaque ſocietate , contracta exhibet , ut iis impoſitum a Puſendorſio de Iure naturæ & gentium elaboratum opus altius efferatur , & illuſtrius eniteat , raptim ac tamquam in tranſcurſu diſputationem ait inſtaurari de voluptate , latiusque porrigi , quam antea factum ab eo ſit ; agi poſtremo de felicitate , duplicemque conſtitui , alteram in actione poſitam , alteram in contemplatione , præſtantem illam quidem , ſed hanc præſtantiffimam .

II. Iacobus Thomafius , qui tabulis quibuſdam univerſam in actione poſitam complexus doctrinam eſt , id eveniſſe Ariftoteli libro ſeptimo dicendum arbitratur , quod iis accidiſſe monet , qui voluptatem ipſius animi cenſuerunt eſſe ſummum bonum , ac pervidere diſcrimen haud potuerunt inter actionem ac voluptatem , quarum inter ſe conjunctiſſimæ naturæ ſunt . Quod aperte capi-

te quinto fit , ubi voluptates functionibus implicitæ dicuntur , atque ita indistinctæ , ut anfa detur ad dubitandum , num idem omnino functio voluptasque sint . At absurdum esse mentis ac sensus functiones esse voluptatem , etfi , quia non sejunguntur , idem esse nonnulli putent . Quocirca *δευτέρως φροντισῶς* Aristoteli fuisse necessarias , ac diligentius retractandum quod ab eo confusum antea relictum erat . Zuingerus , homo follers , acutus , & in pervestigando curiosus , enucleandoque sollicitus quidquid ab Aristotele non expressum modo , sed & leviter adumbratum est , amandas ad librum decimum ait esse tractationis reliquias : atque cum amicitiam ac voluptatem accidentia vitæ ethicæ nominasset , accidens alterum ex duobus , quod absoluto de amicitia sermone reliquum erat , eo libro pertractari ; tum autem extremam apponi manam doctrinæ de fine , seu vita beata , quæ tamquam fundamentum universæ disputationis ex ordinis analytici natura fuerat initio proposita , repetique debuisse dicitur ex ejusdem ordinis analytici legibus a Thomasio , qui nihil in Ethicis , præter doctrinam de fine , seu summo bono , contineri statuit ; eoque distingui a politicis ethica , quod ista de fine agant , illa de subiecto & me-

mediis , de civitate nimirum ac legibus . Nam etſi virtutes , de quibus in Ethicis actum eſt a Philoſopho , media quodammodo ſummi boni ſint ; tamen ab analytica methodo longe alia media poſtulari , quam quæ finis expreſſe comprehenſa definitione ſunt ; ejuſmodi nempe , quæ medicamentis ægro corpori præſcribi ſolitis ex altera parte reſpondeant , ut Averroes in explanatione librorum Platonis de Republica animadvertit , ubi ſcientiæ de rebus humanis univerſæ partem ethicam , ait , ea ſeſe ratione habere ad politicam , qua libri ſanitatis ægritudinisque naturam investigantes ſe ad libros habent , qui de tuenda valetudine , curandiſque morbis inſcripti ſunt .

III. At Euftratiſ , aut , ut alii , Michael Epheſius , id ab Ariſtotele tradit eſſe libro decimo ſuſceptum conſilium , ut exponat quiſnam verus homo ſit , hominique vero quæ vita conveniat ; ea nempe quæ mente conſtat , & proprie vereque ſelicitas appellari poteſt . Nam cum ſelix duplex ſit , alter civilis , qui bonis etiam externis eget , ut operari ſine impedimento poſſit ; alter addiſtus unice rerum contemplationi , quæ vere ſunt ; ac de civili multa libris ſuperioribus diſputata ſint , addiſto contemplationi poſtremum eſſe reſervatum .

At cum civilis felicitas actio animi ex virtute cum voluptate, seu non sine voluptate, definita sit; multo magis intelligenti vitæ voluptatem esse penitus implicatam oportere. Nam si voluptas honestis actionibus adhærescit, quo præstantior est actione contemplatio, voluptatem eo præstantiorem functionum optimæ comitem esse debere, mentique constanter adesse rebus occupatæ, quæ sola intelligentia teneri possunt. Quoniam itaque mentis etiam a sensibus abductæ occupatio particeps voluptatis est, ex eo necesse fuisse efficit, ut antea quæreretur a Philosopho de voluptate, quid & quale sit. Ex quibus intelligitur, ideo præsertim Aristoteli fuisse naturæ voluptatis investigationem instituendam, ejusque varios pro varia natura facultatum, & adscripto vario cuique munere distinguendos gradus, ut ostenderetur, esse vitæ propriam in intelligendo positæ voluptatem hominis excellentiæ congruentem in primis, ac sinceram, stabilem, animo cognatam, eique penitus inditam.

IV. At Aristoteles de voluptate luculentius enucleatiusque differit, quam adjuncta vitæ rerum excellentissimarum contemplationi deditæ socia postulare videbatur. Quamobrem existimari potest
Phi-

Philosophus , antequam Ethicæ doctrinæ disputationem emitteret e manibus , ei coronidem impositurus aliorum de summo bono , seu vita beata , sententias inter se maxime discrepantes expendendas suscepisse , ne dum videbantur adversari suæ , bonum hominis in actione virtuti consentanea ponenti , fucum facerent imprudentibus , neque lateret quod in iis confusum erat , sed evolutum promeretur , ut inspicere statuique posset , quid hominis universæ naturæ consentiens , aut alienum ; quid ex æquo respondens , aut præstantius imperfectiusve sit , quam ea poscat ac ferat. Extremæ vero de bono sententiæ fuerunt eorum propriæ , qui nihil esse aliud hominem , quam aut sensum aut mentem opinati sunt , ideoque bonum illi voluptatis , hi scientiæ finibus terminabant , ac vitam homini sive deteriore humanam sive præstantiorem attribuebant ; nam ut voluptuosa vita ceteris animantibus communis est , sic vita , quæ versatur in contemplatione rerum , ab Aristotele (a) dicitur esse excellentior quam hominis natura ferat ; cum qui vivit eo pacto ,

vi-

(a) Cap. 7.

vivat non qua homo est, sed qua divinum quiddam in eo inest. Extremis hisce includitur quidquid a philosophis de fine hominis excogitatum aut fictum fuit. Nam alii voluptatem a sensibus crassioribus traduxerunt ad subtiliores, & ad imaginandi facultatem animique functiones porrexere; alii segregarunt ab omni jucundo motu in sensibus, ipsaque molestiæ vacuitate circumscripserunt; alii ductam ex mentis, animi, sensuumque constitutione optima secundum naturam amplexi sunt; alii demum ab sui sensu, quo sibi quisque maxime astringitur, aliquanto digressi, rerumque motibus humanarum excitati, earumque splendore delectati, esse præclaram censuerunt & eximiam oblectationem eam, quæ manat ex pulchre factis, & ex consiliis funditur ad amplificandam ornandamque ac tuendam societatem hominum accommodatis. Perinde autem ut res, ex quibus voluptas redundabat, aut illustres erant, aut salutare, aut in multo labore positæ, aut e communibus hominum studiis, & cupiditatibus usu probatis evectæ altius; harum insigni lateque fusa specie voluptatis iis implicitæ inobscurari forma cœpit: quo factum est, ut voluptatis nomen ad oblectamenta corporis amandatum, eisque

con-

consensu multitudinis confirmatum sit. Nam , ut monet Aristoteles (*b*) , ad voluptates corporis nominis venit hæreditas ; cum sese plerumque homines ad corporis voluptates applicent , harumque sint omnes participes , & quia solæ notæ vulgo sunt , solæ putentur esse voluptates.



IN-

(*b*) L. 7. c. 24.

I N D E X

Eorum , quæ in hoc Volumine continentur.

P *Prefatio.*

Pag. III

LVCVBRATIONVM ETHICARVM

LIBER SINGVLARIS.

<i>CAP. I. Quo pacto opiniones bonorum & malorum , semel in animum illata , in eo penitus infideant ac dominantur.</i>	3
<i>CAP. II. De Intelligentia.</i>	12
<i>CAP. III. Prefatio in secundum Ethicæ suæ librum.</i>	25
<i>CAP. IV. Alia in eundem librum Prefatio.</i>	35
<i>CAP. V. Qua ratione adolescentibus consulendum , ut eorum voluntas ad honesta pareatur.</i>	47
<i>CAP. VI. De Sensu Morali.</i>	60
<i>CAP. VII. Eloquentiam minime valere ad cupiditatum vim coercendam.</i>	90
<i>CAP.</i>	

CAP. VIII. An vir beatus, bonisque omnibus affluens, amicis egeat. 99

CAP. IX. Commodius esse vulgarem ac mediocre, quam perfectam undique amicitiam querere. 113

CAP. X. Oblato Lyfidis Platonici conspectu, demonstratur quid in eo dialogo sibi Plato proposuerit, & inania Serrani commenta exploduntur. 124

CAP. XI. Quam multæ vitiorum ac virtutum formæ ex voluptatis aut existimationis studio, opibusque earum alterutri vel utriusque additis efflorescant. 150

CAP. XII. Quo consilio veterum philosophorum sententias de vita & moribus ex cuiusque principiis ductas in septimo Ethicæ suæ libro exposuerit. 183

CAP. XIII. Philebi, Platonis Dialogi, qui de voluptate est, Epitome. 193

CAP. XIV. Cur Aristoteles, cum libro Ethicorum septimo fuisse de voluptate disputaverit, de eadem libro decimo rursus disserat. 230

N O I
R I F O R M A T O R I
DELLO STUDIO DI PADOVA.

A Vendo veduto per la Fede di Revisione , ed Approvazione del *P. F. Gio: Tommaso Masccheroni* Inquisitor General del Santo Offizio di Venezia nel Libro intitolato *Opere varie di Giacopo Stellini C. R. S. Volume quarto MS.* non v'esser cosa alcuna contro la Santa Fede Cattolica, e parimente per Attestato del Segretario nostro, niente contro Principi, e buoni Costumi, concediamo Licenza a *Giovambatista Penada* Stampator di Padova, che possi essere stampato, osservando gli ordini in materia di stampe, e presentando le solite Copie alle Pubbliche Librerie di Venezia, e di Padova.

Dat. li 20. Settembre 1782.

(ANDREA QUERINI Riformator .

(NICCOLO' BARBARIGO Riformator .

(ALVISE CONTARINI 2.^{do} C.^r Proc. Rif.

Registrato in Libro a Carte 38. al Num. 559.

Davidde Marchesini Segr.

NUO.

NUOVI ASSOCIATI.

CIVIDALE DEL FRIULI.

M^A R. Sig. D. Francesco Perufini.

P A D O V A.

Nob. Sig. Giuseppe Savioli.

U D I N E.

Nob. Sig. Co. Ab. Antonfaverio di Panigai (per la 2. Copia)
Nob. Sig. Co. Enrico Zucchi.

V E N E Z I A.

Sig. Niccolò Coletti Librajo.

S. VITO DEL TAGLIAMENTO.

Nob. Sig. Ab. Giovanni Annoniani.
Nob. Sig. Paolo Andrea Molini.

ERRORI.

CORREZIONI.

Pag. 20. l. 10. prodidit.	prodidit:
44. l. 13. presente quod optimum est	præsentē, quod optimum est,
56. l. 7. IV.	V.
108. l. 22. fluit.	fluit:
126. l. 13. palestram	palæstram



I N P A D O V A

NELLA STAMPERIA PENADA



MDCCLXXXIIL

ADDI V. FEBBRAJO.

166752





THE UNIVERSITY OF CHICAGO
LIBRARY
CHICAGO, ILL.
JAN 10 1900



